

# *NGOOYO MUNTU AWA WALO*

## *UKONZYA KUYASYA MUMUNI*

 Ndaku lumba mukwesu. (Alekwé aimbe.) Atu kotamike mitwe yesu lino. Taata wesu Wakujulu, twa Ku lumba cifumo cino nkambo ka bubotu a luse Lwako, ku kutupa coolwe ca kubungana okuno antoomwe alubo, buzuba ku lubazu olu lwa Butamani, ku komba Umwi uyandwa, Mwami Jesu Kristo. Twa Ku lumba nkaambo Wa kaboola mu nyika ku—ku zotunununa kuzwaku ii—ii buumi bwa cibi, aku tupa lukono olu lupati olo ndo tu jisi kwiinda mu bululami Bwakwe. Elyo mbuli mbo, cifumo cino, tuli kokuno mbuli baiminizi Bakwe, ku—ku komona Cinkwa eci ca Buumi ku mbunga eyi ilindila, akube kuti Muuya Uusalala unanike Ijwi lyoonse a ku libikka mu myoyo ya bantu, mbubonya buyo mbo tu bulide. Twa cilomba eci mu Zina lya Jesu. Ameni.

Amu kkale.

<sup>2</sup> Ndi langanya eci ncobeni, mbuli coolwe cipati, alubo cifumo cino, kwiima okuno a ndinywe. Twa usa kuti ta tujisi busena bumbi kwiinda mbo tu jisi, bwa kubamba bantu. Cikombelo cesu tacili cipati kweelede. Elyo tuli lumbide loko kuba kokuno, kwiinda mu mazuba aya akupumuna, kuzwa—kuzwa kumusanza ku munzi wesu mu...ku Tucson. Elyo bube bwaciindi bwali kubaanga mbukali, pele twali kkomene kuba kokuno akuba a muswaangano.

Lino, Ndi yanda kwaambilizya kuti sunumasiku kuyooba kuswaangana kwa kuponesegwa sunumasiku, na mupailo wa baciswa. Elyo Nda ambila Billy ndyoonya lino. Wa amba, “Ee, uyo cita nzi?”

<sup>3</sup> Nda amba, “Ee, ambweni ncibotu wavozya makkaadi sunumasiku, kutandila sikisi theeti, kutegwa oko bantu taba...”

Elyo, mwabona, kulisyaaankene maningi omuno, tula konzya kuziba buyo bwa kubaleta, omwe a omwe, kutegwa mukonzye kwiitwa kwiinda ku mweelwe wa kkaadi lyanu, elyo kutegwa kutabi kwaatikizyanya kuli koonse. Tu konzya buyo kubaita, omwe a omwe, kubalekela kwiinda mu mundando mbuli mbo tuba kombela.

<sup>4</sup> Aboobo, nywebo, ikuti na mula ciswa, na mujisi bayandwa baciswa, elyo tuyanda kubanjizya mukati, amuboole kutandila sikisi theeti, cintucimwi mbuli ceeco, seveni kuloko, a ku bweza kkaadi lya mupailo. Unooli ku mulyango, nanka obo uno avozya, mbuli mbo muboola mukati.

<sup>5</sup> Elyo, mpawo, eci ambweni ciyo tandila kuba ciindi camamanino Nce elede kupiluka, kwa ciindi cimwi, nkaambo Ndi jisi makanze aamaccililanwa aindide kapati lino. Kumusanza, akwalo amu United States kusikila ku ciindi eci cabutololo, cakumuka. Aboobo, swebo, tuyo jokela alubo kwaakumana asyoonto mainza aya.

Ikuti na Mwami wayanda, Ndi yanda ku, ikuti na twa jana i—i busena okuno ikuti na buli jisi maeyakkondishina. Ni ndalomba Billy. Ndi yanda kuyo kambauka ali yeeyo Myeembo ili Ciloba, kuba a kuswa- . . . i muswaangano okuno wa Myeembo ili Ciloba, ikuti—ikuti Mwami nawayanda. Nkambo, eyo, i—i Makkalo aa Mbungano ali Ciloba, a Zinamatizyo zili Ciloba, elyo lino Myeembo ili Ciloba. Elyo kukonzya kujana ciindi cimwi mbuli mu Gandapati oko bantu nkobaba aziindi zyabo zyakupumuna, kubapa ciindi kutegwa baka konzye kubako.

<sup>6</sup> Elyo Ndili botedwe kubona Mukwesu Shepherd okuno cifumo cino, kuzwa mu cibbadela. Nda kali unkide kuyo mubona buzuba bumwi. Elyo Mucizi Shepherd, Nse kakonzya ku kutumina jilo. Eciya ciloto nco kanditumina cakali kabotu, kabotu loko. Wa kabona, mboonya mbo cakabede, Kristo mu ii—aa ii . . . mu—mu milengalenga, atala aa mbizi eyi iituba, pele nekubaboobo kaangidwe, yebo wabona. Pele, nekubaboobo, kacitana zimaana, mukwasyi wako oonse weelede wacibona. Obo, bupanduluzi bwa ciloto, mbwa kuti mukwasyi wako wakabona kweenda Kwakwe kwa mazuba aya akumamanino kacitana mwaika, obo mbo Ca kabede. Aboobo, nca, eco cakali cakumuuya, a cilongezyo cibotu kapati kuli ndinywe, mukwasyi wako. Oyo mukwasyi wakazwa mu mapenzi mapati, ku sika awo mpo babede sunu.

<sup>7</sup> Elyo lino tujisi cintucimwi, ciniini ku lubazu lutakondi, cifumo cino. Kuzwa ciindi ni Nda kaswaana okuno . . . Umwi wa beenzuma bangu bayandisi, a—a basikuboola ku cikombelo eci, mukwasyi wabana Coats; oko, toonse tula bayanda. Ba zwida kumusanza kujwe, alimwi, na kuzwa ku Chicago, kubusa. Elyo Mucizi Billie Habib, a—a mucizi wakwe, Armstrong, a basimbi boonse. Ba . . . Ndi yeeya kuti kuzwa kumatalikilo bakali ba Nazareni, elyo ba boola ku Mwami, alimwi mbeenzuma besu loko bayandisi.

Elyo Mukwesu a Mucizi Coats, ba wisi a banyina babo, bakali mu lweendo kuya ku munzi buzuba bumwi, kuzwa okuya Kumbo, elyo umwi wakatezelekela aa mugwagwa a—a kujaya Mucizi Coats, mpoonya awo. Elyo—elyo cindi niba kanditumina, mu—mu Tucson, elyo Nda kamvwa kujatikizya nkuko, Ndali kkede mpoonya awo aka bbokesi ka maswiiti ako nka kazwa kundi bambila, kakkede a i—a i tafule. Elyo tamuzi obo mbo ca ndibamba kulimvwa. Pele Ndi—Ndi yeeya kuti, lumba Mwami cifumo cino, ta keelede kupengaana. Waa kali kuya bucumbaala,

elyo ta keelede kupengaana. Elyo waa unka ku Munzi kuyooba a Leza.

<sup>8</sup> Ndali kuyeeya buyo, a kwaambaula ku bana bakwe basimbi bobilo, ndyoonya lino, mu kaanda omuya. Mukwesu Coats nkwalifi cifumo cino; ujisi mabambo amwi aatyokede. Elyo Nda kamutumina mu cibbadela omo mwa kajatidwe, okuya mu Missouri, a mabambo akwe aakatyoka a zintu, pele mubwini wakajisi camba cini, Munakristo wini; kuziba kuti namalelo wakwe muniini tafwide, ulapona kwalyoonse, a Kristo, elyo kuyooba ciindi cakukamantana.

<sup>9</sup> Jobu wa katì, ciindi cimwi, “Oh, kuti Uka ndisise mu cuumbwe, a kundibamba mu busena busisidwe, kusikila bukali Bwako bukainde.”

<sup>10</sup> Sa mwakasola kubona Leza, mu bulenge, kacita cintu nciconya? Mbali mulolo uli mu zisamu mujulu awa, kaujatilila matu; elyo ka kutanasika mapeyo, bukali obo butilwa aa nyika... Mwabona, ku ciindi cimwi aa nyika yataka jisi mapeyo. Elyo mu Mileniamu takukabi limbi mapeyo, nywebo mwabona. Aboobo mbukali atala aa nyika. Mpawo cindi eco nica kacitika... Mwabona, bukali kabutanasika, Leza mu luse Lwakwe ulatuma mulolo oyo ansi eni mu i...kunsi kwa bulongo, mu miyanda ya cisamu eco, a kuubamba okuya kusikila bukali bwa mapeyo bwainda, mpawo kuusumpula mujulu alubo, mwabona, mu ciindi cabutololo.

“Oh, kuti Uka ndisise mu cuumbwe, a kundibamba mu busena busisidwe, kusikila bukali Bwako bukainde.” Ncencico Nca acitila mucizi wesu. Ncencico Nca citila Munakristo aumwi.

<sup>11</sup> Mukwesu Coats, Leza akulongezye. Ndili kkomene loko kuziba boobo, kuti Caando ca Leza cilajatilila mu oora lya penzi. Ndi lizi omo mwaindamo, nkaambo Nda kaindamo mu cintu nciconya cikozenye, myaka yainda. Pele Ndili... Omwe a omwe twe elede kulanduka mulonga oyu mupati; alimwi, Mebo, elyo ciyooba ciindi cangu, bumwi bwa mazuba aya; a ciindi canu, bumwi bwa mazuba aya. Pele mbuli Davida mbwa kaamba, “Nse kayoowi bubi; nkaambo Yebo ula mbebo. Musako Wako a nkoli Yako zila nduumbulizy.”

<sup>12</sup> Lino mu ciibalusyo ca Mucizi Coats, mucizi wesu muyandisi oyo wakaunka kuli Leza. Mebo... Mbali ciibalusyo ciniini kuli nguwe, cifumo cino, Ndi yanda mbunga kwiiimikila kwakaindi buyo kaniini.

Atu kotamike mitwe yesu a kuyeeya umwi oyo wakaliko ciindicimwi, mazuba masyoonto ainda, wakeenda mu—mu cikombelo eci, kunjila a kuzwa akati kesu, kasuka maanza esu, Munakristo mubotu, lino uli mu busena obo Mwami mbwa kandilekela kubona kutali ciindi cilamfu cainda, mwanakazi mukubusyi alubo, kalindila mukwasyi wakwe uciboola.

<sup>13</sup> Taata wesu Wakujulu, twa Ku lumba ku ziibaluko zya Mucizi Coats. Ino muyandisi, mucizi uyandwa! Elyo lino ciindi cilasika notu manizya caabilo cesu mu buumi, eco caka bikkilwa ndiswe, twe elede kulanduka mulonga. Tula Ku lumba nkaambo kakuti ta keelede kupengaana. Ku leeleda kuti kwiina cintu cili conse kulwana nguwe okuno, eco nca keelede kupengela. Waa unka buyo kugama mu maboko aa Leza, mu kaindi buyo kaniini.

<sup>14</sup> Mulumi wakwe, bana bakwe, nkobali cifumo cino, Mwami, nkoonya kujokela kubusena bwa milimo yabo. Obo mbo tu Ku lumba ku lusyomo olo lwantanze! “I Lusyomo lwa matata lucipona, mucibaka ca ntolongo ya museenengo, mabangabanga, a cceba.” Twa Ku lumba nkaambo ka zintu ezi zyoonse.

<sup>15</sup> Kopumuzya buntu bwakwe buyandisi, Mwami. Waa kali mucizi wesu. Kufwaba, madosi aa misozi awida mu moyo wesu, nkambo kakutabako kwakwe, pele lutangalo lulafwasuka kuzwa ku madosi aa misozi, ku tuzibya a kaanzambwene ka Ijwi Lyako kuti ulapona mu buumi butafwiki obo butakonzyi kuyabaala. Alimwi taku konzyi kuba ntenda oko nkwa bede lino, kulindila buyo baabo baciboola kutobelaa kuyo musangana.

<sup>16</sup> Longezya Mukwesu Coats, alimwi longezya basimbi abo a mukwasyi wakwe, Mwami, abaabo bayandwa, a boonse ba muyanda. Elyo buzubabumwi, Taata, tu syoma kuyo muswaana kutala omuya Kulaale kulemu, oko kutakwe malwazi, kuusa, nanka lufu. Kusikila ciindi eco, tu bambe toonse mu nseba a kuba kabotu, ku belekela Nduwe, a kulangila buzuba obo. Mu Zina lyा Jesu Kristo twa cilomba. Ameni.

<sup>17</sup> Akube kuti Muuya Uusalala mupati oyo ubeleke a ndiswe okuno ku cikombelo, mu kuyubununa Ijwi Lyakwe, akube kuti Apu muzye buntu bwakwe bwantanze mu luumuno mane tuka muswaane.

<sup>18</sup> Lino kula kasaala omuno cifumo cino, nkaambo ayalo mibili, nywebo mulizi, kunji loko kukasaala kwa mibili wabuntunsi.

<sup>19</sup> Lino, tu yanda kwaambilizya lino. Ziindizimwi kuswaangana kwesu okuno, mukuba kulamfu, kwa ii—kuba cifumo, kaambo nkakuti... Tacili kabotu ncobeni kuba a kuswaangana kulamfu boobo, nkaambo, oora, oora a cisela, na ziindizimwi maoora obilo. Pele eco nce Ndi cita, Ndila teping'a kusule oku, mwabona, alimwi teepu eyi ilaunka ku nyika yoonse mbiizulwa. Elyo ncencico Nce...tula bungana, kwaciindi cilamfu, kwa cifumo, nku—nku kaambo kakuti Ndi boola kokuno kupanga mateepu aya. Oko nku...Ndi...bali... Mwabona, mula konzya kubona mu kaanda omuya, i—i mateepu ayo ali—ali mukupangwa. Lino...Elyo alaunka koonsse ku nyika yoonse.

<sup>20</sup> Lino, calino, Mwami nawayanda, eci ciboola, Mbwe yozwida biyo okuno...Ndi yozwa, Mwami nawayanda, juunza cifumo, ciindicimwi, kujokela ku Arizona, nkaambo Ndi jisi

muswaangano uboola. Elyo mpawo ndweendo loonse buyo koonse Kumusanza. Elyo nywebo no bantu ba ku musanza kuzwa kunselelo mu Georgia, a Mississippi, a Texas, a Alabama, tula boola nkoonya kunselelo oko, lweendo loonse mu Florida, cakufwambaana.

<sup>21</sup> Kuunka kuzwa kuno kusika ku Phoenix, mpawo ku California, a kujokela nkoonya ku Dallas, elyo—elyo ambweni kuyo selemukila mu San Antonio, Ndi yeeya kuti mbo kubede, a kujokela mu Alabama, a Florida, a kwiinda kokuya. Aboobo tuno mubona nywebo no bantu kunselelo oko, Mwami nawayanda, cakufwambaana.

<sup>22</sup> Elyo mpawo amuzumanane ku tukombela, elyo tuyu muzibya na ndilili, ikuti na twa... Mwami wabikka ku myoyo yesu lino kuba a ii—ii mazuba masyoonto okuno, mainza aya aboola.

<sup>23</sup> Nda kajisi matobelanwa aa miswaangano ya kakanzidwe. Elyo bunji bwanu mu New York mulizi cindi cilengaano nica kasika, eco cakaamba kuti eyo miswaangano mu cisi ca Scandinavia... Sa mula iyeeya ya kakanzidwe omuya? Elyo mpawo, Ne kacili mu New York, cilengaano caka sika, cakutti umwi aumwi wa miswaangano eyo uyo saya, ku kaambo kamwi. Elyo Ndila yeeya Nda kaambilam bamwi banu okuno, cindi nitwa kali mu New York. Ncencico caka citika ncobeni, nkaambo boonse bakali kuyanda buzuba bomwe elyo tikwa kakonzeka kujana buyake obo.

Aboobo, mpawo, eco inga casiya kasena kaniini okuya mu Gandapati. Inga kwaba kuti na nduyando lwa Mwami, Nda kali kuyeeya, ambweni kwijokela Myeembo eyo nkoonya kuno, nocita namana ciindi. Mwabona? Aboobo tu lizi kuti zintuzyonse zila beleka buyo kabetu. Aboobo eco ncicakali ku moyo wangu, aboobo inga caba eco Nca yanda kuti tu cite.

<sup>24</sup> Lino Nda bona muli muku cincana zyuuno umwi aumwi, a—a kuzwa mu ma hoolo, azimwi zimbi. Ni twali jisi buyo busena bwa kukkala.

Elyo lino cindi twaba a Myeembo eyo, nkokuti... tu yanda kujana buyake bwa kunyanyamwida mubili bwa cikolo cipati. Ndi yeeya kuti bula bweza bali myaanda ya makumi osanwe aosanwe, elyo mpawo inga twa kuba acoolwe, akwalo, muntuonse kujana cuuno, a kukkala a kuswiilila cabutontozi kuciindi notu—notu kambauka.

<sup>25</sup> Na, eyi, Myeembo, yalo mibotu loko, loko. Nda kali kwiilanga buzuba bumwi. Mwabona, a Cinamatizyo Cacisambomwe, yoonse Myeembo ili Ciloba yakalilila moonya omuya mu Cinamatizyo Cacisambomwe, mwabona, Cinamatizyo Caciloba kacitana kujula Kuboola kwa Kristo.

<sup>26</sup> Elyo, sunumasiku, Ndi jisi Mulumbe uyandika kapati oyo Ngwe yanda ku kambauka kakutana buyo i—i—i kuswaangana kwa kuponesegwa. Elyo ikuti na muli kokuno, alimwi muyo

lala, ee, tuyo sola, ikuti na cilakonzeka kufwambaana buyo kutalika aniini, nkaambo kuyooba mundando wa mupailo. Nse ko kambauka ciindi cilamfu, pele kuli cintucimwi eco Nce kali kuyanda kwaamba ku mbungano, kwaciindi, elyo kubaanga nku muzibya a i—i—i—i... obo zintu mbo zyeenda ku ciindi ecino, a waawo buyo mpo twiimvwi, ku bubotu bwa luzibo lwangu kwiinda ku Lugwalo.

<sup>27</sup> Lino, Ndi yanda kuti mujule cifumo cino antoomwe a ndime, ikuti na tuyanda kweengela na kubamba bulunguluzi bwa waawo mpo tu bala, Bbuku lya Isaya. Elyo Ndi yanda kubala kuzwa muli Isaya, cipati 42 ca Isaya.

<sup>28</sup> Tuli kkomene loko cifumo cino, akwalo, kuba a Mukwesu Dauch ukkede a ndiswe awa. Kuciindi nomu jula... Nywebo mulizi, ba kali kuyeeya kuti nata kapona, okuno mu Shreveport buzuba bumwi. Elyo ncobeni ulijisi lusyomo. Iiyi, munene, ulatanta ncobeni kuzwa kuli nkuko; Mwami ula mulongezya nconzyo, inzya. Mwabona, Mukwesu Dauch ulaa myaka ya makumi ali fuka aomwe yakukomena, elyo wa kajisi kukakilwa kubeleka kwa moyo cakumaninina; akulwanwa kwa moyo, atala lya nkuko. Elyo dokotela nguwenya wakaamba kuti taakwe nibakabona nzila neiba yomwe yakuti apone. Mukwesu Dauch ulapona, elyo dokotela ulifwide. Mwabona? Nkaambo, wa... Mwabona, Mukwesu Dauch uli kkede awa.

<sup>29</sup> Elyo mpawo, ii—ii mwaalumi wa myaka ya makumi ali fuka aomwe yakukomena, a kukakilwa kwa moyo a kulwanwa kwa moyo. Elyo okuya, cindi Ne kali kuunka kutala okuya, Nda ka mubona keenda kuselemuka kagwagwa; Nda kamu bona mu mbungano. Elyo Nda kaunka a kumwaambila, kunsi lya okisijini tenti, “Mu Zina lya Mwami, Nda suka janza mu i... Njo kubona mu mbungano alubo, a kusuka janza lyako mu kagwagwa.”

I kuswaangana nkoonya kwa katabela, ngooyo wakaliko, kali kkede nkoonya kusule awa mu cikombelo. Elyo Nda kaunka ku Louisville, oko nko tu lida ku Blue Boar okuya, kuyo olya, elyo Mbwe kazwida biyo mu mootokala wangu, katalika mu kagwagwa, mpaawa wakaboola Mukwesu Dauch kaselemuka mu kagwagwa. Nceeco we, cakulondoka ncobeni. Elyo nzila Mwami mbwa kamu longezya!

<sup>30</sup> Lino tuyo ambaula zya kuponesegwa, sunumasiku, a zintu, nkabela ndi jisi zintu zibotu kapati zya kumwaambila sunumasiku.

<sup>31</sup> Pele lino, kutegwa Ndi konzye kupanga mateepu lino, mpawo kulibambilwa kwaalizya, Ndi yanda kutalika kubala kuzwa kuli Isaya cipati 42, a kampango ka 1 kusikaku 7. Elyo Matayo cipati 4, kutalika, Nda syoma, kampango ka 15 a 16.

<sup>32</sup> Lino, mu—mu cipati 42 ca—ca Isaya, tuyo bala.

*Amubone mulanda wangu, walo Ngwe iminina;  
musale wangu, muli nguwe buntu bwangu*

*mobubotelwa; Nda bikka muuya wangu ali nguwe: uyo leta lubeta kuli Bamasi.*

*Ta kalili pe, na kunyamuka, na kucitya jwi lyakwe kumvugwa mu kagwagwa.*

*I tete licuzaukide tali katyolwi, alimwi i buungu tabu kazimwi: uyo leta lubeta ku bwini.*

*Ta kakakilwi naanka kutyompwa, mane a ka...wa bikka lubeta mu nyika: elyo tusuwa tuyo lindila milao yakwe.*

*Mbuboobu mbwaamba...MWAMI, oyo wa kalenga majulu, a kwa vungulula; oyo wa kayala nyika, a ceeco ca kazwa muli njiyo; oyo upa kuyoya ku bantu ali njiyo, elyo i muuya kuli baabo beenda muli njiyo:*

*Nde MWAMI ndamwiita mu bululami, alimwi Ndiyo jatilila janza lyako, alimwi njomu bamba, alimwi kumupa cipangano ca bantu, ku mumuni wa Bamasi;*

*Ku jula meso akoofwaala, ku gwisya baange kuzwa mu ntolongo, alimwi abo ba kkede mu mudima kuzwa mu ng'anda ya ntolongo.*

<sup>33</sup> Lino mu Makanimabotu aa Matayo, cipati 4, Ndi yanda kubala kuzulizigwa kwa cisinsime eco cakapegwaa a Isaya. Mu cipati 4 ca Matayo, Ndi—Ndi latalika kubala. Ikuti na kulakonzeka, atu talikile a kampango ka 12 mucibaka caka15.

*Lino cindi Jesu nakamvwa kuteeti Johene waka bikkwa mu ntolongo, wa kazwa kuya mu Galilaya;*

*...kazwa mu Nazaleta, wa wakasika a kukkanala mu Kapenaumu, eyo iili aa nkowmwe lya lwizi, mu minyinza ya Zebuloni a Nefitalimu:*

*Kutegwa ku zulile oko kwa kaambwa a Isaya musinsimi, kuteeti,*

*Amubone, inyika ya Zebuloni, a inyika ya Nefatalimu, ku nzila ya lwizi, kwiindilila Jordano, Galilaya wa Masi;*

*I bantu...baka kkede mu mudima bakabona mumuni mupati; a kuli baabo iba kakkedde mu zyooke i zya zimvule zya lufu mumuni waka bbuka.*

*Elyo kuzwa kuciindi eco Jesu waka talika kukambauka, a kwaamba kuti, Amweempwe: nkambo bwami bwaku julu buli afwaafwi.*

<sup>34</sup> Akube kuti Mwami ayungizye zileleko Zyakwe ku kubala kwa Ijwi Lyakwe! Elyo lino, cibalo ciniini cigambya eco nce Nda kamvwa muntu umwi kaambaula, waamba eci, pele Ndi yanda kubweza eci ku cibalo: *Ngooyo Muntu Awa Walo Ukonzya Kuyasya Mumuni*. Elyo lino tuyu kanana a ciyo ea mumuni.

<sup>35</sup> Eci citobelaa ziyo zyotatwe ezyo nzi twa kazwaa kukanana.

Cimwi cazyo, ku Tucson, na ku Phoenix, akuti nkaambonzi Jesu nca kaboola kwiinda ku nzila ya Betelehemu. Kuteeti, Wa kaleelede kuba, nkaambo Walo ngu Betelehemu. Betelehemu! *B-e-t-e* ni “ng’anda”; *e-l*, “Leza”; *e-h-e-m-u* calo “cinkwa,” cinkwa. “Ng’anda ya Cinkwa iya Leza.” Elyo Munakristo aumwi wakazyalwa muli Kristo ulazyalwa mu Betelehemu, ng’anda ya Leza iya cinkwa.

<sup>36</sup> Mpawo, mukati myua, kutondezya Davida, wakali sikuloboka ku ciindi eco cu kutandwa kwakwe kuzwa ku bantu bakwe. Wa katandwa. Elyo Betelehemu yakali saalidwe, elyo ba Filisti baka bikkide mpi kuzunguluka Betelehemu. Elyo Davida, sikuloboka, citondezyo ca mbungano sunu, ca Kristo. Mwabona, Kristo ngu Sikuloboka ku mbungano Yakwe Ini sunu. Ba jisi... Ii *sikuloboka* “ncintucimwi cikakidwe.” Elyo Davida wakali kakidwe, nekubaboo wa kali nanikidwe kuba mwaami; pele musinsimi waka munanika.

<sup>37</sup> Elyo kuciindi eci, mukuba ii—ii sikuloboka kuzwa ku bantu bakwe, wa kasala Bamasi banji basintaze. Umwi wabo waka jaya baalumi bali myaanda ili lusele, buzuba bomwe, kubelesya sumo, na panga. Elyo umwi umbi waka sotokela mu cilindi a kujaya mulavu, aa buzuba bwacaanda cinji. Elyo—elyo bakali kubwezelela nseke zyakujisya, zili mbunyangu na girinibbinsi, na cintucimwi, elyo—elyo boonse babo baka cija, nkabela wa kaima a kujaya baalumi mane janza lyakwe lyaka dekela. Ba kajaya akwalo babunyina abo batpati iba Goliati.

Mwaalumi sintaze, kajisi kuli Davida, nkaambo ba kalizi kuti wakali kuboola mu bulelo. Ba kalizi, kakutakwe makani eco umwi nca kaamba. Leza waka jisi bunanike ali Davida, nkabela ba kalicizi. Ba kali Bamasi. Kakutakwe makani obo kunji mbo ba ka mutanda, ba kalizi kuti wakali kuboola ku bulelo. Elyo buzuba bumwi okuya...

<sup>38</sup> Ino ncikozyanyo mbo cibede sunu, ca—ca Kristo, Sikukoboka! Nywebo mwati, “Kristo, Sikuloboka?” Kweendelana ku Bbaibbele, kuti twa... Leza munzila ya camba waka twinzya muli ayo Makkalo aa Mbungano Ali Ciloba. Eyi mbungano ya Laodikeya, Kristo wakali Sikuloboka anze lyu mbungano Yakwe, waakakwa, kasola kunjila alubo. Mwabona? Walo ngu Sikuloboka, ku mbungano Yakwe Ini. Elyo kaambo Ncali Sikuloboka, nkaambo Walo ndi Ijwi, alimwi taba kalekeli Ijwi kunjila. Ba katambula tunsiyansiya, mucibaka.

<sup>39</sup> Elyo tu jana kuti, mpawo, mu kulwanisa oku kupati, baalumi abo basintaze baka zungulukide—zungulukide Davida, Bamasi.

<sup>40</sup> Ikuti na mwalanga obo Betelehemu mboya kapangwa. Ta ndiyandi kulanganya ciiyo eco, pele obo Betelehemu... Mubwini, Rahabu, muvuule, mwana wakwe musankwa wakali umwi oyo wakatalisyia Betelehemu. Yakali mbaakani ya whiiti, a

maanzi manji mabotu okuya. Elyo wa katalisya muunzi muniini. Elyo wa kali muniini maningi ku miinzi yoonse, nkaambo musinsimi wa kati, "Kuzwa...Betelehemu wa Judaya, sa toli muniini loko akati ka beendelezi ba miinzi ya Jerusalema... na Judaya? Pele kuzwa kuli nduwe kuyoozwa Mweendelezi uyo endeleyza bantu Bangu." Kuzwa kuli umwi muniini.

<sup>41</sup> Davida, cindi nakasalwa kutala okuya. I babunyina, bapati babotu, cindi musinsimi Samueli na kainka, kuyo nanika, boonse babo ba kaliimvwi awo. Baalumi, basintanze bapati, kaboneka mbuli kuti niba kaba, kaboneka, bami bakali kaboneka kabotu. Pele nguonya umwi wakakakwa wakali nguwe, Davida, kuti waka tilwa mafuta ali nguwe. I munzi waakakwa wakali umwi oyo Kristo...

Mbaabo baakakwa Kristo mbasala, mwabona, bamwi abo baakakwa.

<sup>42</sup> Mpawo tula jana, kuzwe nguwe kwakasika Obedi. Elyo kuzwe nguwe kwakasika Boazi. Elyo mpaawo kwakaba umbi Munamasi, walo wa kasika kwiinda kuli Rute. Elyo kuzwa awo kwakasika Jese. Elyo kuzwa Jese kwakasika Davida. Elyo cilido cabanyama ciniini kumbali ly a cilundu cakaleta Mwaami wa bami, Jesu Kristo, Mwana wa Davida, Mwana wakwe wakumuuya.

<sup>43</sup> Lino mpawo, mbwa kabede, Davida mwini muku zyalilwa mu munzi oyu, wa kacita kuboola ku kasena aka kaniini. Elyo ka kategwa Betelehemu, eelyo lyaamba, "i—i ng'anda ya cinkwa iya Leza." Elyo Walo ni Ng'anda ya Cinkwa iya Leza.

<sup>44</sup> Davida, kakkede awo a cilundu buzuba obo, nkabela wa kalanga ansi a kubona ba Filisti kaba zungulukide mu impi mbuli boobo, kweelede kuti wakapidwa a kufwa nyota. Wa kati, "Oh, ikuti Nda konzya kuba a cakunywa kuzwa ku mukalo oyo, ciindi cimbi!" Baa, miyeeyo yakwe yaansi loko kwakali kulailila kuli bakwe, abo bakali kumuyanda.

<sup>45</sup> Mbo cibede asunu, miyeeyo ya Jesu yaansi loko, na nzila ijatikizya Ijwi Lyakwe, yeelede kuba a kulailila kuli ndiswe to Bamasi abo ba Mu yanda. Nkambo tu lizi Uboola mu bulelo, takukwe makani obo kunji Mbwa kakidwe. Majulu a nyika ziyo loba, pele Oyu uyo lela mbubonya buyo cindi majulu a nyika nizino lobede. Elyo tu lizi Walo uboola mu bulelo, nkaambo taakwe cintu ciyo cilesya kucitika. [Mukwesu Branham waumauma Bbaibbele lyakwe—Mul.] Oyu ngu Kristo, ciyubunuzyo Cakwe, nkabela eci ciyo citika nzila njionya buyo Ijwi mbo lyaamba kuti mbocibede, nkaambo Walo ndi Ijwi. Elyo kulailila Kwakwe kwaansi loko awa, takukwe makani mbo kuli kuniini, ikuti na "nkubbizigwa alimwi," na kufumbwa mbocibede, tuyu cicita, kufumbwa. Nkulailila Kwakwe.

<sup>46</sup> Elyo muyeyeo waansi loko wa Davida kwakali kulailila kuli Bamasi abo, nkambo, balo, cikozyano ca Mbungano ya Bamasi

sunu. Baalumi basintaze! Mwabona, baalumi abo bakaima munsi lya Davida bakali Bamasi, pele, baalumi basintaze. Tee bakali kuyoowa. Tee bakazi bwalo buyoofu mbo bwakabede.

<sup>47</sup> Muntu omwe waka bweza panga a kujaya bantu bali myaanda ili lusele, a balo boonse baka muzungulikide. Ino wakali muntu! Umwi wabo, ii...

Umwu muntu. Kwakali silumamba muna Egepita wakazuza, kajisi sumo damfu. Wa kajisi kasamu mu janza lyakwe. Wa kabweza kasamu a kutapuzya sumo kuzwa mu janza lyakwe; kabweza sumo a kumujaya, mwini. Mwabona?

<sup>48</sup> Umwi wa babbabbi abo waka jisi tunwe tulampa mainchi ali kkumi aone, mbuli boobo. Lino, mainci ali kkumi aone, kanwe kako nkalamfu buyo mbuli janza lyako, kuvunga; kovungulula elyo, inga lyaba janza lya mainci ali makumi obile alusele. Elyo a sumo! Elyo kasotokela moonya omuya a kumujaya. Mwabona? Nkaambonzi? Wa kali muntu sintaze, Munamasi kalanga kuli umwi unanikidwe oyo ngwa kazi kuti wakali kuboola mu bulelo.

<sup>49</sup> Sena mwakabona, balo mukuba basintaze loko kuli Davida, cindi Davida kumalekelo nakaboola mu bulelo, wa kababamba kuba beendelezi ba miinzi? Sena Jesu taka syomezya cintu nciconya? I cintu nciconya, kubabamba kuba beendelezi.

<sup>50</sup> Mpawo, omuya, cindi kuyanda kwa Davida nikwaka sukamina cakunywa cipy. Antela waka jisi maanzi amwi akaindi, ateendi kutala okuya, nga kali kunywa. Pele wa kacitika kuyeeya maanzi ayo mapya kuselole ya Betelehemu, ng'anda ya cinkwa iya Leza. Elyo wa kati, "Ikuti Ne kaba buyo a cakunywa kuzwa ku mukalo oyo!" Elyo baalumi abo baka somona mapanga abo a kulwana ba Filisti kwa mamaile ali kkumi aosanwe, kutali kuti wa kabalomba kucita, pele nkaambo ba kalizi kuti wa kali kwaayanda. Elyo ba kalobya ba Filisti, lweendo loonse kusika ku mukalo. Kuciindi bobilo babo niba kalwana, umwi umbi kabweza ii—bbakete lyakwe lya maanzi; a kulwana kujokela munzila yabo, lweendo loonse kujokela, a kulipa kuli Davida. Kwaambaula kujatikizya sintaze!

<sup>51</sup> Davida, muntu oyo munaleza, kati, "Leza wakaka kuti inga Nda anywa kuzwa ku beenzuma aba baka bikka buumi bwabo mu ntenda." Elyo wa kabamba cipaizyo ca cakunywa; kacitilila aansi, ku Mwami. "Kacipa ku Mwami. Ngo Umwi weelela ceeco, kutali ndime." Ba kabikka...

<sup>52</sup> I cikozyanyo ncoonya ca Kristo Mwini, a Buumi Bwakwe Bwini Butamani muli Nguwe; Mwaala wakaumwa, katila Buumi Bwakwe aansi, mbuli cituuzyo ca zibi kuli ndiswe, kuti Ijwi eeli lilakonzya kupona.

<sup>53</sup> Oh, Bamasi, mbuli mbo Nda amba, nguni uyo somona panga a ndime? Walo uyanda cakunywa cipy, cifumo cino, kutali tunsiyansiya otu twa mbungano twakale tubombomene a zintu

nzo tuli cenga azyo koonse. Walo uyanda lusyomo lwini mu Ijwi Lyakwe, oyo uyo syoma Ijwi lyoonse lya Ndiyo. Atwe ende ku mukalo a kupilusya cakunywa, cikatulusyo; bukombi buta yakidwe aa tunsiyansiya a kabungwe. Pele bukombi bwini bwa Muuya, antoomwe a Kristo akati kesu, kapona Buumi Bwakwe nzila Mbwa yanda, akati kesu, obo—obo butali a tunsiyansiya a zintu zyandeene. Atu buyo—buyo kuba a Nguwe nzila eyo.

<sup>54</sup> Lino, citobela ni nzila Leza mbwa kabeleka a bantu kwiinda mu ciloto, mu mazuba a—a Josefa. Sena mwakabona? I ciloto mbube bwaansi. Yalo ninzila yaansi iya Leza kubelekela. Bantu bamwi bala konzya kuba a ziloto, zitakweanco zyaamba. Inga walya maningi a kuba akulota kubyabi. Elyo ciloto ninzila yaansi. Mwabona? Pele nkaambonzi Leza nca kakwabilila Mwana Wakwe Wini kwinda mu nzila yaansi? Wa kabonekela kuli Josefa. I bube bwa Mwana Wakwe Wini, Wa katumina nzila yaansi. Sena mwakasola ku ciyeeya? Nkaambo, kwakanyina musinsimi mu cisi. Wa kacita kubeleka kwiinda mu ziloto. Elyo tee cakali ciloto cakali kuyandikana kupandululwa. I Angelo wa Mwami wa kat, “Josefa, uta yoowi kuli bwezelia Maria mukaintu wako, nkambo eco cimitidwe muli nguwe nca Muuya Uusalala.”

<sup>55</sup> Cakali cintu cigambya kuli ceeco kucitika. Josefa mukuba muntu uululeme, wa . . . Cakali cigambyo. Leza ncigambyo. Elyo cigambyo nciyumu kucimvwisy. Nke kaambo nce cili ciyumu maningi kumvwisy. Bwini sunu; Cila gambya maningi. Ii mwanakazi kuba a muvwanda kakutakwe kuziba mwaalumi, eco cakali cigambyo loko.

Pele ikuti na ula syomeka a kusinizya, Leza inga wabonekela kuli nduwe nekuba mu ciloto. Cila unka kutondezya kuti kufumbwa cintu nco jisi, naa cili mu muzeezo wako, naa inga wasiba, kwiimba, kulungulula, na kufumbwa nco konzya kucita, ikuti na bupange bwako boonse buli tuulidwe kuli Leza, Leza inga wabubelesya ikuti na wa Mu lekela kucicita.

<sup>56</sup> Mpawo, busiku bwakatobela kutala kuno, Mukwesu Neville wakakambauka aa ciiyo ca “kuloboka,” obo i—i muntu mbwa loboka. Elyo Nda ka ciyeeya kuti cakali kubaanga cila kankamanisy.

Elyo cifumo cino Muuya Uusalala wakaboneka kubeleka a ndime aa ciiyo ca mumuni, nciconya citobela. Kuzumanana ncobeni, ku matalikilo, obo buumi bwa Kristo mbo bwakatalikila ku cilido cabanyama, tuli mukweenda kujokela moonya kwiinda muli ncico alubo mu cibalo cesu. Elyo ta cizi; tee Nda kacizi; elyo nceeci mpoonya a cintu nciconya. Mwabona, mpoonya eni, cintu citobela mpaawo Mpa njilila mulimo Wakwe. Elyo sunumasiku tu jisi cintucimwi eco ciyo njilana ncobeni a ceeco, kuzumanana ncobeni, sunumasiku, Mwami nawayanda.

<sup>57</sup> Lino, Mumuni mupati! “I Bamasi abo baka kkede mu zisi zya zimvule zya lufu, Mumuni mupati waka pasuka akati kabo. Mu

Zebuloni, a Nefatalimu, mu i . . . ku nzila ya Galilaya iya Bamasi, Mumuni mupati, ba kabona Mumuni mupati.”

<sup>58</sup> Lino mumuni, ciindi citaanzi mumuni, tuu jana mu Bbaibbele, ula janwa mu Matalikilo 1:3. Lya kali, Ijwi lya Leza lyakaambwa lyakaba mumuni. Leza wa kati, “A kube mumuni,” Matalikilo 1:3, nkabela kwakaba mumuni.

<sup>59</sup> Lino amuyeeye, mpawo, mumuni kuboola kwiinda ku Ijwi lya Leza lyakaambwa. Elyo mumuni kwalo nkusimpikizigwa, na ncintu cini eco Nca kaamba, walo mumuni. Cindi mumuni wauluka, watondezya eco. Leza wa kati, “A kube mumuni.” Kwa kanyina mumuni, nkabela Wa kati, “A kube mumuni,” nkabela kwakaba mumuni. Eco nce cizibyo. I mumuni nkusimpikizigwa kwa Ijwi Lyakwe lyakaambwa. Cintu nciconya sunu, kusimpikizigwa kwa Ijwi Lyakwe lyakaambwa.

<sup>60</sup> Lino cindi mwabona Ijwi Lyakwe kali simpikizigwa, na, mukwaamba kumwi, kuyubununwa, kutondezegwa, oyo mu—i Mumuni wa Ijwi Lyakwe lyakaambwa. Elyo, kakutakwe mumuni, taakwe cintu cikonzya kupona kakutakwe mumuni. Kunyina buumi a nyika sunu pele obo bwaka boola kwiinda ku i—i mumuni wa zuba, mu buumi bwalwiiyo lwamasamu, a zimwi zimbi. Elyo kwiina Buumi Butamani anze lya Mwana wa Leza. Mwabona? Walo Mumuni.

<sup>61</sup> Lino tu jana kuti, Nda syoma, mbuli mbo tulangalanga lino, alimwi mumuni oyu . . . “I nyika yakali pilingene.”

<sup>62</sup> Lino, bantu bamwi bala kazya sunu mu zikolo zyesu, a zimwi zimbi, kujatikizya inyika mukukomena kwa myaka ya mamilioni manji, a kusola kusampaula Bbaibbele a kwaamba kuti Tali luzi. Ta bazyi buyo, kwiina nobakabala Bbaibbele. Kwa mana. Nkaambo, Bbaibbele tali twaambilu inyika mboi tolede ciindi kuzwa niya kalengwa. I Bbaibbele lya kati, “Ku matalikilo Leza wakalenga majulu a nyika.” Kwagola! Lili, buti, kwalo, ta tucizi. Lino, eco nce citaanzi. Elyo, obo kwagola, ayo mamanino a muzila oyo.

<sup>63</sup> “Ku matalikilo Leza wakalenga majulu a nyika.” Kwayanda akali mamilioni amyaanda, na bbilioni, na kufumbwa mbo cakabede. Elyo nzila Mbwa kacicita, eyo ili kuli Nguwe ku ziba, mwabona, kutali ndime.

Pele inyika, ee, “I nyika yakali pilingene, akubula cintu; nkabela maanzi akali aatala a—a nyika. Elyo Leza,” kati, “keenda atala aa maanzi.” Elyo wa kati, “A kube mumuni.”

<sup>64</sup> Lino, Nda syoma kuti zuba, a zimwi zimbi, zyakali mukuba kale, Nda syoma, mwezi. Mbuli mbo cizumanana, Matalikilo 3, ku cipandulula . . . Pele Nda syoma, cakali kokuno, kuti inyika, twa kali kunoyo ibelesya, alimwi aboobo . . . Elyo ya kanjila; kwakali sikunku a busi bwameenda oonse atala lya nyika, kwiibamba kusiya. Elyo Leza wa kati, “A kube mumuni,”

nkabela mudima wakamwaika, alimwi kwakali mulengalenga uutakwe makumbi.

<sup>65</sup> Elyo Nda syoma eyo ni nzila ya Leza yakucita zintu. Wa...mu Bbaibbele, kampango katobela kalaamba, kampango ka 4 kalaamba, "Elyo Wa kapambula mumuni kuzwa ku mudima. Elyo mumuni Wa kawiita kuti 'isikati,' a mudima Wa kawiita kuti 'masiku.'" Elyo Ijwi lya Leza lyoonse lila pambula Mumuni kuzwa ku mudima. Mwabona? Ndi Ijwi eelyo lipambula, mwabona, Mumuni kuzwa ku mudima.

<sup>66</sup> Leza lyoonse ulacita cintu nciconya, cindi Na libambilila kubelesya kufumbwa cintu. Mbuli Mbwa kalibambilila kubelesya nyenyezi eyi yakale, na kufumbwa mbo yakabede, inyika eyi, Wa kapambula mumuni kuzwa ku mudima. Cindi Na alibambilila kuzwa, kubelesya ii—ii nkamu ya bantu, We elede kupambula Mumuni kuzwa ku mudima. Cindi Na libambilila kubelesya mugame, Ula pambula Mumuni kuzwa ku mudima. Mwabona?

<sup>67</sup> Mumuni ulaboola kwiinda kuli Leza. Elyo i...Amuyeyeye, mumuni ulaboola kwiinda ku Ijwi Lyakwe lyakaambwa. I Ijwi lya Leza lya kati, "A kube mumuni," cindi nikwaatakwe mumuni, elyo Wa katuma mumuni kupambula mudima kuzwa ku mumuni.

<sup>68</sup> Eli Ijwi lya kulailila lyaka batamika mulengalenga kutegwa zuba limweke mukati. Elyo Ijwi Lyakwe sunu ndeli tanda kubatamika bube boonse bwa kutasyoma.

<sup>69</sup> Nda kali kwaambaula, kajisi—kajisi, Ndi yeeya kuti, muswaangano wa kubuzyanya ili kkumi aomwe Nke tana biyo kusika ku cikambaukilo cifumo cino, omuya. Bubi loko...

<sup>70</sup> I buzuba bumwi mweenzuma muniini, Jim Poole, mulombe wakwe muniini, ba kali kuyeeya kuti waka jisi kulwanwa kwa moyo, kabinda kamutola ku cibbadela. Cakali cilwazi cakufundilila kuyeeka, kajata mulombwana muniini... Ta kakonzya...Moyo wakwe muniini kusotauka, a kuyeeka, elyo—elyo wa kakwiila alimwi tako konzya kuyeeka, elyo mulombwana muniini kalibonya mbuli kuti wakali kufwa, cindi nibaka musisya okuno. Elyo Nda kali kulibambilila kuya ku cibbadela; ba ka muleta okuno. Elyo kajata kwaanza kwakwe kuniini; Nda kati, "Cintu cacita, cifumu ca jata mwana. Elyo, cifumu, ntuntumaanzi yajata mulombwana muniini. Amu mulangilile. Mu mazuba masyoonto Ndi yanda kuyo mubona alubo. Uno zwide cifumu." Elyo ngooyu uwwide cifumu, nywebo mwabona. Mwabona?

<sup>71</sup> Lino, ncinzi? Leza ula pambula mudima kuzwa ku mumuni, na mumuni kuzwa ku mudima. Elyo Ula pambula lufu kuzwa ku Buumi, alimwi Ula cicita kwiinda ku Ijwi Lyakwe. Ijwi Lyakwe ndendilyo lileta eci lyoonse.

<sup>72</sup> Lino, mumuni! Ee, lino, mbuto yakaliko kale aa nyika. Nda syoma Leza waka syangide mbuto. Elyo kufumbwa buyo

kuti zuba lyakali kukonzya kusika ku mbuto eyo, yakatalika kukomena. Elyo nkekaambo nco cakatolela biyo mazuba kuleta zintu ezi, nkaambo mbuto yakaliko kale mu nyika. Coonse ncoya kali kuyanda wakali mumuni.

<sup>73</sup> Elyo nje nzila Leza nja jisi sunu. Mbuto Yakwe nkoiili kale awa, Ijwi Lyakwe. I cintu biyo nco Iya nda Mumuni ali Njiyo. Elyo Walo Mumuni oyo, nkambo Walo ndi Ijwi. I Ijwi a Mumuni ncintu comwe. I Buumi mukati omuya Mumuni wa Ijwi, mwabona, bwalo Mbuumi. I nseke ya buumi ikkede mukati ka museke, alimwi museke... buumi mbo bupasuka aku leta buumi kuzwa mu museke. Nje nzila eyo Kristo, mu Ijwi, njabamba Ijwi ku cita eco nco Lye elede kucita. Mboli buyo buumi mu museke wa whiiti, na kufumbwa mboubede; ucitya whiiti kucita eco nco weelede ku cita, nkaambo mbuumi obo buli muli nguwo. Buumi boonse!

<sup>74</sup> Aboobo, Buumi nkwiinda biyo ku Ijwi lya Leza lyayubululwa. Buumi buboola biyo kwiinda ku Ijwi lya Leza lyayubululwa. Kufumbwa biyo kuti kalili mu Bbuku, mbuli boobu, licino buzigwa. Pele cindi lyayubululwa, mpawo mulabona cipange ca ceeco nei Lya kaamba, mu kuyubululwa, mpawo oyo Mumuni a i—a Ijwi. Mwabona? Eco nce eileta... I Ijwi lyakaamba boobu, alimwi, mpawo, cindi ca citika, obo Mbuumi mu Mumuni, Mumuni kuuleta Buumi. Mumuni uleta Buumi.

<sup>75</sup> Amusyange whiiti awa, iyo...akuubikka mu kaanda kaansi, kuuvumba koonse, elyo tau—tau kazyali cintu cili coonse, nkaambo taukonzyi. Kunyina mumuni omuya. Pele mumuni mbowa yuumina biyo, mpawo iyoleta buumi ikuti na ni mbuto imena.

Eco ncintu nciconya mbocibede mu Ijwi. Mwabona, Ijwi ngu Leza, elyo cindi Buumi bwa Lyu uma, lileta Mbubo... Mumuni wa Lyu uma, uleta Ijwi ku buumi alubo. Bukkalo abumwi bwali boobo lyoonse. Oh, obo mbo tu lumba zintu ezi zipati, obo Ijwi lili mu kusimpikizigwa mbolili Mumuni wa Ijwi lyakaambwa. Mwabona?

Leza wa kati, “A kube mumuni.”

<sup>76</sup> Lino, ino kuti Na kacaamba buyo mpawo kakutakwe mumuni waka sika? Mpawo ta tuzi naanka nca bwini na pe. Ta tuzi na Uli luleme. Ta tuzi na Ngu Leza na pe, nkaambo Wa kaamba buyo kuti, “A kube,” nkabela taakwe cakaba. Mwabona?

Aboobo mpawo cindi Leza akanana elyo twa cibona nko cili, mpawo oyo ngo Mumuni umweka, Bwini bwa Ijwi. Mwabona? Ngooyo Mumuni a Buumi.

<sup>77</sup> Boonse buumi bwakunyama buboola kwiinda ku Ijwi Lyakwe lyakaambwa. Elyo zuba ndi Ijwi Lyakwe lyakaambwa. Wa kati Wa kalenga mumuni mupati mu majulu, wa isikati, a

mumuni muniini wa masiku. Mwabona? Alimwi boonse buumi bwakunyama bweelede kboola kwiinda ku Ijwi lyakaambwa ilya Leza. Ii duba tali konzyi kukomena kakutakwe mumuni wa Ijwi lya Leza lyakaambwa kumwekela ali ndilyo, nkambo zuba ndi, i z-u-b-a, ndi Ijwi lya Leza lyakaambwa, cindi Na kat, "A kube mumuni." Mwabona? Mbuumi bwa Leza bwakaambwa. Elyo kunyina makani kunji bantu nkoba sola ku-ku kwaamba *ceeci, eco*, na *cimbi*, cicili mbubonya. Mwe elede kuba a zuba eelyo, aboobo buumi, bwakunyama, bukonzya biyo kboola kwiinda ku Ijwi lya Leza lyakaambwa.

<sup>78</sup> Elyo Buumi bwakumuuya, Buumi Butamani, bukonzya biyo kboola kwiinda ku Ijwi lya Leza lyakaambwa ilya Buumi. Buumi wakali M-w-a-n-a ku ciindi eco. Muli Nguwe muli Mumuni, alimwi muli Nguwe taakwe mudima; alimwi Walo Mumuni wa Leza wakaambwa. Sa mbo mbubo? [Mbunga yaamba, "Ameni."—Mul.] Ijwi lya Leza lyakaambwa, nkambo, "Ku matalikilo kwakali Ijwi, alimwi Ijwi lyakali antoomwe a Leza, alimwi Ijwi wa kali Leza." Elyo Ngu Leza amuyamyaka. Mwabona?

Elyo citola Mumuni wa Leza kuuma Ijwi, ku Li bamba kukutauka. *Nceeci* Nca kaamba [Mukwesu Branham waumauma Bbaibbele lyakwe—Mul.], lino aulekwe Mumuni umweke! Ameni! Aulekwe Mumuni umweke, alimwi Mumuni uyoleta Ijwi lyoonse ku busena Bwalyo bweelede, mu ciindiceelede calyo. Ameni! Oh! Nywebo mwabona, elyo ciindi casika!

<sup>79</sup> Ziindizimwi oyo museke ulakkala mu nyika, kautameni, koonse kwiinda mu—mu mapeyo, mbuli mbuto, whiiti ya mapeyo wakasyangwa mu bulongo. Pele cindi zuba lyasika buyo eeni aluleme, oh, weeblede kupona. Mwabona? Alimwi tau konzyi kupona kakutakwe zuba.

Elyo Leza wakabamba zisyomyo ku bukkalo abumwi a buzuba abumwi. Elyo cindi Mumuni wasika eeni aluleme, a kumwekela ali ceeco, uyozyala mbubonya buyo mbuli Ijwi mbolya kaamba, nkaambo Walo Mumuni a Buumi.

<sup>80</sup> Ijwi lya Leza liboola buyo kwiinda ku Bbaibbele. Bbaibbele lya Leza i—i ncimo cakalembwa ca Mwana wa Leza, nkaambo Bbaibbele lya kaamba kuti Calo nciyubunuzyo ca Jesu Kristo. Ngu Leza kalyubununa Mwini kwiinda muli Kristo, alimwi Kristo ndi Ijwi. Elyo citola Mumuni wa Leza kumwekela aa Ijwi eelyo, ku Li simpikizya, kutondezya kuti Leza ucikanana Buumi, Buumi Butamani. Walo ukanana mumuni wakunyama, uuleta buumi. Buumi buboola biyo kwiinda ku Mumuni, Ijwi lyayubululwa, na lyabambwa mibili wambuntu. Cindi zisyomyo zyoonse zyaba, mu Bbaibbele, zya yubululwa, ncindi Jesu Kristo, Ijwi, nakabambwa mibili wabantu akati kesu. Leza lyoonse ubeleka kwiinda mu muntu. Muntu ncibelesyo ca Leza.

<sup>81</sup> Lino, ikuti na kwakasaala aniini omuno kuli ndinywe, mula konzya kukwelela ansi mpulungwido, na kufumbwa mbo muyanda, kuzima muncini ukasaazya ansi. Ambweni sikubamba buyake inga wazima muncini ukasaazya aniini. Nda bona banji bapidwa. Alimwi kulakasaala kwiima kokuno, akwalo, aboobo—aboobo amuyeeye eco. Ndili kkomene kukasaala mucibaka ca kutontola, nkaambo Nda—Nda kuyanda kukasaala. Ndi... Kukasaala lyoonse kuleta mumuni, buumi, tola mulilo.

<sup>82</sup> Amubone lino, “kabambwa mubili wabuntu.” Cindi Ijwi lyaba mubili wabuntu, Lila yubululwa. Mbuli, amubweze Ijwi a ku Li bikka mu busena bweelede a musyobo wabulongo weeledé, Liyo zyala. I—i mbuto iyo leta musyobo wayo. A Ijwi, lyaeltwá mu musyobo wa moyo uli kabotu, liyo liyubulula Lini. Liyo leta mumuni. Liyo pasukila ali nguwo. Yaa.

<sup>83</sup> Taakwe cakunyama, taakwe cakunyama na cakumuuya, cikonzya kupona kakutakwe Mumuni wa Leza. Buumi mpawo bukonzya biyo kuboola kwiinda ku Mumuni. Taakwe cakunyama na taakwe cakumuuya cikonzya kupona kakutakwe Mumuni wa Leza. Amu ciyeeye. Yaa. Pele cindi Atu tumina Mumuni, mwabona, aku cita zintu ezi zyoonse, elyo mpawo twa Ukaka; lino eco ncibeela cuusisya nsoni, ndeelyo Mumuni noukakwa cindi niwa tuminwa ndiswe.

<sup>84</sup> Lino sa inga mwayeyela muntu umwi sunu kwaamba, “Nda kaka buya kwaamba kuti kuli cintu cili boobu mbuli zuba. Nse syomi kuti kuli zuba”? Elyo wazuzila mu kaanda kaansi, a—a kujala zitendele zyoonse, a kukkala kulikwaya mu mudima, a kuti, “Taakwe cili boobu mbuli zuba. Taakwe cintu cili boobu mbuli mumuni.” Ula konzya kuziba, mpoonya awo, kwali cintucimwi cilubide mu kuyeeya kwa muntu oyo. Mwabona? Kuli cintucimwi cilubide, cindi azuza kupilukila mu kaanda kaansi kalaa mudima a kukaka kutambula bubotu bwa mumuni wakapegwa aa Leza. Kuli cintucimwi cilubide kuli nguwe. Ta yandi mitunga wawo ikasaala. Ta yandi cintu cawo cipa nseba. Ta yandi mumuni walyo, kweendela mo. Inga wa sala kukkala mu mudima. Cila tondezya, mu kuyeeya, cintucimwi cililubide, kunyama, ku muntu.

<sup>85</sup> Elyo Nda amba eci a luyandisyó a lulemeko loonse. Mbubonya mbo kuli cintucimwi cilubide ku muntu oyo uyo zuza kujokela mu tubungwe twakwe twa kansiyansiya a kukaka kubona Mumuni wa Bbaibbele cindi noumweka nkoonya kumbele lyakwe. Kuli cintucimwi cilubide kuli nguwe. Mwabona, kujokela mu tunsiyansiya twakwe a ziimo, a kujala citendele a kuti, “Taakwe cintu cili boobu mbuli Ceeco. I mazuba amaleele akamana. Taakwe cintu cili boobu mbuli kuponesegwa kwa Buleza, kwiina zintu mbuli ezi. Ezyo zyakali zya muapostolo.” I muntu takkwene kumuuya. Mwabona? Kuli cintucimwi cilubide kuli nguwe. Wa—wa—wa kwelela ansi

zisitilizyo a kukaka Muuya Uusalala oyo ukonzya kuboola ali nguwe. Ikuti na wa konzya...

“Ikuti na mwakkalilila muli Ndime, a Majwi Aangu muli ndinywe, mpawo, Mumuni kaumweka aa Ijwi eli, amulombe eco nco muyanda.” Mwabona? Mwabona?

<sup>86</sup> Kuli cintucimwi cilubide, kuti inga wakaka nzila zyakapegwa aa Leza ezyo Leza nzyeelede ku tupa kuponena azyo, Ijwi Lyakwe. “I baluleme bayopona kwiinda ku lusyomo.”

“Elyo muntu takaponeni ku cinkwa cilikke, pele ku Ijwi lyoonse,” kutali cibeela ca Ijwi, “Ijwi lyoonse eelyo lizwa ku mulomo wa Leza.” Elyo cindi muntu akukaka buyo Eco, kuli cintucimwi cilubide ku muntu oyo; cintucimwi cilubide a luzibo lwakwe, kuti utaminina kuyanda Leza elyo mpawo kukaka Leza. Kuli cintucimwi cakalubila ku muntu. Tu lizi obo, kakutakwe kudonaika nokuceya. Ula Li kaka, wazuzila mu busena obu, a kwaamba, “Lino Ndi biyo... Ta ndiyandi kuziba cintu kujatikizya Ndilyo. Uta ndaambili cintu kujatikizya Zintu ezi. Nse, Nse syomi cintu kujatikizya Ndilyo. Yebo, taakwe makani eco nco wamba!”

<sup>87</sup> Ii mulombwana wa kati, kutali ciindi cilamfu cainda. Ngwe kali kumwaambilila. Wa kati, “Nse kwe ndaba ikuti na inga waleta makkulenge ali makumi osanwe, a kuleta bamadokotela bali makumi osanwe ba kupeda bumboni kuli ngawo, Nse syomi. Nse kwe ndaba ikuti na inga wabusya bafwide, nkoonya kumbele lyangu, inga Nse cisymoma.” Mwabona, kuli cintucimwi cilubide ku muntu oyo. Nko—nko—nko cili. Elyo—elyo, kakuli, mwaalumi wakali mukutausi, mwabona, mwabona, wakeelede kuba mukutausi.

Pele nkaambo kakuti ako kabunga taka syomi mu—mu nguzu zya Leza, taka syomi kuti (Ijwi) Lya kali kwaamba buyo ceeco nci Lya kaamba, muntu wazuzila mu kaanda kaansi, kaanda a kaansi katombe, kasofwi, kajisi kkutikuti lyamuduno uununka, ka kabunga, a kukaka mitunga ikasaala aipa Buumi bwa Muuya Uusalala, Jesu Kristo, uli ngu mbobuca nguwenya, sunu, amuyamyaka. Mpawo kuli cintucimwi cilubide ku muntu oyo. Mwabona?

Inga wasala kukkala mu kkutikuti omo lyamudumo uununka, mudima, azimwi zimbi, kwiinda kuponena mu Mumuni wa Leza a wa Bbaibbele elyo lyakaamba, kuti, “Jesu Kristo ngu mbobuca nguwenya, sunu, amuyamyaka. I milimo eyo Nje cita muyo icita a nywebo. Akwalo mipati maningi kwiinda yeeyi muyo icita, nkambo Ndi inka kuli Ba Taata.” Kuli cintucimwi cilubide ku muntu oyo. Kakutakwe mubuzyo, pe, kuli cintucimwi cilubide.

<sup>88</sup> Elyo kuli nduwe o muntu uuswiilila kuli ceeci, koonse ku inyika, kufumbwa oko nkobede. Kuli cintucimwi cilubide a luzibo lwako, cindi waamba kuti ula muyanda Leza nkabelia

ukaka Ijwi Lyakwe. Kuli cintucimwi. Ula kaka ndyoonya... Ta cigambyi zintu tazikonzyi, mbungano ili mu ciimo cayo, azintu tazikonzyi kucitwa mbuli Leza mbwa kasyomezya, nkaambo kakuti toka tambuli Ijwi a kweendela mu Mumuni. I Bbaibbele lyu kati, "Atwe endele mu Mumuni, mbuli Mbwali mu Mumuni, mpawo Bulowa bwa Jesu Kristo, Mwana wa Leza, bula tusalazyu kuzwa ku zibi zyoonse." Cibi "nku tasyoma."

<sup>89</sup> Mpawo ikuti na twe endela mu Mumuni wa oora wakapegwa aa Leza, mpawo Leza ulabweza Ijwi eelyo lyapegwa ku oora eelyo aku Li simpikizya.

Mbubonya buyo Mbwa kacita ku Matalikilo 1:3, kati, "A kube mumuni," nakabela mumuni wakasika. Ijwi Lyakwe lyakaunka, nkabela mumuni waka Li tobela, a kumwaya sikunku. Elyo mudima wakaunka ku kkona limwi, a mumuni wakamwekela ku lubazu lumbi.

<sup>90</sup> Eyo nje nzila Leza mbwa cita sunu. Walo utuma Ijwi Lyakwe lya oora eli, elyo Muuya Uusalala ulaboola akubamba Ijwi eelyo kuba lyuumi. Elyo mudima ulaunka ku tunsiyansiya a tubungwe twabo, pele Mumuni ulamweka nkaambo ndi Ijwi lya Leza lili muku simpikizigwa kuti Ijwi Lyakwe ndya bwini. Lino, taakwe cinto cakuyeyela kwabuyo kujatikizya ceeco, eco cili mbubonya kuti nca Malembe. Yaa.

<sup>91</sup> Lino, tu jana kuti i—i bantu basongo, bantu basongo Bakale, katobela cinto cakapegwa aa Leza. Ba katobela Ijwi lya Leza, ku Mumuni, nkaambo lyakali Ijwi lya kaleta Buumi. Lino nywebo mwati, "Mbobuti mboba katobela?" Ee, bakali, kubaanga, mbasimabibo, mbo twakamvwa.

<sup>92</sup> Elyo mpawo tu jana kuti Balamu, musinsimi, kaindi mu Myeelwe 24:17, Balamu wakali kubaanga ngu simabibo mwini. Wa kali musinsimi, mubwini, elyo wa kasinsima awa a kuti Nyenyezi iyoyutuka kuzwa kuli Jakobo.

Elyo cindi aba bantu basongo niba kabona kuti Ijwi lya Leza lya kaamba kuti Nyenyezi kuteeti iyoyutuka kuzwa kuli Jakobo, baka tobela eco citondezyo ciniini cakapegwa aa Leza ku kasensa ka Mumuni Uutamani.

Mbubonya mbo bayocita bantu basongo sunu, abo bata kaofwaazigwa a tunsiyansiya, bayo tobela Ijwi lyakaambwa, lyakapegwa aa Leza mane bakabone buzule bwa Nguzu zya Leza kazisonsa mu oora eli. Ba, bala cibona, alimwi balizi kuti nkocili mu Lugwalo. Leza waka cisyomezya ku buzuba buno.

<sup>93</sup> Tacikwe makani na aliongaye mayake masale akweebela zyakujulu, zyongaye zintu zimwi zimbi, zya kaambilu muntu musongo, "Baa, to kkwene mu kuyeyya kwako!" Myaka yobilu ba kali mu lweendo. Ba kaindilila zisi zinji, elyo ba kali kunga baamba, "Ino muya kuli?"

<sup>94</sup> “Oh, twa bona Nyenyezi Yakwe Kujwe, elyo twa boola ku Mu komba.”

Elyo cindi niba ndandama mu Jerusalema, masena aabwendelezi bwa tubungwe, tiiba kajisi bwinguzi. Ba kaunka atala a kunselelo lya tugwagwa, kaboompolola, “Ino Uli kuli, Mwaami wakazyalwa waba Juda?” Taakwe nci bakazi kujatikizya nkuko.

Aboobo, ba kaitila Ijwi, kuteeti bazibe. Ba katobela, kalizi kuti Nyenyezi yakali kubasololela ku Mumuni Uutamani. “Tusololele ku Mumuni Wako ulondokede.” Elyo Ijwi ndeli musololela ku Mumuni, alimwi Mumuni ngo ubamba Ijwi kusimpikiziga. Amubone, ba kali bantu basongo.

<sup>95</sup> Elyo bantu basongo sunu, kutali bu... “I busongo bwa inyika eyi mbufubafuba kuli Leza.” Boonse basayaansi banu, a ndinywe no bantu nomu yaamina ku lwiyo lupati, na cintucimwi cimbi, kumwaambila obo mbo kwaabaulwa atomu; ta cikonzyi ku mupa Buumi. Taakwe cintu cikonzya ku mupa Buumi pele Ijwi lya Leza lyakaambwa. Mbo busena bulikke oko Buumi nkobu konzya kuzwa, nkwiinda ku Ijwi Lyakwe lyakaambwa.

<sup>96</sup> Elyo eco cili kabotu, kuziba mbo kwaamaunwa atomu. Nda lombozya niba takaziba. Pele ikuti na ba... Be elede ku cicita, nkaambo inyika eyi ila lengelela sunu... Ca keelede ku citika, ku bbotola malindi aya mapati mu nyika, kulekela daka lyamabwe lipya kuyutuka a kubambilula inyika eyi alubo, ku kupanga nyika mpya; awo baluleme mpo bayo enda atala a lusuko lwa babi, oko cibi nko ciyolubwa. Zintuzyonse zijihi nzila yakuli bukulusya zini. Elyo muntu, oyo wakapegwa kupona a nyika eyi, kwiinda ku busongo bwakwe mwini, kulya cisamu ca luzibo mucibaka ca Cisamu ca Buumi, uyo nyonyoona nyika eyo Leza nja kamupa kuponena wo. Pele abo bacili aa Cisamu ca Buumi, bayo boola ku majulu mapya a nyika mpya, oko kutakwe malwazi nanka lufu. Mumuni! Mumuni, Mwami, tu tumine Mumuni.

<sup>97</sup> Ba kali Baangelo ba Leza abo bakatondezya mumuni atala a cilundi, kweenzya beembeli kuyaku Mumuni Uutamani. Mwabona, buboola biyo kwiinda ku Mumuni. Buumi bukonzya kuboola biyo kwiinda ku Mumuni. I beembeli, mukuyanda ku ziba. Nywebo mulizi, cindi mwaami azyalwa, balaba a kwiimba, kulilemeka kumwi kulemu, cindi mwaami azyalwa. Lino, Wa kazyalwa mu kaziye loko, a kuzyalwua mu cilido cabanyama, mu ii—ii cilido omo ng’ombe a mbizi mozyakali kulida, pele nekubaboo Wa kali Mwaami. Elyo i—i Baangelo bakaseluka a kwiimba ziimbo zyakulumbaizya ku beembeli, mu Mumuni.

I Baangelo, lwabo, bakali mimuni eyo yakalibonya antoomwe a Ijwi lya Leza. Ba kajisi Ijwi lya Leza, a kubaambila, “Sunu, mu muunzi wa Davida, mu Betelehemu, wazyalwa Kristo Mufutuli.” I Baangelo baka jisi Ijwi, alimwi Ijwi lya

kaboola kwiinda ku Mumuni, ku kweenzya. Elyo ba katobel a Ijwi lya Baangelo, kuyaku Mumuni Utamani. Ba kamujana Muvwanda okuya, kazambaidwe mu masila, mbuli Mbo ba kaambide. Nkambo, nywebo mwabona, Buumi buboola biyo kwiinda ku Mumuni.

<sup>98</sup> Amubone, Wa kali Ijwi lya kabambwa kuba Mumuni, na kaba Mumuni. I Ijwi mu nzyalani eyo, Wa kali Mumuni wa Ijwi ku nzyalani eyo, nkaambo basinsimi bakale bakali ambide kujatikizya Nguwe, elyo mpaawa Wa kaboola a kusimpikizigwa kuti Wa kali Mumuni wa Ijwi lya Leza lyakaambwa. Mwabona? Zyonse basinsimi nzyo—nzyo bakaambide, zya kazulizigwa muli Nguwe, mwabona, basinsimi kaindi awa a Ijwi.

Mbuli Leza mbwakabede ku matalikilo, cindi Na kati, “A kube mumuni,” nkabela mumuni wakasika.

Lino musinsimi wa kati, “Ii nakalindu uyo mita, akuzyala Mwana. Bayo ita Zina Lyakwe kuti Emanueli, nkambo Uyo oba Leza antoomwe a ndiswe.” Lino, ba kali caambide, Ijwi lyakali unkide; pele Wa kali Mumuni. Ino Wa kali nzi? I kuzulizigwa. Aleluya! Wa kali kuzulizigwa kwa Ijwi eelyo. Wa kali kuyubululwa kwa Ijwi eelyo.

<sup>99</sup> Mburonya mbocibede asunu, Ijwi lya Leza lyazulizigwa ku oora! Oyo Mumuni. Ngu Leza kalyubulula Lwakwe. Wa kali Mumuni we inyika.

<sup>100</sup> Elyo cindi basinsimi, bakananikidwe ku Muuya Uusalala, ba kati, “Kuli ndiswe Imwana wazyalwa, kuli ndiswe ii—ii Mwana mulombe wa pegwa, na Imwana wa pegwa; nkabela Zina Lyakwe liyo tegwa ‘Sinkuta, Mweendelezi wa Luumuno, Leza Singuzu, Taata Uteeli,’” mboobo mbo cakabede. Ino Wa kali nzi? I Mumuni oyo waka zulizya Ijwi eelyo, ameni, Mumuni oyo waka zulizya Ijwi eelyo.

<sup>101</sup> Muli Matayo, mu Musalali Matayo cipati 28, tula jana. Elyo cindi Jesu nakabuka kuzwa ku bafu, Wa kali Mumuni awalo wa Ijwi lyakaambwa ilya Davida, lya kati, “Nse kasiyi buntu Bwakwe mu gehena; nanka Nse kalekeli Oyo Uusalala Wangu kubola.” Lufu lwakali mu mudima. Pele Wa kaandula kujula zinamatizyo zya lufu, akweenda muli ndulo, a kuzwa alubo. Wa kali Mumuni, Ijwi lya kasimpikizigwa, kuti bafwide bala konzya kupona bamana kufwa. Mbwa kabede.

<sup>102</sup> Aa Buzuba bwa Pentekoste, oyo wakali Mumuni wakalibonya cindi Muuya Uusalala niwa kaboola.

Isaya wa kati, mu cipati 28 ca Isaya, Isaya wakaamba kuti, a, “Mulao ulabikkilwa ku mulao; kabala kalabikkila kabala; awa buniini, awaawo buniini.” “Amujatisye kuli ceeco cili kabotu.” “Nkambo a milomo imamauka a myaambo imbi Njo kananina bantu aba. Elyo oku nko kulyookezya, eyi nje Sabata Nje yoopa ku... Elyo koonse oku tiiba kamvwa; ba kazwa, kagunyagunya mitwe yabo.”

Elyo cindi aa Buzuba bwa Pentekoste, cindi Muuya Uusalala niwa kawida bantu abo, nkabela bakalilemeka mbuli baalumi a banakazi bakoledwe, kabadaadalika kunguzu zya Muuya Uusalala. Elyo bakazwa a kugunyagunya mitwe yabo, elyo katı, "Aba bantu balikoledwe, bazwide mbote ilweela," azimwi zimbi. Walo wakali Mumuni cakumaninina, Ijwi elyo lyasinsimwa, lyasayubululwa.

<sup>103</sup> Mbubonya mbocibede mu bukkalo abumwi, Ijwi lyasayubululwa, kuboola ku Buumi, walo Mumuni wa bukkalo obo, mpaawa Ijwi kalyubululwa. Mbuli mbo kwakabede ku Matalikilo 1, cindi Leza na katı, "A kube mumuni," nkabela kwakaba mumuni. Cindi Leza na katı kuyooba Mwana; nkabela kwakaba Mwana.

<sup>104</sup> Cindi Leza na katı, muli Joeli 2:28, "Ciyo citika mu mazuba akumamanino, Njo tila Muuya Wangu aa bantu boonse; bana banu basankwa abasimbi bayo sinsima; aa babelesi basimbi a basankwa Bangu Mpe yotila Muuya Wangu; baalumi banu bakubusi bayo bona zilengaano; bamadaala banu bayo bona zilotu." Elyo zintu ezi zyoonse Nzya kasyomezya, cindi Walo, Muuya Uusalala niwakawa, kali Mumuni aa Ijwi eelyo. Cindi Ijwi nilyaka kuyubululwa, mpawo Lyas kaba Mumuni.

Walo Mumuni. Walo Mumuni oyo ngo twe elede kutobela. Walo ngo Mumuni alikke. I Baangelo bakajana Mumuni, a Kuu tobela kuli Nguwe.

<sup>105</sup> Lino, mu makkalo oonse, Leza wakabikka kunji boobu kwa Ijwi Lyakwe ku bukkalo abumwi. Leza lyoonse ulatuma muntuumwi oyo Ijwi eelyo molikonzya kunjila a kutondezya Mumuni Walyo. Kuti, bukkalo abumwi, cila cita cintu nciconya, lyoonse cila cita obo.

<sup>106</sup> Wa kali kuzulizigwa, mbuli Mbwe amba, kwa zyoonse zya Buleza, nguzu zisalala zya basinsimi. Ba kali tuleza tuniini. Cindi Ijwi lyas Mwami nilya kasika ku muntu, Jesu wa kaamba, Mwini, kuti wa kali kaleza. Nywebo mulizi obo. Wa katı, "Ikuti na mulao wanu wa kaamba, a bamauso kaindi okuya, ba kabaita kuti, abo Ijwi lyas Leza nkolya kasikila, ba kabaita kuti 'tuleza,' mbobuti mbomukonzya ku Ndipa mulandu, kwaamba, cindi Nda amba kuti, 'Ndili Mwana wa Leza oyo?'" Mwabona?

Kakuli, nguwenya Leza Mwini, Oyo wakaamba Ijwi kwiinda ku basinsimi, Wa kali kuyubululwa kwa Ijwi eelyo lyakaambwa. Alimwi ikuti na musinsimi wakali kutegwa kaleza, nkaambo wa kali kuyubululwa kwa Ijwi lyas musinsimi umbi, mbobuti mbomukonzya ku Mupa mulandu kakuli Wa kali cintu nciconya? Wa kali Mwana wa Leza, mbuli Mbwa yotegwa Mwana wa Leza.

<sup>107</sup> Wa kali Mesiya wakasyomezegwa kaindi loko oyo inyika ngoya kalindila. Wa kali cisymezyo ca Mesiya caka yubululwa.

<sup>108</sup> Amu Mu lange cindi Na kaima awo. Wa katı, "Ikuti na Nse citi milimo ya Ba Taata, mpawo amu Ndipe mulandu."

Mwabona? “Pele ikuti na tamukonzyi ku Ndi syoma, amusyome milimo eyo Nje cita. Nji lungulula Obo Mbwe bede. Ila mwaambila Obo Mbwe bede.”

Nywebo mwabona, eelyo oora, lyakabambwa kusiya litakuboni ndyo baponamo, tii bakakonzya ku Li bona. Tii bakali kukonzya buyo kumvwisyia. “Mbobuti Mbwa kali kukonzya kuba Boobo? Mbobuti Mbwa konzya kuba kumwi Mwana wa Leza, kakuli Wa kazyalilwa nkoonya okuno kunselelo mu Betelehemu?” Ikuti niba kaziba biyo, kuti Ijwi lya kati inga Uyo boola munzila eyo. “Baa, Ba wisi, Josefa, mbasimufala mapulanga. Banyina Bakwe, baa, mubwini cilasyomwa akati ka bakwesu kuti Wa kazyalilwa musokwe.” Mwabona? Pele kakuli Ijwi lya Leza lya kaamba boobo.

<sup>109</sup> Wa kati, “Amulingule Magwalo, nkambo muli Ngawo muyeeya kuti mujisi Buumi Butamani, elyo Nge Ngawo eni aalungulula Obo Mbwe bede. Nge Ngawo Andi lungulula, aya Magwalo Aasalala.” Mpawo ino Wa kalinzi? Mumuni wa Leza. Ta cigambyi Nca kati, “Ndili Mumuni wa inyika.”

<sup>110</sup> Kutali biyo kuti Wa kati, “Ndili Mumuni,” pele Wa kati, “Muli Mumuni.” Ikuti na Ijwi Lyakwe lili muli ndinywe, kupa bulunguluzi Bwalyo, nkokuti muli Mumuni wa inyika. Amubone, tu jana kuti, Mumuni wa bukkalo abumwi waka yubululwa munzila njiyonya.

<sup>111</sup> Mpawo Ndi yanda kubuzya mubuzyo, mbuli... ciindi cesu nocitana mana. Nkaambonzi, nkaambonzi mpawo nco bakali... nciba kalikakila? Mbobuti mbo bakakonzya ku cicita, kakuli i... Bbaibbele lyabo ndilyonya, elyo ndyo bakali kubala, lyakali kuyubululwa kumbele lyabo. Lino amubale canguzu loko lino.

<sup>112</sup> Lino amuyeyeye, Nda ambaula ku bantu banji a ciindi eci, nywebo mwabona. Kutali buyo myaanda yone na yosanwe kuno, pele Nda—Nda ambaula kuli bali zyuulu zinji.

<sup>113</sup> Koima kwakaindi buyo kaniini. Kozima teepu rekorda yako a kubuzya mubuzyo. Nkaambonzi muntu mukombi, muntu mubotu... Nkaambonzi Josefa nca kabuzizya? Mwabona? Nkaambonzi kuteeti Jo-...? Nkaambo ncata kalingula Lugwalo.

Nkaambonzi bapaizi nci bakabuzizya? Kaambo komwe nkobata... ba kali cizi. Nekodema wa kacitondezya kabotu. Wa kati, “Rabi, tu lizi Uli mwiiyi uzwa kuli Leza. Taakwe muntu ukonzya kucita eco Nco cita citakuti Leza waba a nguwe. Tuli bwene obo.” Pele ino cakali cinzi? Tuyanza twabo twaka bakasya ku cicita.

<sup>114</sup> Mpawo nkaambonzi nco bakali, kakakila Mesiya? Nku ka-... Nkaambonzi nciba kakakila Mumuni oyo? Ndeeli Ijwi elyo ndyo bakazi kuti lyakali kuboola kucitika, pele cindi Ijwi nilyakali kuyubululwa kutondezya kuti Ijwi lya Leza lyaka zulizigwa, amukozyanisye eco kuli sunu. Mwabona? Cindi awo,

kalembedwe mu Ijwi, kuti eco cakali kuyo citika, mpawo nkaamboンzi abo baalumi nciba kalikakila; bamayi? Nkaambo bakali kupona mu kubekema kwa mumuni umbi. Nce ncico. Ba kali kupona mu kubekema.

Nce cintu nco bacita asunu. Ba pona . . .

I kaambo nciba kalikakila nkaambo kakuti bakali kupona mu kubekema kwa mumuni umbi. Mwabona? Lino, ba kali kupona mu kubekema kwa ceeco Musa nca kaamba, ba kataminina. Ba kali kuponena mu kubekema kwa ceeco (bukkalo bumbi) ca kaindide.

Elyo nkekaambo nkakonya asunu kuti Mulumbe oyu, kati, "Jesu Kristo ucili mbobuca," wakakwa, nkaambo bantu baponena mu kubekema kwa makkalo ambi. I kaambo nkakonya, bayo Li kaka. Lino twa ziba.

<sup>115</sup> Elyo Webster waamba, kati, "Ii kubekema musyobo wa mumuni walweeno. Ii kubekema mumuni walweeno; ncintu cili coonse eco cibekema buyo."

Mbuli—mbuli kubalama mu mugwagwa. Mwa kaunka kunselelo lya mugwagwa, bunji bwanu no mweenzya myootokala, a kulanga ansi kumbele lyanu. Cindi mwabona zuba elyo aansi, litondezya mumuni, alimwi mbuli kubalama, kulibonya mbuli kuti kuli maanzi aa mugwagwa oonse. Pele, cindi wasika okuya, taakwe cintu awo. Nca lweeno buyo, kubalama, kubekema kwa mumuni wini.

Eco nce ncico dyabulosi nca cita asunu, utondezya bantu kubalama, Nkamu ya Mambungano, cilwi ca tubungwe, eco ciyo sanduka kuba bubeji. Nkaambo, nku kaambo kakuti kuli Mumuni wini umweka. Oyo Mumuni wini tii wakali kumweka, kubalama tii kwaka konzya kuba oko. Mumuni wini ulamweka. Elyo nce . . . Ba pona mu kubekema kwa bukkalo bumbi, cintu cimbi, nkambo bwa kauma a kwiinda.

Lino, kubekema, oku kubalama nkwalweeno. Nku balama kwa zuba.

<sup>116</sup> Elyo eyo nje nzila, ba kacita cintu nciconya, kubekema kwalweeno kwa Mumuni wa bwini.

<sup>117</sup> Lino, cakatondezya kuti Wa kali Mumuni wa bwini. Wa kali Mumuni. Nkaamboンzi nciba kazibila kuti Wa kali Mumuni? Mbobuti mbo mwakali no konzya ziba kuti Wa kali Mumuni? Nkaambo Ijwi eelyo lyaka syomezegwa lya kayubululwa kwiinda muli Nguwe, aboobo Wa kali Mumuni wa Ijwi eelyo lyakaambwa. Amen! Oh, eco inga catandila ku ndibamba kuba, wa pentekosite Baptisti, koongolola. Amubone, amu ciyeeye!

<sup>118</sup> Ii kubekema, mwabona, kuponena mu kubekema! Pele cindi Ijwi lya bwini lyaba lyuumi, oyo ngo Mumuni, eco Leza ncakaamba.

Lino, ino kuti Leza nakaamba kuti, ku matalikilo, “A kube mumuni,” huh, ee, elyo mpaawo kwakalibonya cintucimwi cimbi, mwabona, sa nkubalama buyo? Mwabona, nica takaba, nekubabooobo, eco Leza ncakaamba. Peepe, nica takaba pe. Ino kuti Leza nakaamba kuti, “A kube mumuni,” elyo kwakaboolaa sikunku munji? Mwabona, niwa takaba mumuni. Pele, kaambo mumuni ncowa kasikila, lyakali Ijwi Lyakwe lyakwe yubululwa.

Elyo sunu, cindi Leza nakaamba zintu zili boobo kuti ziycitika aciindi eci, elyo mwacibona kacicita, (ino ncinzi?) walo Mumuni aa Ijwi lya Leza. Ndi Ijwi lyabambwa Mumuni, kuliyubulula Lini.

<sup>119</sup> Lino, ba kati, “Ino Wa amba kuti ndiswe bani? Baa,” wa kati, “Yebo usola ku . . . Tu lizi kuti To kkwene. Baa, Uli Musamariya; To lizi mu kuyeeya Kwako. Ee, Usola ku . . . Nguni ukonzya kwaamba . . . Tu lizi Wa kazyalilwa mu cibi. Ta tuzi oko Nko kazwida. Ta tu jisi bulunguluzi bwa cizibyo Cako mu nkamu zyesu. Baa, To kkwene. Ujisi dyabulosi.” Mwabona? Kati, “Baa, Uli potene mu mizeezo Yako.” Pele mubwini Wa kali Mumuni wa kasimpe, wini iwa Leza, uumweka.

Elyo kubekema kwa kazima, meso abo. “Tuli jisi Musa mbuli mweenzyi wesu!”

<sup>120</sup> Wa kati, “Ikuti nimwa kamusyoma Musa, nimwaka Ndi ziba.”

<sup>121</sup> Elyo ikuti nimwali kumusyoma Jesu a Bbaibbele, nimwa liziba oora eli ndyo muponamo. Ba lati, “Ee, tuli Banakristo. Tu . . .” Ikuti nimwali booboo, nimwa ziba incito zya Kristo zya buzuba obu. Mwabona, nomwa ziziba.

<sup>122</sup> Jesu wa kati, “Boonse abo basinsimi bakaamba kujatikizya Ndime. Elyo ikuti nimwali kubasyoma basinsimi abo, baa, nimwaka Ndi ziba. Milimo Yangu ilazibya. Nkaambo, eco nca kaamba kuti Ndiyo cita, Nda cicita. Elyo nguni ukonzya ku Ndipa mulandu wa kutasyoma?”

<sup>123</sup> Elyo nekubabooobo tii ba kacibona. Nkaambonzi? Meso abo akali zimidwe, ku kubekema; mwabona, kubekema kwa cintucimwi cimbi eco nciba kabweza eco Ijwi lya bwini lyakaambwa mbolya kabede. Lino amu ciyeeye. Amu ciyeeye. Ba ka taminina kuti bakali syoma Ijwi eelyo. Pele tuyanza twabo twa kanyona masyu abo kuzwa ku Ijwi lya bwini, kuya ku kubekema, aboobo tii ba kakonzya kubona cintu cini.

Mbo kubede asunu. Mbo kwakabede mu makkalo oonse. Mwabona, i—i Ijwi lya bwini lilamweka, pele ba kanjizigwa maningi mu tuyanza, cakuti, taba kakonzyi kubona Ijwi eelyo. Ba langa ku kubekema, nkabela bali ofweede. Ii kubekema kuyo mofwaazya. Kuli bbalabala kuli nguwo. Liyo mofwaazya. Alimwi, liyo cita, cindi . . .

<sup>124</sup> Jesu wa kati, “Muli boofu, basololela boofu.” Ba keelede kukonzya ku cibona, ku bona Obo Mbwa kabede. Pele tee baka konzya, nkaambo ba kali kuponena mu kubekema oko.

<sup>125</sup> Lino, kubekema, mbuli Mbwe amba, mumuni walweeno, kubalama, muzeezo walweeno ku Mumuni wa bwini. Muzeezo walweeno; ncintucimwi eco—eco ceelede kuboneka mbuli Nguwo, pele tauli Nguwo.

<sup>126</sup> Lino nzila ilikke njo bakali kukonzya kuziba lwaandaano, nkaambo zintu nzyoonya Jesu nzya akacita zyakatondezya Obo Mbwa kabede, kuti Wa kali Mumuni. Ba kali kuyeyya kuti bakali mu Mumuni. Pele lino ikuti na mwakonzya kwiima aniini a kweezeezya oyo uli mu Mumuni, mpawo.

<sup>127</sup> Lino, sunu! Ikuti obo bulubizi bwa kugubila nibwa kacitwa kwiinda ku bapaizi bambungano ba buzuba obo, cintu ca kugubila mbuli ceeco ca kacitwa, bakwesu, sa ta muyeeyi kuti nciindi eco nci twe elede kwiima a kweezeezya Mumuni mboubede? Tu ta bambi bulubizi bwa kugubila mbuli booboo. Pele mula bucita. Mwa kabucita kale, mwabona, elyo timwa kabuzi, mbubonya mboba kabede kaindi. Lino amwiime aniini buyo a kuziba ceeco Ijwi nco lyaamba ca sunu.

<sup>128</sup> Ikuti na niba kaima a kuyeyya, “Ngooyu Ula zuzikizya, mbuli mbo kweelede koonse, ncoonya eco Ijwi ncilya kaamba kuti Uyo cita.”

Elyo Wa kabazundikizya, mbuli Mbwe muzundikizya! Mwabona? Mwabona? Ndi muzundikizya kulanga mu Ijwi, amulingule Magwalo, amubone ikuti na eli talili nde oora. Mwabona? “Amulingule Magwalo, nkambo muli Ngawo muyeeyya kuti mujisi Buumi Butamani, nkaambo Nge Ngawo ayo aa Ndi lungulula.” Nge Ngawo ayo aa lungulula mulimo oyu sunu. I milimo lwayo ilalungulula kuti cili mukucitwa, a Magwalo aamba kuti ciyo citwa, mbubonya mboubede Mumuni wa oora. Ijwi lya Leza mbo lyakaamba.

<sup>129</sup> Tuyanza twanu a zintu zili mbubonya Bbaibbele mbo lyakaamba, mbuli baabo bakagunyagunya mitwe yabo a kweenda kuzwa. “Oonse matafule akazula malusi,” Bbaibbele lya kaamba. Elyo mpo ba kabede. Tii ba kakonzya ku cisyma. Ba kagunyagunya mitwe yabo. Elyo, balombwana, sa mula mvwisyia? Elyo, bakwesu, sa mula mvwisyia obu, kuti, cindi mwano kaka cintu nciconya Leza ncali mu kusimpikizya kumbele lyanu, kuti mucita cintu nciconya nci bakacita, kujokela ku malusi aatuyanza twanu?

<sup>130</sup> “Mbuli mubwa mbwaya ku malusi akwe.” Ikuti na aka mubamba kuciswa ciindi citaanzi, ayo mubamba kuciswa ciindi cabili. Ikuti na mbungano ya Katolika, muku bunganisigwa a kubambwa kuba kabunga kataanzi, kaleta bulwazi ku mbungano; mbubonya ba Luther, Methodisti, abamwi babo boonse, Baptisti, Presbyteria, a ba Pentekoste. “Ii mubwa

kujokela ku malusi akwe, a ngulube kujokela ku ntimba yayo.” Mwabona? Tuya busika kuli ceeco mu maminiti masyoonto, Mwami nawayanda.

<sup>131</sup> Kubekema, kweendela mu kubekema, mwabona, kubalama, muzeezo walweeno ku Mumuni wa bwini. Wa katondezya kuti Wa kali Mumuni.

Nkaambo, Walo, mukuba mu i...nzila mu busyoonto, oh, ma, bali mamilioni kulwana Nguwe! Tii kwakalikwe omwe wa tubeela tweelene kuzwa mu cisambomwe ca bantu, omwe wa tubeela tweelene wa kkumi afuka wa bantu, a nyika, wakasola kuziba Wa kaliko ano. Kutali, Nda yeeyela, omwe—omwe wa tubeela tweelene twa bali mwaanda waba Juda, na nekuba omwe wa tubeela tweelene twa bali kkumi aosanwe wabo, na kkumi aone wabo, Ndiyo wamba, ambweni kusyoonto kwiinda kooko, ba cisi Cakwe Mwini, ba kasola kuziba kuti Wa kaliwo. Elyo abo bakazi kuti Wa kaliwo, baka Mu langanya kuba cintucimwi calweeno, nkaambo kabungwe ka kabaambila obo Mbwa kabede. Mwabona?

Pele nekubaboo Wa kali Mumuni wa bwini oyo wa kaambwa kuzwa ku Matalikilo, mu katalika, a ku balomba kulingula Magwalo a kuziba kuti na Ta kali kuponena buyo mu ciindi eco; ikuti na Walo, milimo Nja kacita, tiya kazulizya cigaminina eco caka syomezegwa ku ciindi eco. Ameni. Oh!

<sup>132</sup> Ncintu cisinizizye, bakwesu! Tu ponena mu ciindi cibotu loko.

<sup>133</sup> Wa katondezya kuba ululeme. Wa kali Mumuni nguonya oyo ngo ba kataminina kuti bakali kukomba. Ba kataminina kukomba Mumuni oyo.

Elyo mbo kubede asunu. Ba taminina kuti bali mukukomba Oyo. Ba Pentekoste bala kutaminina. Ba taminina kuti bala cita, kakuli baliofweede loko cakuti taba konzyi ku cibona. Nkaambonzi? Bala bunganya, alimwi, pele kubekema mu busyu bwabo. Mwabona? Ii kayanza nceeco bantu bamwi nciba kakkalila antoomwe, a kwaamba, “Tuyo unka aku panga *ceeci a ceeci, a ceeci a ceeco.*” Lino tula boola ku kaambo eco nco ceelede kucitikila, Mwami nawayanda.

<sup>134</sup> Amubone, milimo Yakwe lyakali Ijwi lipona Lini. Eco Nca kacita lya kali Ijwi lipona Lini, kutondezya kuti Wa kali Mumuni oyo waka syomezegwa kuzwa kuciindi camatalikilo aa inyika. Wa kali Mumuni oyo. Mumuni Wakwe aa Ijwi lyaka syomezegwa lya bukkalo waka Li bamba kupona mbubonya cisymezyo mbo cakaamba kuti Liyo cita, pele baka Li cinca cakumaninina kusikila tii ba kakonzya ku Li bona. Mwabona? Pele Wa kali Mumuni wa bukkalo obo.

<sup>135</sup> Wa kali Mumuni oyo ngo ba kali kutaminina kuno komba. Ba kali kuyeyya kuti bakali kukomba Leza nguwenya wa bulenge. Ba kali kuponenamo a kukomba kubekema, elyo Jesu wa kati,

“Mula Ndi komba mubuyo, kuyiisya tunsiya twa bantu kuba Njisyo, alimwi kutali Ijwi.” Walo ndi Ijwi, alimwi Wa kali Ijwi lya kayubululwa. Ba keelede ku ciziba.

<sup>136</sup> Nda syoma eco inga cazwidilila, kumasena oonse nko camvugwa, mwabona, kuti ndi Ijwi lya kayubululwa. “Oh,” kwaamba, “oh, tuli jisi Ijwi.” Baa, Ijwi, muntu aumwi ulapakata Bbaibbele, oyo uyanda. Pele, cindi Ijwi lya simpikizigwa, lya yubululwa!

Baa, kwaamba, “Ee, tula syoma!”

<sup>137</sup> Iiyi, munene, ba ka syoma, lweendo loonse antoomwe. Mbubonya Saatani mbwacita. Abo ba Farisi, nguni wakali kukonzya kubapa mulandu, kutasyoma? Pele tiiba kasyoma Ijwi lya oora. Ba kali kukomba kubekema kwa cintucimwi cimbi.

Nce cintu nciconya ncoba cita asunu, Mwabona? Bali muku zwidilizya Luther ku kwaa... tuyanza, na—na tuyanza twa Wesley, abamwi babo, kayanza ka Pentekoste. Pele ino kujatikizya oora?

Ba Farisi bakali kuzwidilizya tuyanza twabo. Pele kunze lya tuyanza twabo kwakali Ijwi lya bwini ilya Leza lyakali kuboola kumweka koonse, alimwi, cindi ni Wa kacita, Ly a ofwaazya meso abo. Tii ba kakonzya ku Li bona nkaambo bakali kulangilila cintucimwi cimbi.

Mbo kubede asunu! Akube kuti Leza alekele eco kumvugwa, kusika cimvugwe kabotu ku bantu abo beeledge ku cisyoma. Cainda kale kwiinda mbo muyeeya.

<sup>138</sup> Mwanaangu, Billy Paul, ulaambaula mukoona kwakwe, pele kanjikanji tajisi ziloto. Wa kali jisi comwe busiku bumwi eco caka muyuntaanya. Kati wa kalota kuti wakali mu cikombelo, elyo—elyo ba... Nse kalina njila.

Kati, cindi Ne kanjila, mulilo wakali kuuluka kuzwa mu meso, elyo Nda kati, “I ciindi casika. Ca mana.”

Elyo muntu aumwi wakatalika kukwiila, “Nse konzyi! Bana bangu!”

<sup>139</sup> Elyo awalo mukaintu wangu wa kati, “Nse konzyi kucitya Sarah ku lomba cilongezyo ku tafule,” azimwi zimbi. Elyo Nda kati...

Wa kati, “Nde elede kuunka kuyobweza Loyce a—a muvwanda.”

<sup>140</sup> Nda kati, “Loyce takonzyi kuboola lino. I muvwanda ucili muniini maningi kuziba. Billy, oora lyasika. Twe elede kuunka.” Nda kati, “Mpa katikamasiku lino. Kakutana kuca, Jesu unooli waano. Ikuti na embo, nkokuti Ndili kamboni walweeno kuli Kristo.”

Elyo muntuumwi wa kaambisya, kati, “Taakwe muntu uzi miniti nanka oora.”

<sup>141</sup> “Nse amba miniti na oora. Nda amba kuti, ‘Ciindicimwi akati ka lino a kwaca.’” Elyo Nda kati, “Atwe—atwe ende.” . . . ? . . . Nda kati, “Pele tuli aa ciindi cini. Atwe ende.”

Elyo twa kanjila mu mootokala, a katalika, elyo twa katalika kutanta cilundu. Elyo nitwa kacita, kwakali kulibonya mbuli kuti mumuni wakali kuboola mu milengalenga, pele mudima atala a nyika. Wa kati Nda kayaamukila ku lubazu lwa mugwagwa, a kujata maanza angu mbuli boobu, mulilo waka cili kuuluka kuzwa mu meso. Elyo wa kaamba kuti Nda kati, “Mwami, Nda cita eci ku kulaililwa Kwako. Nda cita eci buyo nkaambo kakuti Wa ndaambila ku cicita munzila eyi. Nda cita zintu ezi kweendelana kuli ceeco Nca kandaambila.”

Elyo Nda kagunyagunya ku cilundi cipati cabbwe jumu lisiyasiya; elyo ii—ii Mumuni, kakunyina maanza, kakolomona Bbwe kuzwa ku cilundi, lilema mataani ali myaanda, elyo mpaawa Lya kaboola. Nda kati, “Amunyone mitwe yanu; muta langi. Ciyo mana coonse mu maminiti buyo masyoonto.” Kati, mpawo butontozi bulemu busalala bwakaboola koonse, mbuli Bbwe eli mbolyali kuboola kutozya ku busena.

<sup>142</sup> Inga kacino manide kale kwiinda mbo tuyeeya. Awo, mwabona, eco cili mbubonya ku Malembe, nywebo mwabona, “Bbwe, kakunyina maanza, kakolomonwa kuzwa ku cilundi.”

Elyo aboobo bumwi bwa mazuba aya kuyooba munzila eyo, cindi nomuyo kwiilila cintucimwi. Nda kati kuli mbabo, “Mwakali jisi kale ciindi eco. Leza wamucenjezya cakuzumanana, ciindi a ciindi. Inzya.” Nda kati, “Nekubakuti mwana wangu wini, na kufumbwa mbwa bede, oora lyasika. Ndi konzya buyo kwaamba ceeco Nca ka ndaambila kwaamba, elyo ciyobako,” alimwi cakaliwo.

Elyo—elyo mpawo, ndyoonya biyo [Mukwesu Branham wakamba maanza akwe antomwe lomwe—Mul.], ngooyu Wa boola, “Bbwe lyaka kolomonwa kuzwa ku cilundi, kakunyina maanza.” Danieli wa kacibona eco, nywebo mulizi, kaindi myaka minji yainda. Billy taakwe nca kazi kujatikizya ceeco, pele cakali ii—cakali ii ciloto cakatumwa kuli nguwe kuzwa ku Mwami.

<sup>143</sup> Lino, mwabona, ba taminina kukomba Leza nguwenya oyo ngu bali mukufubaazya. Elyo cintu nciconya cajokela alubo sunu, kwiinda ku kaambo nkakonya, kuponena mu kubekema mucibaka ca Mumuni. Mimuni mipati ijisi kumweka. Yaa.

<sup>144</sup> Amulange oyo mudima motubede sunu! Amulange eco cicitika sunu! Amulange ku bujai, lulalano lwakwaangila, nzwang! Baa, kwa citika. Ndi syoma kuti wakali Billy Graham wa kati, mu muswaangano wakwe wamanino, “Mu myaka ili kkumi kuzwa lino, sicisi aumwi wamu California uyo yandika kupakata ntobolo ku kulikwabilila lwabo. To konzyi kubikka kunji kwa kulanganya kuti milao yazwidilizigwa.” I bantu basondoka; kudubula, bujai, a lulalano lwakwaangila,

zintuzyonse, mwabona. Kwa nyongana ncobeni, mwabona, mu tugwagwa. Mwabona, mbo—mbo buzuba mbo tuponamo, buzuba bwa bana Sodoma. Mwabona?

Pele ngooyo Mumuni uumweka! Ikuti nibali kukonzya biyo kulanga, ikuti nibali kukonzya biyo kubona, kulanga mu Ijwi a kubona eco ceelede kuba mu oora eli, niba ziba eco cisola kucitwa.

<sup>145</sup> Lino, ba taminina kuti bakomba Mumuni oyo, mbubonya mbo ba kataminina kuti bakali kukomba Mumuni oyo, pele ba kali kukomba mu kubekema kwa mumuni umbi mucibaka cawini. Mwabona? Wa kali Mumuni.

<sup>146</sup> Tunsiyansiya a tuyanza, mu ciimo cabو cakoofwaazigwa, zyaka bagusya ku Mumuni wa bwini iwa Ijwi lyaka syomezegwa. I Ijwi eelyo Leza ndya kasimpikizya, kwiinda kuli Jesu, Mumuni wa inyika, kaboola a kubamba Ijwi eelyo kuba lyuumi ncobeni mbubonya kwiinda mu ciindi Cakwe, mbubonya ku mazuba. “Uyo nyonyoonwa akati ka mvwiki zili makumi ali ciloba, mbombubo, ili myaka yotatwe acisela ya cisinsime Cakwe. I Mesiya uyo boola, Mwaami, alimwi uyosinsima, a mazuba otatwe acisela a ceeci, mpawo Uyo nyonyoonwa kuzwa ku baumi, a kubamba mulungo.” Elyo cili mbubonya. Wa kakambauka myaka yotatwe acisela. Elyo zyabo... .

<sup>147</sup> Elyo njionya Ntembauzyo eyo Davida nja kati, “Leza Wangu, Leza Wangu, ino Wa Ndi siila nzi?” I Ntembauzyo 22, “Mafuwa Aangu oonse, ba Ndi dunamina. Ba gunyagunya mitwe yabo. Bala Ndi indilila.” Myaka ya myaanda ili lusele a makumi osanwe, kakutanaba, cindi Davida nakaimba lwiimbo olo mu Muuya, elyo cakalanganisigwa kuba cisinsime, a kupegwa. Ba kali kwiimba nyimbo zyoonya mu tempele cindi Cituuzyo neiconya nicakali kulengelela aa ciengano, a maanza Aakwe, a kuyaswa. “Elyo ba kayasa maanza Aangu a matende Aangu.” Mwabona? Mwabona awo? Mpawo, nkaambonzi? Ba kali kuponena mu kubekema. Tii ba kabona Mumuni.

<sup>148</sup> Sa inga mwayeyela muntu ulamaanu ku cita ceeco? Ambebo Nse konzyi kuyeeyela muntu ulamaanu kuselemukila mu kaanda kaansi a kunjila mu kkutikuti lyamudumo uununka, a kujala zitendele zyakwe, a kwaamba, “Nda kaka kubona kuti kuli mumuni.” Mbu sondosi.

A kumuuya kwakwe kwakaloka, kubusenabumwi, cindi muntu abona kuti Bbaibble lyaka syomezya eci, a ku cibona kacikutauka ncobeni nkoonya kumbele lyakwe a kuyubululwa, elyo mpawo kuzumanana kukkanala mu tunsiyansiya oto a zintu anze awo tu Li kaka. Nku sunda kwa kumuuya. Mbo mbubo ncobeni.

<sup>149</sup> Ngooyo Mbwa kabede lino. “Wa kali—Wa kali Mumuni wa inyika, elyo inyika kaziba... Wa kaboola kuli Bakwe Beni; Bakwe Beni tii ba ka Mu ziba. Wa kaboola mu inyika, a

inyika yakalengwa aa Nguwe, nkabela inyika tii yaka Mu ziba.” Mwabona? “Pele boonse baka Mu ziba, kuli mbabo Wa kapa nguzu zya kuba bana ba Leza, kuli baabo baka Mu syoma.”

<sup>150</sup> Amuyeeye, ta tukonzyi kuponena ku mumuni wa jilo. Mumuni wa jilo wakamana. Ta uciko limbi. Walo, mumuni wa jilo, nciyeezyo biyo. Mumuni wazuba wa jilo nciyeezyo biyo, na, ncintu citacibeleki. Ta tukonzyi kuponena mu mumuni wa jilo, limbi. Elyo mbubonya, nekubakuti ndi zuba ndilyonya, zuba ndilyonya, pele buzuba abumwi lileta nguzu zyayo kubalisya aniini, kucitya museke kubizwa ku butebuzi. Mwabona?

<sup>151</sup> I zuba lilasika sunu, lilabalisyा aniini. Buzuba abuzuba liyo balisyा aniini, ku balisyा aniini, elyo mane kumamanino whiiti, eyo ilede awo, iyo—iyo talika kunyonka buumi. Kwainda kaindi, i—i buumi buyo libonya, mpawo kubalisya aniini, kubalisya aniini. Miyoba, Mukubwekangala, Kaandakanaiini, Gandapati, Kunkumunamasamu, uli mu butebuzi mpawo, nywebo mwabona. I zuba ndilyonya limweka sunu, mu—mu Mukazimaziba na Nalupale, elyo lili kutala kuya kuvumpa caanda eco a ku ceenzemuna kuya kunsi ku museke oyo, kuuletela meenda; ndi zuba ndilyonya, pele eyo whiiti tai konzyi kupona mu mumuni wazuba nguwenya oyo mu Gandapati. Mwabona, tali konzyi ku cicita. Mwabona, zuba lilaboola kubalisya aniini a búzuba, alimwi museke weeledge kwiindila aniini kusima ku kutambula mumuni wazuba.

<sup>152</sup> Elyo nde penzi sunu. I museke oyo wa kasyangwa muli bamatata bataanzi, kaindi okuya muli—mul Luther a Wesley a mbabo, wa kafuba; taukonzyi kubweza Mwana. I Mwana ulaujaya. Wa akaka kukomena. Mwabona? Wa kautenda, wa kali gusya wini kuzwa ku cisiko, mbuli, a kuboola *waawa* a kulibamba lwawo kuba cintu cinii. Wa kaba cikwa, mpawo, alimwi taakwe Buumi muli nguwo. I museke weeledge kauya busima a kuba anguzu maningi, mbuli Mwana mbwaba anguzu maningi buzuba abumwi.

<sup>153</sup> Lino atu langilile kwa kaindi kaniini. Tuyo langilila makkalo aa mbungano. Kuli makkalo aa mbungano ali ciloba. Elyo mbuli makkalo ayo aa mbungano, a bumwi, amulangilile obo Mbwa kakanana kuli ngawo eco ciyocitika, obo museke mbouya kusima a kuboola muciindi ca oora eli lyamamanino awa, eli oora lyamamanino ndyo tuponamo. Aboobo mambungano ayelede ku cita cintu nciconya, mwabona, mambungano.

<sup>154</sup> Lino amulange, Luther wa kasyanga museke, alimwi Luther wakali museke nkabela wa kausyanga. Yaa. Mbwa kabede a Wesley; alimwi, akwalo, mbo yakabede a Pentekoste; mbo bakabede ba Baptisti, ba Nazareni. Pele, nywebo mwabona, lino Luther taka jokela a kuponena mu mumuni wa kabungwe kataanzi, Katolika. Peepe, munene; wa kali mumuni umbi. Oyo

wakali Leza kabamba cintucimwi kubizwa. Lino bantu bace ba nkamu bakazwa omo, olo lubukulusyo lwaba Lutherani.

<sup>155</sup> Mpawo kwakaboola ambali lubukulusyo lwa Wesley, elyo mpawo, muli olo, baa, tiiba kakonzya kujokela a kucita zyaba Lutherani. Mwabona?

Elyo mpawo kwakaboola ambali ba Pentekoste. Elyo mpawo ba Pentekoste bakabunganya a kucita cintu nciconya, kaba cikwa. Amubone.

<sup>156</sup> Pele museke ulazumanana ncobeni. Lino tuli mu bukkalo bumbi. Nkaambonzi nco bata ka Li tambuli? Nkaambonzi ncoba taboni kuti museke wasima? *Ndeeli Ijwi lyaka syomezegwa* lya buzuba obu. [Mukwesu Branham waumauma Bbaibbele lyakwe—Mul.] Nkaambonzi taba Li boni? Nkaambo baponena mu kubekema kwaba Lutherani, kubekema kwaba Wesleyani, kubekema kwaba Baptisti, kubekema kwaba Pentekoste. Ba ponena mu kubekema kwa mumuni umbi. Nke kaambo ncoba takonzyi kutambula Mumuni wa Ijwi *limaninide* lyaka simpikizigwa mbuli Leza mbwa kasyomezya. Zyalo Zinamatizyo zili Ciloba, omo makani aasisidwe oonse mwa kayubununwa, ziyo jokela a kwaamba kaambo ayo makani aasisidwe nca kacitilwa booboo; elyo, nekubabooobo, cindi eco caakubako, bayo tantamuka kapati kuli Nguwo kwiinda lyonse. Taba jisi ntamizyo.

<sup>157</sup> Leza wa kacicita kwiinda ku Muuya, kwiinda ku ziybunuzyo. Wa—Wa citondezya cakulondoka, kwiinda kunzila ya sayaansi a zintuzyonse zimbi, kuti nca Bwini, kuti nca Bwini. Elyo nekuba ba ciyanda kuponena mu kubekema kwa Pentekoste, “Ndili wa Assembilisi! Ndili wa Babumwi! Ndili wa Mbungano ya Leza! Ndili *ceec!*” Mwabona, kuponena mu kubekema kwa bukkalo bwa myaka ya makumi one, makumi osanwe yainda. Kuponena mu kubekema kwaba Lutherani. Kuponena muli Wesley, Baptisti, Presbyteria, na Nazareni imwi, kubekema kwa bukkalo bumbi bwa mbungano eyo ya kazumanana a kulibunga a kucita cintu nciconya, a kutazumina a kukaka Mumuni kakuli Uli muku mweka ncobeni.

<sup>158</sup> Elyo muponena mu kubalama. Nda amba eco mubulemu, mwabona, pele mula...kutali ku munyonganya, pele ku musinsimuna. Mu ponena mu kubalama.

Ino kuti Jesu, kati “Baa, muli boofu, alimwi musololela boofu”? Tiiba kakonzya... Wa kasola kubaambila; elyo tiiba kacicita. Kati, “Aba lekwe balikke. Ikuti na moofu wa sololela moofu, boonse bayo wida mu dindi.” Nde oora Ndyo ndasika ko! Ikuti na bayo zungaana, Nse konzyi ku cicinca. Cita coonse Nce konzya ku cita. Nda cita mbubonya.

Nda cita eci ku kulailila Kwako, Mwami. Nduwe kamboni.

Kuzwa ciindi ca 1933, kunselenko lya mulonga, cindi oyo Mumuni ngo mubona, niwakamwekela aansi, Nkouli moonya

omu mu cikombelo a kupa bumboni kuli ndinywe, yoonse myaka eyi. Elyo cintuconse Nco wakaamba cakacitika. Elyo cakuzumanana bala unka. “Alekwe moofu asololele moofu.” Ndiyo lindila buyo ku oora eelyo; Uyo sika, bumwi bwa mazuba aya.

<sup>159</sup> Amubone, kuponena mu kubekema kwa Luther, kuponena mu kubekema kwa Wesley, kuponena mu kubekema kwakaindi okuya, nke kaambo taba konzyi kubona Mumuni wini. Ikuti na baima kwa maminiti masyoonto, a kubweza buyo Bbaibbele aku Li bala, niba bona kuti i... oyu Mumuni waka syomezegwa wa oora.

<sup>160</sup> Lino tuyu bweza zimwi zya zintu ezi mu kaindi kasyoonto. Wa kasyomezya, kweendelana a Malaki 4, ezi zintu ziyo citika. Wa kasyomezya, kwiinda moonse mu Magwalo, kuti ziyo citika. Mwabona?

<sup>161</sup> Amubone Israyeli awalo, cikozyanyo cesu, mu musinzo. Amulange, kabalya mana, oyo wakali Mumuni wabo, Buumi, ayo akabapa nsana, Buumi. Sa kuli kabotu? [I mbunga yaamba, “Ameni.”—Mul.] Israyeli takali kukonzya kulya mana ayo akali a jilo a kabawida. Akali saside. Akali bolede. Ta kali mabotu kuli mbabo. Ni ba kafwa, kuli ngawo. I mana ayo aka bamba kuti kabali baumi jilo inga aba jaya sunu. I Bbaibbele lyakati akajisi tuzunda muli ngawo, akalisaside. Alimwi mana, ba kacita kubwezelela mana mapya abuzuba. Ameni.

Elyo ino ncinzi? I bantu abo baponena ku mana akwa Luther, Wesley, abaabo bakaindi okuya, mulya zintu zisaside ezyo zimujaya, kumuuya. Alimu kumujaya, kufwa mu tuyanza twanu.

<sup>162</sup> Aa jilo, mana kwa Luther, inga na takabeleka ku Methodist. Mana kwa Methodist inga na takabeleka ku Pentekoste. Mana kwa Pentekoste ta beleki sunu. Sa mwabona eco Nce pandulula? Buzuba abuzuba akaboola, buzuba a buzuba, mapya, elyo mbubonya Mba cita kwiinda mu makkalo aa mbungano.

Mana kwa Luther wa kali mulumbe wa kululamikwa. Mulumbe wa Wesley wakali luyubunuko lwa kusalazigwa. Pentekoste wakali wa kuboozezya kwa zipego. Pele oyu uzibya Bbwe lyabwendelezi, buzuba bwamamanino, Cisamu ca Nabwiinga, eco ciindene kuli oonse kwayo, elyo nekubaboobo Mumuni Nguonya wa basimide.

Mbuli zuba ndilyonya, libala sunu, liyo bamba museke kusima ku butebuzi bwa mu Kunkumunamasamu. Sa mwabona eco Nce pandulula? Pele mumuni sunu tau kogwasya kuli koonsie kuba kaindi okuya mu Kunkumunamasamu. Ula balisya kapati. I whiiti yasumpuka maningi; ili libambilide kuubweza. Ameni. Nincobeni mboubede. Tii ba konzya kuubweza lino; ulakonzya kaindi. Ciindi ceelede tii ca kaluleme, kaindi; lino cili kabotu.

<sup>163</sup> To konzyi kulwana bulenge bwa Leza. Ujisi mulao, alimwi, kwiimpana ku mulao oyo, cijaya cisyangano canu. Mwe elede kweenda kweendelana a milao yakaambwa iya Leza, elyo milao Yakwe ndi Ijwi Lyakwe. Kufumbwa mulao ndi ijwi lyakaambwa. Alimwi ijwi muyeeyo wayubululwa. Mwabona? Lino tu—tu lizi kuti obo mbwini.

<sup>164</sup> Ii cilengaano ninzi? I Ijwi lya Leza, na cintucimwi cakaambwa ciciza, na kwaamba zintu ziyo citika kumbele. Alimwi cilengaano eco basinsimi nco ba kajisi, a Jesu nca kajisi, Paulo nca kajisi, a boonse babo, akwaamba zya buzuba obu, kwakali kwaamba kwa ceeco ciyo citika. Elyo mpaawa tula bona cakaambwa kaciyubululwa, nkabela bantu taba cizibi. Sa mwabona eco Nce pandulula? Lino, mana a jilo . . .

<sup>165</sup> Amulange awa. Sa mwakasola kuziba, zuba, z-u-b-a, lyeenda, Kujwe kuya Kumbo, mbuli mbolya keenda ciindi a ciindi. Sa mwakabona eco? Elyo, amubone, makkalo aa mbungano akacita cintu neiconya. Inzi? I zuba, m-w . . . z-u-b-a, katalikila Kujwe. Elyo lusumpuko lweenda antoomwe a zuba, mumuni wakaambwa iwa Leza wabo kuti baponenemo. Ba boola, kutobela zuba, kubona oko nkolyakali kwiinka.

<sup>166</sup> Buumi kubugama, cindi wazyalwa, mbuli zuba. Ula zumanana, nkoonya ku kubbila kwa zuba, kuzwa kukuzyalwa kwako kusika ku kubbila kwa zuba.

<sup>167</sup> Muntu weenda kutozya kumbo, lyoonse. I lusumpuko lwakale lwiinda ndo tu jisi ngu China, mu masi aakujwe. Jerusalema . . . Elyo, amubone, ula zumanana kweenda kutozya kumbo mbuli mbo lyeenda, a mbuli mboliya buya a buya, kusika Kumbo.

<sup>168</sup> Mbo mbubo abwalo bukkalo bwa mbungano mbobweenda munzila njiyonya, kwiinda ku M-w-a-n-a wa Leza. Amulange, Paulo, mbungano ntaanzi, katalikila Kujwe; yakeenda kuzwa kokuya, kasotoka kulanduka i—i—i—i lwizi, kuya kutala mu Germany. Ya kabamba kukwelwa kotatwe. Amulange awa. Kuzwa ku Asia, kuselemukila mu—mu Palestine, wakasotoka kulanduka lwizi kuya ku Germany; oyo wakali Luther. Elyo lwa kasotoka kuzwa kuli Luther, kulanduka Mugelo mupati wameenda uswaanganya maziba waku Bukuwa, kutala mu England; kwiinda kuli Wesley. Elyo kuzwa kuli Wesley, yaa kasotokela ku Nkomwe ya Kumbo, kuya ku United States. Elyo oku, ikuti na waunka ambele, cijokela Kujwe alubo. Eci nciindi caku mangolezya kale.

<sup>169</sup> Amulange obo makkalo aa mbungano mbwa kalwana. Luther . . . Paulo, lutaanzi, kaindi ku bukkalo butaanzi; mpawo muciindi cakatobela caku Ireland, kuli Irenaeus, abamwi bambi; muciindi cakatobela mu France; kuzwa awo, kuya mu Germany; kuya mu England; kuzumanana kuya Kumbo.

Elyo lino ta tukonzyi kuzumanana kuya ambele. Obu mbukkalo bwamamanino. Elyo ino Bbaibbele lyaamba nzi kujatikizya bukkalo obu bwamamanino? Mwabona, munzila ayabupange bwanyika, bamayi bamatobelanwa azintu zyakacitika, a kutandila nzila ili yoonse njo moyanda kucitola. Camalembe, kutaanzi; Lugwalo, mubwini, lutaanzi. Citondezyo, munzila yamakaní akale, kufumbwa nzila njo moyanda kucitola, tuli kumamanino, bukkalo mbwa mbugano yamamanino.

<sup>170</sup> Elyo, amulangilile, mbuli mbo cakaunka kumbele caka komena maningi aku komena maningi. Elyo abalo bace ba nkamu, ya Mbungano mboya komena kuzwa ku kululamikwa, kusalazigwa, lubbizyo lwa Muuya Uusalala, elyo lino ku kuboola kwa Bbwelyansonje, kalili yaka lini. Takucikwe limbi tubunga kwamana ceeći. Taku cikabi limbi. Mwabona, konzyi kuba, mwabona, tuli Kumbo.

<sup>171</sup> Ku mutondezya buyo, kwiinda mu mikozyanjo yoonse a zintuzyonse zimbi. Aku langa ku kusotoka oko kotatwe, kukwelwa kotatwe. Tula njila muli oko sunumasiku, mwabona, mwabona, obo mbo tuli ku ciindi cakumamanino. Nku buyo . . .

<sup>172</sup> I z-u-b-a lyeenda mbuli M-w-a-n-a; M-w-a-n-a mbuli z-u-b-a. I mbungano yaboola kuba cintu nciconya, kuzwa ku Makkalo aa Mbungano ali Ciloba, azimwi zimbi. Lusumpuko lweenda kugama Kumbo, a Mbungano yeenda kugama Kumbo. Elyo lino ikuti na twa zumanana kuya ambele kwiinda mpo tubede lino, tu jokela Kujwe alubo. Mwa siya Nkomwe ya Kumbo, mwajokela moonya mu China, Japan, kujokela nkoonya alubo. Mamaile ali zyuulu zili ciloba kulanduka, mwa jokela nkoonya Kujwe alubo. Aboobo, Kujwe a Kumbo kwa swaangana, nkukoonse oko kwa nkuko. Tuli kumamanino. Taakwe cintu cisyeede.

<sup>173</sup> Elyo cintu nciconya cacitika, sunu, eco cakacitika kaindi okuya. I cintu nciconya caswaangana Kumbo eco cakaswaanganwa Kujwe. I bantu kuponena mu kubekema kwa mumuni umbi oyo wakali kusola cakumaninina kutondezya kuti Mumuni wa keelede kuboola, aku Ukaka, nkaambo bajisi kubekema mucibaka ca Mumuni. Oh! “Elyo kwakali Mumuni mupati mu cisi ca Bamasi; Zebuloni, Nefutalimu; yaku Galilaya, . . . mu Galilaya, cisi ca Bamasi.”

<sup>174</sup> Obu mbukkalo bwambungano bwaciloba. Amuyeyeye, elyo ciindi acimwi cakuti zuba eelyo lyaka talika kumweka Kujwe, ndi zuba ndyoonya limweka Kumbo. Elyo Muuya nguonya wakali muciindi cakatobela kwiinda mu makkalo, mbuli booboo, ngu Mwana nguonya sunu. Luzutu, ino ncinzi? Mboli buyo kubizwa, ciindiceelede. I zuba liliko eno, liyooba zuba ndilyonya lipa kubizwa kwa museke ciindi eci cabutololo, eci cabulobe, mwabona, pele (ino ncinzi?) ndi zuba ndilyonya kusanganya

ceeco ciyooba. Elyo sunu, mu bukkalo obu bwamamanino, nko kwakali, kusanganya Ceeci.

Elyo nekuba ba yanda kupona mbuli kaindi okuya, mbuli simpiningile, kuselemukila kkutikuti lyamudumo uununka, cakaindi cakasalwa-...kaanda kaansi kakaindi kakasalwa a kansiyansiya, a kukwelela ansi bofwaazi bwabo, kwaamba, "Ta ndikonzyi ncobeni ku Ubona. Ngwa bufuba koonse." Elyo cindi ndilyonya Bbaibbele, ndo bataminina kusyoma, lili mu kutondezegwa ku Muuya Uusalala nguonya kuuleta Mumuni mu mazuba akumamanino!

<sup>175</sup> Sena mwamvwisy? Elyo amulangilile kabotu loko awo muli Malaki, obo mbwa kapa eco, "I Lusyomo lwa matata ku bana, a bana ku matata." Mwabona, Muuya nguonya oko Nku wakabuka kaindi eelyo, oko Nko ubuka okuno alubo, cintu nciconya. Mwabona, mukusintana buyo, mbubonya, kaubambidwe ncobeni kujokela alubo. Nkaambo, nkaambonzi? Kujwe a Kumbo zya swaangana. Mbubonya buyo kabotu kunsi lya busyu bwesu, alimwi nekubaboobo taba ciboni. Nkaambonzi? Ta cigambyi Jesu wa kati, "Amubaleke buyo balikke, mpawo. I boofu, basololela boofu, boonse bayo wida mu dindi."

<sup>176</sup> I mumuni wa makkalo ambi waka tondezya buyo Mumuni oyu. Mwabona? I zuba sunu litondezya buyo, nkutondezegwa kwa zuba liyooba mu Kunkumunamasamu na Ivwivwi oyu, ikuti na Leza...ku butebuzi. Elyo Mwana, wa Luther, Martin Luther, a Wesley, a Sankey, Finney, Knox, Calvin, Moody, boonse bambi, balo baalumi balemu kaindi okuya ba kajisi mumuni oyo; a John Smith wa mbungano ya Baptisti, a Alexander Campbell, mbungano yaba Campbelliti, a itegwa Basikwiya ba Kristo, Mbungano ya Banakristo, a mazina ambi ngo bajisi angawo. Boonse bamaalumi kaindi okuya, mu makkalo abo, bakali kutondezya buyo eco Ci yooba okuno kumamanino.

<sup>177</sup> Elyo mpawo okuno, bana, mpoonya biyo kuzwa basikutalisya, ino bakacita nzi? Tee bakakkala ku cisiko. Ba kazwa kuli Ndilyo a kulibambilka kantu ka cikwa kaniini okuya. Kwalo, ulazwa ku kasensa keni ka Buumi, tokwe Buumi. We elede kukwapula cikwa kuzwa ku cintu, a kucisyanga awa mu bulongo, ciyo lala a kubola. Elyo mbubonya mbo mubede, kusola kulya mana akabola kuzwa ku mazuba akaindi.

I butebuzi bwa bizwa! Jesu ujisi tafule liyalidwe, oko basalali ba Leza nko basaninwa Cakulya cakabizwa ica buzuba, kwiinda ku Mumuni wa Makanimabotu oyo usimpikizya a kuzibya kuti Mpali awa sunu. Amen. I basalali balya Cinkwa.

<sup>178</sup> Amuyeeye buyo. I cikwa cakaindi ica jilo, mwabona, muta cisyangululi awo. Cili bolede. Ta cikonzyi, ta cikonzyi kukkala a ncico. Peepe, munene. Ta cika gwasyi pe. Ta cika komeni. Ca zwa ku Buumi; alimwi Ijwi Mbuumi. Mbo mbubo. I cikwa cila

loka, boy a buniini bwakaindi bula loka, a zintu mbuli ezyo. Cili panga kabungwe cini nkabela cilaloka. Cila kaka kuzumanana antoomwe a Buumi.

Pele Mumuni ula Li simpikizya. Oh, ma! Iiyi, munene.

<sup>179</sup> Ya jilo, oh, ma, obo mbo tweede kubona eco! Mwabona, kuti, zintu zibolede zya jilo, muta zilyi sunu pe. Mwabona? Zijisi mvunyu muli nzizyo. Nywebo mulizi bamvunyungwa aba baniini Mbe baita? Ta ndizi. Ta-Ta ndizi kunji kwa buumi bwa tuzunda, pele Ndi lizi lyoonse tu twiita kuti bamvunyungwa. Bala njila muli coonse cindi catalika kubola aniini. Mwabona? Ta ndi ciyandi mpawo. Ikuti na mulakkutila a ncico, amu zumanane, pele kutali ndime. Pele amuyeeye . . .

Nywebo mwati, "Mpawo nkaambonzi cakali cibotu jilo?"

<sup>180</sup> Ikuti nomwali kuzi buyo kuti nciconya cipapa ciniini ca kali atala a whiiti ku matalikilo, ikuti na cakkalilila mu museke, cila sumpya museke. Eco nce cintu cipanga duba lya whiiti, ncecakali ca jilo; pele ikuti na cali pambula kuzwa ku museke, nkabela tau simi pe, mpawo ula somoka. Mwabona? Pele ikuti na cainda mu bubambe, bubambe bupa buumi, mbuli mbo cifwa cisangana buyo mu cintucimwi cimbi a kupanga museke. Ikuti na ta ciciti, nko kuli nkocizwa? Ameni. Mwa cimvwa na? [Mbunga yaamba, "Ameni."—Mul.]

<sup>181</sup> Mbuli Namalelo waku England, ciindi cimwi, waa kaunka ku kkampani mpati ipanga mapepa, elyo waa kati waa kali kuyanda kubona moonse mu mafakitoriaa mapepa. Aboobo ba kamutondezya mafakitoriaa mapepa, myaka minji yakainda kabatana kunjila mukupanga kuba kukandwa a zintu, aboobo ba kajana . . . kupanga mapepa kuzwa kuli nkuko. Aboobo balo, ee, nikwakainda kaindi, waa kanjila mu kaanda kujana kuti tee cakali cintu pele cilwi cakaindi cipati ca tuzapuzapu twatombe, elyo waa kati, "Nkokuli eci nko cakazwida? Ncinzi eci? Oh," waa kaamba.

I—i—i mweendelezi wa fakitoriai wa kati, "Eci nce—nce tuyo bambya mapepa, tuzapuzapu otu twatombe."

Waa kati, "Oto, tupanza mapepa?"

"Iiyi." Aboobo ta kakonzya kucisyoma pe.

<sup>182</sup> Aboobo naakamana kuunka, mulombwana wakabweza cilwi nciconya ca tuzapuzapu twatombe, a ku twiinzya mu bubambe bumwi, a kutugusya kalili pepa lisalala, linjoloma, nywebo mulizi, cakainda mu bubambe a kupanga cini . . . Elyo kubikka buboneki bwabusyu bwakwe muli ndilyo, a kubutuma kuli nguwe, katondezegwa mwini muli eco ncakaita kuti "tuzapuzapu twatombe."

<sup>183</sup> Lino obo mbo cibede. I zintu zifwide zya jilo, mulumbe wa Luther, mulumbe wa Wesley, mulumbe wa Pentekoste, ikuti wakonzya kwiinda mu bubambe bwa Muuya Uusala wa Leza

a Ijwi lya kasimpikizigwa, ciyo leta kutondezegwa kwa Jesu Kristo, Mwaami. Ameni. Pele ikuti na mwa cisiya kacibi kkidwe, ntuzapuzapu twatombe. Mwabona?

<sup>184</sup> Ce elede kubumbwa kuba cintucimwi cimbi. Luther weelede kubumbwa kuba Wesley, a Wesley weelede kubumbwa kuba Pentekoste, a Pentekoste yeelede kubumbwa kuba Kristo. Ci lainda mu bubambe. Mbubonya Makanimabotu aindaa mu bubambe. Bwalo mbubambe. Bukkalo bwa Luther, bwa kululamikwa, tula syoma eco; bwa Wesley, ibwa kusalazigwa, tula syoma eco; bwa Pentekoste, ibwa kuboozezya kwa zipego, zya Muuya Uusalala, tula syoma eco, masimpe. Pele, kucibumba coonse antoomwe, ino muba nzi? Jesu, ncibotu, mbobuca nguwenya, sunu, amuya myaaka. Oh! Ciyo oba Jesu.

<sup>185</sup> Cindi muntu mu fakitori napanga mulangu, uli jisi bulile bumwi mbwa elede kubikka muli nguwo. Cindi na bamba kubumba kwakwe a kutila butale bwakwe, ula bikka mukuba munji boobu, lubulo lunji boobu, kkopa munji boobu. Nkaambonzi? Walo ulizi kabotu kwini kunji nkwaede kubikka mukati, kupanga, kuupa bulile bululeme.

Elyo mbo mbubo Jesu mbwacita kwiinda kuli Nabwiinga Wakwe. Wa kabikka Luther kunji boobu, Methodisti kunji boobu, a Presbyteria kunji boobu, Pentekoste kunji boobu, muli nguwo. Pele ino Walo waba cili buti? Kutondezegwa Kwakwe Mwini.

Ino ncinzi? Mbubonya mbuli Mulumbe wa piramidi, nywebo mwabona, cila lundika mpoonya atala, eci, kuboola kuba basyoonto, a Bbwe lyabwendelezi. I mulimo wa Jesu Kristo, aa nyika, weelede kuba mbubonya mbuli mulimo Ngwa kajisi, nape Ta konzyi kuboola kuli njiyo. Mbubonya mbuli mutwe, kusikaku matende. I mutwe... Matende taali mutwe, pele mutwe ngu enzya matende, na kubamba matende, kwaambila kwa kuya. Mwa cimvwa na? [Mbunga yaamba, “Ameni.”—Mul.] Cabubotu, walo Mumuni wa oora.

<sup>186</sup> Wesley wakali Mumuni mupati. Mbuli Mbwa kaamba kuli Johane Mubapatizi, “Wa kali Mumuni mupati wa oora eli.” Masimpe, mbwa kabede.

<sup>187</sup> Peepe. Iiyi, munene, amusalazye tuzapuzapu... Na, tuzapuzapu twatombe itwa jilo, ikuti na waba munzila eyo, ceelede... ciyo ba buyo tuzapuzapu twatombe ziindi zyoonse. Ca kabeleka bukanze bwaco, mbuli cisila, pele eno caba pepa.

Kululamikwa kwakabeleka ciindi cawo, mu kululamikwa kubweendelezi bwa Luther, mpawo cakaba kusalazigwa kwiinda muli Wesley. Elyo kusalazigwa kwakabeleka ciindi cawo, mane lwaba lubbizyo lwa Muuya Uusalala. Elyo lubbizyo lwa Muuya Uusalala lwakabeleka calo; kusikila Muuya Uusalala (kwalo, kuli Leza omwe luzutu) kusangana mu Mbungano, alimwi Mbungano muli Kristo, nkabelia cibamba Jesu Kristo

kutondezegwa aa nyika, eco Nca kasyomezya awa mu Bbaibbele. Inga temwa cisyoma; ta Ndi konzyi kumubamba kucita eco. Ndi jisi buyo mulimo ku Ijwi. Mwabona? Mbo mbubo.

<sup>188</sup> Aboobo mwacibona na? Sena mwabona eco? Ikuti namwacita, ciyooba mbuli i—i muntu ciindi cimwi wakaunka ku... kuciindi, kainka ku Wales, kuciindi ca lubukulusyo lwaku Welch. Ii nkamu ya bantu yakaunka kuzwa ku United States. Aboobo bakaunka kumusanza, elyo ba kati bakali kuyanda kuziba buyake omo moba kajisi lubukulusyo olu lwaku Welch. Bunji bwanu mula yeeya lubukulusyo lwaku Welch, lubukulusyo lupati lwakapasuka akati ka i—i bantu baku Welch mu Wales. Aboobo baalumi aba, bakutausi aba balemu ncobeni, a bamwi bambi, ba kainka kuzwa ku United States, balo bamayi balwiyo lwabukombi. Ba kali kuyanda kuyo lingula a kubona eco cintu cipati nco bakacita, nywebo mulizi.

Aboobo bakali kuselemuka kagwagwa, alimwi ba kati... kaswaana musilikali muniini mudaala kaimvwi ku kkona, kazyungulusya cikoli cakwe, nywebo mulizi, a kusibasiba ii—ii ciimbo cakulumbaizya, mbuli booboo. Ba kati, “Ee, walo usibasiba buyo ciimbo cakulumbaizya. Inga twa unka kutala, a ku mubona, tubone eco ncayo cita. Baa, kumubuzya mubuzyo.”

Aboobo ba kaunka kutala, a kuteeti, “Munene, luli kuli lubukulusyo lwaku Welch?”

<sup>189</sup> Wa kasendeka kabotu ngowani yakwe; wa kati, “Nobanene, lubukulusyo lwaku Welch lucitikila mukati *awa*,” mu moyo wakwe. Oh, nce ncico, lwa kali lubukulusyo lwaku Welch.

O Leza, ikuti twa konzya buyo—buyo kumvwisyu kuti tuli kutondezegwa kwa Jesu Kristo, Ijwi Lyakwe lyayubululwa. Muli kutondezegwa kwa Ijwi Lyakwe. Mwabona?

“Nkokuli lubukulusyo lwaku Welch nkolu citikila? Ino mbuyake nzi molubede?”

Wa kati, “Munene, luli mu moyo wangu.” Wa kali lubukulusyo lwaku Welch. Mbo mbubo.

<sup>190</sup> Elyo sunu Mbungano yeelede kuba Jesu Kristo mu micito atala a nyika. “Nkaambo Nda pona, mula pona anywebo; alimwi Buumi Bwangu buyooba muli ndinywe. I milimo Nje cita, moyo cita anywebo.” Mwabona? I Mbungano yeelede kusika ku busena obo, ayalo. Elyo Wa kasyomezya kuti ciyo cicita, nkabela ciyo cita. Ce elede kuboola munzila eyo. Aboobo, nywebo mwabona, eco nce cicitika. Twe, twe elede kuba nzila eyo.

Walo Mumuni.

<sup>191</sup> Mbubonya Nowa wakali Mumuni mu buzuba bwakwe. Wa kali Mumuni. Nowa wakali Mumuni oyo. Wa kali Mumuni kunzi? Kubamba Ijwi lya Leza, “Ndiyo nyonyoona muntu aa nyika, oyo Ngwe kalenga. Koyaka bwaato, a boonse bayanda kunjila muli mbubo bayo futuka.”

Nowa wakeenda okuya, kati, “Kuli nzila yomwe, nkabela eyo nja bwaato.”

<sup>192</sup> Ba kati, “I sikwiindilizya mudaala unyongene.” Wa kali Ijwi lyaka yubululwa. Nowa wakali Mumuni wa oora, masimpe mbwakabede. Buzuba bwakwe, bukkalo bwakwe, wa kapasula Mumuni.

<sup>193</sup> Musa wakali Mumuni wa oora lyakwe. “Njo muswaya ncobeni,” Leza wakaambila Abrahamu. “Njo seluka, alimwi Njo gusya bantu Bangu, a janza lyanguzu, alimwi Njo tondezya nguzu Zyangu mu Egepita.”

Elyo cindi Musa naka boola kuswaana citeo eco ciyaka mulilo kutala okuya, elyo wakajana kuti ULIKO wakali mu citeo eco, Musa wakaselemukila okuya, nkabela wa kali Mumuni. Ameni. Ta cigambyi wa kali kukonzya kubweza suko, a kulifulida mujulu a kwaamba, “A kube ntabwa aa nyika.” Wa kajisi Ijwi lya Leza. Ncinzi cakacitika? I suko lyakatalika kumwaika, elyo ntabwa zyakatalika kuba. Aleluya! Nkaambonzi? Wa kali luyubunuko lwa Mumuni wa Ijwi lya Leza, “Njo njizya Egepita mu zipenzyo.” Wa kali musinsimi. Eco nca kaamba cakacitika. Wa kali Mumuni wa buzuba obo. Wa kali Mumuni wa Leza.

<sup>194</sup> Farao inga nakali jisi zintuzyonse nzya kali kuyanda kuba azyo, a bamwi babo, bapaizi boonse bakali jisi nzo bakali kuyanda, pele Musa wakali Mumuni. Nkaambonzi? Wa kali kutondezya Ijwi lya Leza, kuyubululwa. Leza waka syomezya, “Njo bagusya, kubweendelezi bwa janza lyanguzu, alimwi Njo lijanina bulemu Lwangu.” Nce ncico Nca kali kucita.

Akonke kaambo Musa nca kakonzya kulenga. Kutali kaambo kakuti wa kali kuyanda kulenga; nkaambo Leza wakamwaambila kucita. “Elyo a ceeco, ‘Koya ku mbunga, kaambe, ‘Juunza...’” I Mwami Leza wazwa kukanana kuli ndime, ‘Kobweza suko mu janza a kuli waala mu mulengalenga, mbuli boobu, mpawo ku ciitila.’ Taakwe ciliko awa, pele ciyooba ko.” Amen!

Oh, Nda syoma tamu fukuli. Oh! [Mukwesu Branham wakamba maanza akwe antoomwe ciindi comwe—Mul.] Luyubunuko!

<sup>195</sup> Wa kati, “Nda tumwa. Leza wakati ku matata, ncobeni Uyo tuswaya kumusanza okuno a ku tugusya. Nda boola kutondezya kuli ndinywe kuti oora lili afwaafwi. Amu gwisyenzo mujisi. A twe ende!” Iiyi.

<sup>196</sup> Umwi wabo wa kati, “Ee, Nda syoma...” Datani wa kati, “Nse yeeyi kuti kuli kubinda pe. Ta twe elede kobotelwa koonse kujatikizya ceeci.” Elyo kwakaboneka mbuli kuti kwaka kakilwa, ziindi zyone na zyosanwe. Pele, mbubonya buyo, caka zumanana kweenda.

<sup>197</sup> Ba kayeeya. Ba kazwa a kwaamba, “Tuyo muuma mabwe Musa oyu! Ku mugusya kuli ndiswe! Ta tumuyandi mu nkamu—yesu awa.”

Musa wakazumanana buyo kweenda, nekuba, nkaambo wa kali Buumi, wa kali Mumuni wa oora. Eco nca kajisi, cakali cinzi? Leza kayubulula Ijwi Lyakwe lyaka syomezegwa kwiinda muli Musa, nkabela Musa wakali Mumuni.

<sup>198</sup> Eliya wakali Mumuni. “Okuya kubusena okuya a ku kkala aa kalundu ako! Nda lailila bacikwaangala kuti bakusanine.” Amen! Iyi, munene.

<sup>199</sup> Wa kapiluka kajisi MBUBOOBU MBWAAMBA I MWAMI. “Kutali awalo mume uyoowa kuzwa ku Julu mane Nka wiitile.” Amen! “Zuba inga lyamweka, inga mwaitila makumbi oonse, a kucita kufumbwa cintu nco muyanda, pele kutali awalo mume uyo boola mane Nka wiitile.” Wakali nzi? I Mumuni! Aleluya! Wa kali Mumuni. I Mumuni! Wa kali Ijwi lya Leza lyaka yubululwa.

<sup>200</sup> Ba kayeeya kuti wakali nyongene, kakkede atala awo. Wa kajisi banyamuna zibbudu bakali kumusarina; nkabela balo kabafwa nzala calufu. Ba kali kuyanda kupona mu tuyanza twabo; kuzumanana. Kutali Musa, nakutali Eliya, wa kali kupona moonya mu Mumuni. Kakkede kutala kuya kumbali lya kalonga, ka Keriti, elyo kajisi buyo ciindi cibotu; kalya zilyo, a muntuumwi kamu mamela, a zintuzyonse. Ba kayeeya kuti wakali nyongene, pele wa kali—wa kali Mumuni.

<sup>201</sup> Ba kati, “Heyi, ncinci cacinika ku mubumbulusi uusalala oyo mudaala ngo twaka jisi okuno? Ee, mulizi cintu na? Muntuumwi wakali kuvwima buzuba bumwi, a kuti baka mubona kakkede kutala okuya munsi a nzila, alaale atala lya cilundu eco okuya. Nda bbeja kuti mushimani oyo mudaala utandila kuyuminina, ku ciindi eci.” Oh, peepe. Wa kali Mumuni. Wa kali Mumuni. Wa kali Mumuni wa Leza, mu buzuba bwakwe.

<sup>202</sup> Johane, cindi na kaboola ku nyika, akwiinka mu nkanda kuyo jana lwiiyo lwakwe kuzwa kuli Leza, kutali seminari pe. Wa kazibya Mesiya. Aboobo cindi naka yutuka, Jesu wa kati, “Wa kali Mumuni umweka kusalazya.” Aleluya! Nkaambonzi? Wa kali Ijwi lyaka yubululwa.

Isaya wa kaamba boobo. Nce ncico. Mbombubo. “Wa katuma jwi mu nkanda, kalyompolola, kwaamba kuti, ‘Amubambe nzila ya Mwami, a kululamika mulyango Wakwe, kululamika nzila.’ Uyo ompolola, umwi . . . jwi lya umwi woompolola mu nkanda.” Ngooyu wayutuka. Wakali nzi? “I jwi lya umwi woompolola mu nkanda.”

Wakali nzi? Luyubunuko lwa Ijwi, Mumuni. Nguonya Leza oyo wakaamba ku Matalikilo; oyo wakaamba eci, elyo mpaawa kwaboola Mumuni. Mboli Mbwa kati, “A kube mumuni, wa zuba,” zuba lyakaba ko; kwaamba kuti Wa kati kuyooba “jwi

lya umwi woompolola mu nkanda,” ndeeli lya yutuka. Wa kali Mumuni wa oora.

<sup>203</sup> Wa kaamba akwalo, ku mazuba akumamanino! Ameni! Walo Mumuni wa oora, koompolola mu nkanda iya Babuloni, “Amuzwe muli nguwe, no bantu Bangu, kutegwa mutabi basicaabilo ca zibi zyakwe. Muta gumi zintu zyakwe zitasalali! Amuzwe kuli ncico! Amu cije bukali obo bweelede kusika!

<sup>204</sup> Johane wakaamba cintu nciconya. “I bbeula lili bikkidwe ku tuyanda wa musamu.” Ta kajisi lwiiyo, takali kwaambaula akwalo mbuli mukambausi. Wa kambaula zya bazoka, a tusamu, a masamu, a mabbeula, a zintu, kuli ezyo nzya kazibilide, mu nkanda. Ta akakomezegwa muli zimwi zintu ezi zibotu, zipati ncobeni, nzo bajisi sunu, mbuli nzo baka jisi mu buzuba obo. Wa kaboola a mwaambo wakwe mwini. Ta kaima a kuti, “Ah muntu,” a kukotama koonse oku kubotezya. Wa kayutuka ncobeni, kuzwa mu nkanda, mbwabede a mukali. Kati, “Muta taliki kuyeyya kuti, ‘Ndi zulilwa kuli *eyi* alimwi Ndi zulilwa kuli *eyo*.’ Leza ula konzya kubusya mabwe aya kuba bana kuli Abrahamu.”

<sup>205</sup> Muta yeeyi kuti nkambo muli ba Methodisti, Baptisti, Presbyteria, kuti mula kujata kumwi aali Leza. Leza ula konzya kubweza basambala makoko kunze acuulu a bavuule kuzwa mu tugwagwa, kubamba bana ba Leza kuzwa kuli mbabo. Muntuumwi uyo Umvwa, alimwi muntuumwi uyo Usyoma.

<sup>206</sup> Wa kati, akwalo, “I bbeula lili bikkidwe ku tuyanda wa musamu. Elyo musamu aumwi uta syomi, wazyulwa a kusowelwa mu mulilo.” Aboobo oyo wakali mulumbe wakwe. Wa kali Mumuni wa buzuba.

<sup>207</sup> Jesu wa kati, “Wa kali Mumuni umweka kusalazya, alimwi nywebo kwa ciindi cinini mwaka yandisya kweenda muli nguwo.”

<sup>208</sup> Elyo ncinzi Johane nca kaamba, musinsimi? “Uli imvwi akati kanu ndyoonya lino. Ta ndeeleli kusamununa mabbusu Akwe. Elyo kufumbwa Asika a cilao, Ndi yoozwa.” Oh, ma! Nkambo, Wa kali Mumuni.

Taakwe Mimuni yobile na yotatwe, taakwe tubunga twandeene tone na tosanwe. Kuli Mumuni omwe. Taakwe muna Methodisti, Baptisti, Lutharani, Presbyteria. Kristo ngo Mumuni, alimwi Mumuni Mbuumi. Elyo Ijwi lyayubulula Mumuni wa oora.

<sup>209</sup> “A kube mumuni, nkabela kwakaba mumuni.” Iiyi, munene. “A kube Mumuni,” nkabela ngooyu Mumuni! Wa kaamba kuti kuyooba Mumuni mu buzuba buno, nkabela ngooyo Mumuni. Ula boola. Nda cisymoma. Amulange ku zisyomezyo zya bukkalo obu. Oh, ma!

<sup>210</sup> Aumwi Mumuni wakasola kumweka, makkalo aya aa mbungano, tula bona nzila ba...Kwa—kwa kali kubonekela kufwisya nsoni kulanga, kukaka. Ciybunuzyo 3, Nda lemba apepa awa, Ciybunuzyo 3, alimwi Ndi lizi eco—eco Nce eli kutondeka ciindi cainda.

<sup>211</sup> Amulange ku cisyomezyo ca oora eli, ndyo tupona mo; Mumuni waakakwa. Ba kacita nzi? Ba Ka ukaka kaindi. Nkaambonzi? Ba kali kuponena mu kubekema. Ba citanzi sunu? Cintu nciconya.

<sup>212</sup> Ee, sa—sa uli Munakristo? “Ndi muna Lutherani. Ndi muna Baptisti. Ndi muna Presbyteria.”

Eco ta caambi cintu comwe. Inga akwalo waamba kuti wali “wulube, ngulube,” na kufumbwa cintu cimbi nco yanda kuliita. Mwabona? Eco, eco citandila kunji nzila mbo caamba. Lino ku—ku tali kukuubausya, pele ikuti na wacibweza ku cibeela cambaakani yaco, cili kabotu.

Nda buzya mubuzyo, “Ii Munakristo?” Oyo ngu Kristo muli nduwe. Elyo ikuti na Kristo uli muli nduwe, nkokuti Ijwi lili muli nduwe. Elyo mpawo ikuti na Ijwi lili muli nduwe, cindi Mumuni wamweka, mbobutu mboya kweenda kuzwa kuli Nguwo? Mwabona, oyo ngo mubuzyo. Obo mbo ubede mukati lino, Mumuni. I Mumuni waku mangolezya ulamweka. I Cisamu ca Nabwinga casonsa.

<sup>213</sup> Oh, amuyeyeye, ba kakokweda Cisamu cakaindi. “Elyo eco nsabaandwa nco zyakasiya, di—diingo wakalya; alimwi eco diingo nca kasiya, camusokonya wakalya.” Eco Methodisti nco yakasiya, Baptisti yakalya; eco Baptisti nco yakasiya, Pentekoste yakalya. Wa kati, “Eco Cisamu mbo cakabede,” Joeli okuya, “cakagonkwa mane do kuba cifumpu,” pele ca kali kuyanda kuziba ikuti na cakali nobuka alubo. Oh, inzya! Wa kayobola Cisamu eco. Wa kayobola Cisamu eco, iifyi, munene, nkambo wakali Nabwinga Wakwe.

Elyo Wa kati, “‘Njo boozeyza,’ mbwaamba Mwami.” Ino ncinzi? “Njo cileta, koonse oko ba Lutherani nkoba kalya, ba Wesleyani nkoba kalya, a boonse babo. Elyo Njo ciboozezya, nkaambo coonse cicili mu muyanda wa Cisamu.” Mwabona?

Cili lede kulaale mu bulongo. Mbubonya mbuli musinza mbowa kaunka ansi, mbuli Mbwe amba kujatikizya mucizi, uli lede awo. Elyo mweembo wa Leza uyo lila, buzubabumwi, elyo balo ba Lutherani, Methodisti, Baptisti, bakasalwa kwiina nco baka jisi cakucita a kabunga kali koonse...

<sup>214</sup> Luther taakwe cintu nca kapanga kuba kabunga. Moody taakwe cintu nca kapanga kuba kabunga. Yakali nkamu eyo yaba Ricky, na kazwa, njiya kacita kabunga, kabweza cikwa. John Smith taakwe cintu nca kapanga kuba kabunga. Kunyina bamwi babo bakapanga kabunga; wakali Mumuni wa oora.

Luther, Wesley, kunyina bamwi babo pe; yakali nkamu eyi nikwakainda ciindi, yakaboola ambali, kapanga kabunga.

<sup>215</sup> I Muuya Uusalala taakwe cintu ncowa kapanga kuba kabunga mu Pentekoste. Pentekoste lwalo nduzibo, kutali kabungwe. Taakwe niwa kapanga cintu kuba kabunga. Oh, peepe. Pele muntu uli taminina kuba wa pentekoste, wakapanga kabunga. Eco ncikwa kulaale, cili mukufwa. Mucibaka cakucibamba kuba pepa, a kupanga cinkozya cizwide ica Jesu Kristo kulibonya; peepe, bakali somona beni, aboobo tabakwe cintu cakucita muli Nguwo. Amubaleke buyo balikke.

<sup>216</sup> Pele tu jana kuti lino, Mumuni oyu, Cisamu eci, Kristo, wakakwa alubo ku mbungano. Nkambonzi? Nkambo kalo nkakonya nko ba kacita kumatalikilo, kubekema kwalweeno kwakaindi kwa mimuni ya mazuba ambi. Elyo “Ngu mbobuca nguwenya, sunu, amuya myaaka.” Bahebrayo 13:8 yaamba kuti Mbwa bede. Ngu mbobuca sunu mbuli Mbwa kabede kaindi, nkaambo Ula cita cintu nciconya Nca kacitide. I Ijwi ndilyonya, Kristo oyo.

<sup>217</sup> Amuswiilile, Ndi yanda kumutola biyo lino, alimwi eci cibe ku mugame. Ta ndizi, Ndili anini...-panga muzeeso naa kuzima eyo lino na pe, mwabona, ku teepu eyo. Ndiyo cileka kukkala awo. Mwabona? [Mbungano yatangala—Mul.]

<sup>218</sup> Ndi yanda kumubuzya cintucimwi. Amulange, amulangilile eci. Mwabona, “Ngu mbobuca nguwenya, amuya myaaka.” Amulangilile. Milimo Yakwe, Nja kacita, ila liyubulula ini. Lino amuswiilile kabotu. Cindi Na kaima okuya, muli Johane 14:12, Wa kati, “I milimo Nje cita muyo icita anywebo. Mipati maningi kwiinda eyi muyo cita, nkambo Nda inka kuli Ba Taata.” Lino, Wa kacaamba. “Majulu a nyika ziyo loba, pele Ijwi eelyo tali kakakilwi.” Lino ikuti na tuli kumpela lya mamanino aa bukkalo, oko yalo “milimo mipati maningi” nko iyozwa? Mwabona? Tuli waano. Ta tu jisi... .

<sup>219</sup> Amuswiilile, ikuti na kkalenda yaba Roma ili luleme, tu jisi -cisambomwe... tu jisi myaka isyeede ili makumi otatwe a cisambomwe. Lyoonse kwainda myaka ili zyuulu zyobilo, inyika ila citikilwa mamanino ayo. Myaka mitaanzi ili zyuulu zyobile, kanyonyoonwa ku meenda; myaka ili zyuulu zyobilo cabili, Kristo wakasika. Oyu ngu 1964 kauboola; myaka ili makumi otatwe a cisambomwe. Lino, kkalenda yalwiyo lwazya mu mulengalenga yabana Egepita tuli myaka ili kkumi aciloba kuzwa, “ngu myaka ili kkumi aciloba kuba ambele kuzwa awo,” eyo inga yasiya myaka ili kkumi afuka isyeede.

Jesu wa kati, “I mulimo uyo cesegwa, nkambo ka Basale, nape takukabi muntu uyo futulwa.” Ino tulaali?

<sup>220</sup> “I milimo Nje cita muyo icita anywebo. Musyobo omwe, pele mipati maningi, muyo cita.” Lino amulangilile. Amuswiilile kabotu. Amube a yanu... Nda komba kuli Leza uyo jula moyo

wanu a muzeezo wanu, ku kumvwisy, kutegwa mumvwisy e kakutakwe kwaamba kuti ncinki maningi awa. Amubone. Wa kati buzuba bumwi...

Atu bone imwi ya milimo “mipati” Nja kacita. Atwiime buyo ku zintu zisyoonto. Atu yeeye.

Ciindi cimwi, Wa kati, “Amu basanizye cintucimwi cakulya.”

Ba kati, “Taakwe nco tujisi.”

Kati, “Ino mu jisi nzi? Amu Ndi letele eco nco mujisi.”

Elyo ba kati, “Tu jisi zinkwa zyosanwe zyabbale a nswi zyobilo.”

Wa kati, “Amu zilete kuli Ndime.”

<sup>221</sup> Elyo Wa kabweza zinkwa zini zyosanwe zyabbale a kutilika kukomona zinkwa. Elyo, kuzwa kuli ciliko, Wa kapanga cinkwa. Caka saninwa kuli bali zyuulu zyosanwe. Sa mbo mbubo? [Mbunga yaamba, “Ameni.”—Mul.] Mpawo Wa kati, nkabela Wa kabweza nswi, “Amu Ndi tambike nswi.” Zyakali nswi, kuzwa kumatilikilo. Elyo Wa kabweza, nswi eyo, nswi imbi a nswi imbi, a kusanina bali zyuulu zyosanwe. Sa mbo mbubo? [“Ameni.”]

Pele mu mazuba akumamanino Ta kajisi cintu. Wa kaamba buyo, a kuti, “Koamba ciyooba,” nkabela cakaba, kakutakwe cintu cili coonse muli ncico. Ta kajisi sikaale; taakwe wakaliko awo. Wa kaamba buyo, “A kube awo,” nkabela kwakaba. Mwabona? Oh, Ijwi Lyakwe talikakilwi, nkabela Lye elede kuzulizigwa.

<sup>222</sup> Nda konzya ku mwaambila zintu zinga zya muzungaanya. Mwabona? Nko cili cindi Na amba kuti nko cili. Amu Mu leke acaambe. Mwabona, mbubonya buyo.

<sup>223</sup> Mwabona, Kujwe, Kumbo nkooku kwa pilukila a kuswaana Kujwe. Wa kali Musa, akwalo kabweza musenga, a kwaamba, “A kube ntabwa,” a zimwi zimbi mbuli ezyo, “aa nyika.” Pele mu buzuba buno Ta bwezi cintu cili coonse; mwabona, Ijwi buyo. “A cibe,” nkabela caba. Eco caambwa, nje nzila mbo ciyooba.

Ndi yanda kupa bumboni bwa zintu ezyo sunumasiku, mwabona, mwabona, bwa zeezyo zyakacitika, kutegwa mukonzye ku Mu bona kuti ucili Leza. Majwi Akwe takonzyi...

“Eyi milimo Nje cita muyo icita anywebo, alimwi mipati maningi kwiinda eyi muyo cita. Nda kabweza nswi kupanzya nswi; akwalo ta mweelede kuba a nswi.” Mwabona? Ucili Leza, walo ucili Mwana nguonya. I Mwana nguonya wa Leza wakabweza nswi kuzwaku nswi, ngu Mwana nguonya wa Leza sunu. “Eyi milimo Nje cita muyo icita anywebo. Akwalo mipati maningi kwiinda eyi muyo cita.” Iyo vuzigwa, “Mipati maningi kwiinda eyi muyo cita.” Elyo bantu bakaka ku cibona. Huh! “Milimo mipati!”

<sup>224</sup> Mumuni walweeno. Nywebo mulizi, Ndali kuyeeya buyo cintucimwi. Ndali kwaamba kunji kujatikizya England, pele Ndali kuyeeya kujatikizya mumuni walweeno. Kuno kutali ciindi cilamfu cainda, nyoonse mula yeeya bubbi obo bwiinda obo—obo England mboya kasola kubaako, oko kwa kacitwa. Bwakali bufumpi bwa madollar amamilioni ali ciloba. Ta ndiyeyi kuti kwakasola kuba cintu cili coonse mu inyika cakweezyanisa a ncico. Ii bufumpi bupati, calino, ya madollar amamilioni ali ciloba, ayalo Scotland Yards takonzya kukumvvisya.

Sena mulizi mbo bakacita? Ku mumuni walweeno. Ba kabikka mumuni aa mukondo wa njanji, akucenjezegwa, kuyaansi mane wakasika mu mumuni uusubila, a kubaimika. Elyo mpaawo bubbi bwakacitika, mpoonya aa busena bweelede. Mumuni walweeno wakapa bubbi bupati bwiinda obo masi ngo wakasola kuziba. Wa kabbida masi. Oku kumusya kwacaali, bubbi bwiinda, bwakacitwa kwiinda ku mumuni walweeno.

<sup>225</sup> Elyo bubbi bwiinda mbungano ya Leza mboya kasola kuba abo mumuni walweeno, kubekema, tubungwe twabo. Kwaka babbida nguzu zya Muuya Uusalala. Kwa kanyanga mbungano nguonya munkali wa Buumi. Wa kabbida Ijwi, cindi niba kazumina kansiyansiya mucibaka ca Ijwi. Wa kababbida.

Oh, ba taminina kuba a Ijwi. I Ijwi lila likutaukila Lini ku bukkalo; Lila yubununa Lini. Ba taminina kuti baka jisi Ijwi, abalo, kaindi okuya mu mazuba a Jesu. Pele Lya kat, “Ba kabona Mumuni mupati,” nkabela baka Ukaka. Ba ka Ubona, pele baka Ukaka.

<sup>226</sup> Oh, mumuni walweeno, iyi, kwakaletela mbungano bubbi bwiinda mbo yakasola kuba abo. Tunsiyansiya twakale twatubungwe, mukwesu, tatu kapi kubizwa kwa Ijwi lyaka simpikizigwa, museke. I Bbaibbele lya kat, Jesu wa kat, “I Ijwi lya Leza ni—ni Mbuto eyo sikumiza nja kamiza.” Mwabona? Elyo tunsiyansiya tutontola tatu kabambi Ijwi eelyo kubizwa. Peepe, peepe!

Mazuba aaguwo lyanguzu litontola taka bambi whiiti kubizwa. Peepe, nconzyo! Citola kukasaala kwa mumuniwazuba, nkambo lyakali Ijwi lyakaambwa ilya Leza kucita cintu cili boobo aco.

Elyo ciyo tola Ijwi lyakaambwa ilya Leza, sunu, kutondezya basalali ba Leza kuti Jesu Kristo ulapona. Mbubonya buyo Mbwa kabede jilo, Mbwa bede sunu. Tunsiyansiya a tubungwe tazi kacicit pe. Zila tontola nzya tuncimwa, nkabela museke uyo bola moonya mu bulongo. Ta ukonzyi kuyutukila kunsi lya ceeco.

<sup>227</sup> Nke kaambo, sunu, tu jisi eco cakucita. Mbuli Mukwesu wesu uyandwa Billy Graham, silubukulusyo mupati. Ndi yeeya kuti Leza uli mukubeleysa mwaalumi. Pele amulange nca cita;

ula inka akati kaba Baptisti a Presbyteria. Ucita nzi? Kujana cikungo ca basikusangana mu mbungano.

<sup>228</sup> Amubone oko ba Baptisti baku Musanza nko bali kankaizya nkaambo ba jisi tubungwe tunji, na, kabungwe kabo kakakomena kwiinda kali koonse kaba Protestant? Iba Katolika baka batola boonse, kutandila, mwaka wainda. Mwa kacibona mu mutende na? Ca kacita ncobeni. Muta pengi, iyo batola boonse, nkaambo ilabweza ba Baptisti a boonse, ncobeni antoomwe. Elyo bali bomwe, nkabela taba cizyi pe.

I nkamu ya mbungano, Nkamu ya Mambungano, ibabikka buyo kuba cintu comwe oonse. Kabungwe kubikka... Nkaambonzi, nkaambonzi nconga wayanda kulala *okuno* naanka *okuno*? Kufumbwa kuti kokaka *Eci*, cibamba lwandaano nzi? Sa tobelesyi impa njionya yakabungwe, mbubonya buyo mboli mu busena bomwe? Umwi, cinyama; a umwi umbi, caando. Aboobo, nceeco we, aboobo tacibambi lwandaano luli loonse.

<sup>229</sup> Nkonuko nkwa kabede. Wa kainzya caando cakwe cakuzumizigwa, elyo awo wa cibweza. Elyo awa waa kasololela boonse, kugama nkoonya ku White House, a ku Washington, DC, a—a Nkamu ya Mambungano, elyo mpaawa waunka. I bapaizi baka bajosya ncobeni, mbubonya obo Bbaibbele mbo lya kaamba kuti bayo cita. [Mukwesu Branham wakonkomona ziindi zili cisambomwe aa cikambaukilo—Mul.]

Ma, nkoloko eyo niya teenda kufwambaana loko! [Mbunga yaamba, “Koliiba ku ciindi cako.”—Mul.]

<sup>230</sup> Lino, amuyeeye buyo lino awo mpo tubede. Amulange ku zisyomezyo zya buzuba, zyakakwa alubo. Obo mambungano mbwacita mu buzuba buno bwamamanino, kubekema kwatubungwe!

<sup>231</sup> Kuponena mu kubekema kwalweeno nkekaambo nco Li takabizwi. Ako nkekaambo kakuti, Ijwi eli, tamu boni maleele.

<sup>232</sup> Ii mupaizi wakandi buyabuzya, kutali ciindi cilamfu cainda, elyo wa kati, “Ba Branham,” wa kati, “mubbizya buti?” Ii—ii musimbi umwi oyo wakazwa mu mbungano eyi; alimwi wakali wide nkabela wakakwatwa ku musankwa muna Katolika, alimwi wakasangana mbungano ya Katolika. Elyo wakali sikumutola mu mbungano.

<sup>233</sup> Nda kati, “Nda kamu bbizya mu lubbizyo lwa Bunakristo.”

Wa kati, “I bishopo uyanda kuziba.”

Nda kati, “Ncibotu, ndoolo we.”

Kati, “Sena ula konzya kukonkezya kuli ceeci?”

<sup>234</sup> Nda kati, “Ta ndikonkezyi pe.” Elyo wa kati... “Inzya,” kati, “ikuti na takonzyi kubweza ijwi lyangu kuli nkuko, ee, eco cili kabotu. Nkaambo, Ta ndikonkezyi. I Bbaibbele lya kati, ‘Muta konkezyi kubelesya majulu; alo ncuuno cabwami ica Leza;

nyika mbu tandabilo bwa maulu Akwe. Akube kuti iiyi wanu ube “iiyi,” a peepe, “peepe.”<sup>235</sup> Nda kati, “Uyo yandika kubweza ijwi lyangu kuli nkuko.”

Kati, “Ee, yebo—yebo waamba ‘lubbizyo lwa Bunakristo,’ ino upandulula nzi, kwiinda—kwiinda kukunyikizya?”

<sup>235</sup> Nda kati, “Eyo nje nzila luzutu lubbizyo lwa Bunakristo mbo lukutaukwa.” Nda kati, “Nda kamu bbizya mu mulonga Ohio, kumunika kunsi lya meenda, mu Zina lya Jesu Kristo, a kumu nuna. Nda kamu bbizya mu ‘Zina lya Mwami Jesu Kristo,’ luli ndo lubbizyo lulikke lwa Bunakristo luliko.”

Kati, “Iiyi, munene.” Wa kacilemba mbuli booboo. Elyo wa kati, “Nceenzu!” Kati, “Yebo ulizi, mbungano ya Katolika yakali kubbizya booboo.”

Nda kati, “Ilili?”

Elyo wa kaamba. Kazumanana, nkabela mubandi wakazumanana kwakaindi. Elyo wa kati, “Ee, swebo tuli ba Katolika ntaanzi.”

<sup>236</sup> Mukuziba, mpoonya awo kubikidwe i—i mabbuku, nywebo mulizi, a makani akale ali nkuko, Nda kati, “Obo mbwini, pele,” Nda kati, “nkaambonzi tamu luciti sunu?”

Wa kati, “Tuli jisi nguzu zya kulekelela zibi.” Kati, “Jesu, sa Ta kaambilia basikwiya Bakwe, ‘Kufumbwa abo mbomwa lekelela zibi, kuli mbabo zyalekelewa; alimwi kufumbwa abo mbe mwa talekelela zibi, kuli mbabo ta zilekelelw?’”

Nda kati, “Iiyi, munene. Wa kaamba.”

Wa kati, “Mpawo eco sena tacipi mbungano bwami? Petro wakali mweendelezi wa mbungano.”

<sup>237</sup> Nda kati, “Ikuti na mbungano iyo jatila zibi munzila Petro nja kacita.” Nda kati, “Lino, cindi niba kabuzya, ‘Ino twe elede kucita buti kutegwa tu futulwe?’ Wa kati, ‘Amusanduke, umwi aumwi wanu, a kubbizigwa mu Zina lya Jesu Kristo kutegwa mujatilwe zibi zyanu.’” Nda kati, “Kocita eco, nkabela Ndiyo zuminana ayebo.”

“Oh,” wa kati, “usola kukombelezezya ku Bbaibbele.”

Nda kati, “Eelyo ndi Ijwi.”

Wa kati, “Leza uli mu mbungano Yakwe.”

Nda kati, “Leza uli mu Ijwi Lyakwe. ‘Muntu oonse, majwi a bantu bamwi, alo mbubeji; Akwe nga Bwini.’” Mwabona?

<sup>238</sup> Aboobo kwiina nzila mbwa kakonzya kubona. Pele mbaabo—mbaabo balaya, moonya mu mudima. Elyo ba Protestant, kwiindaku zyuulu, kaba cengwa muli ncico. Mbaba we, nkoonya kwini kabalisalila tunsiyansiya twabo a zintu, kuunka moonya mukati. I Ijwi kalilibonya kabotu, kuli tondezya, Jesu Kristo kaliyubulula Mwini, “mbobuca nguwenya, sunu, amuya myaaka.” Mu kubekema kwa tunsiyansiya, bala

zumanana kweenda kuzwa kuya mu mudima. Mbubonya buyo mbo bakacita mu ciindi ca Nowa, mbubonya mbo bakacita mu ziindi zyoonse, bala cita alubo sunu, moonya mu mudima! Nkaambonzi? Bala kaka Mumuni nkaambo ka kansiyansiya kakabofwaazya.

<sup>239</sup> Oh, ino ndi oora lya mudima motubede lino! Uh huh! Inzya, bala kaka Mumuni wa Kristo wini Uutamani, nkabela obo mbo cicta.

<sup>240</sup> Tubungwe tutontola tatu konzyi kuleta Buumi ku Ijwi lya Leza, nkaambo tuleta buumi ku kabungwe kabo. Tu jisi Banakristo bambi balibanda ndyoonya lino... Amulangisye awa, ikuti na Munakristo...

Nda kabuzya mupaizi oyu. "Ikuti na i... Ndiyo zuminana ayebo, kuti mbungano ya Katolika mboya kabede, ku matalikilo, ku Pentekoste," kutali ku Nicaea, Rome. I Mbunga kwiina niya talikila ku Nicaea, Rome. Ya katalikila ku Pentekoste. Mwabona? Ku Jerusalema nko nkuko Mbungano nkoya katalikila. Pele Nda kati...

<sup>241</sup> Awa, Ndiyo zuminna kuti bantu aba, balo bazike a zintu, abo bajisi Muuya Uusalala, ba simalela babo bakabona inguzu zyabo a zintu, ezyo nzo bakali kucita; kubusya bafu, kwaambaula mu myaambo, kutanda madaimona, kwaamba zintu ziciza. Elyo basinsimi akati kabo, a bamwi bambi, baka yutuka kabali vumbide zikulu zyambelele; kabalya zya masamu, kaba boola ku Nkamu yaku Nicaea, a kumwi, elyo mbo bakali baalumi balemu! Elyo mpaawo baka yutuka awo, kuboola okuya ku Nkamu yaku Nicaea, kabaiminina Ijwi eelyo.

Pele, mazuba ayo ali kkumi aosanwe akutilwa kwabulowa bunji, ba kazumina "Taata, Mwana, a Muuya Uusalala" kuba kansiyansiya, mucibaka ca njiisyo ya Bbaibbele, "mu Zina lya Jesu Kristo." Kwinda muli eco mambungano oonse aa ba Protestant, akazyalwa muli njiyo, cintu nciconya, zyoonse zintu ezi zimbi. I muzeezo wabubeji kujatikizya Muuya Uusalala; ba kalya, kalya cilalilo, kanywa waini, "Oyo mulalilo uusalala, caamba kuti, 'Muuya Uusalala.'" I mupaizi ulaupa kuli ndinywe.

<sup>242</sup> Lino, Bbaibbele ta lyaambi kuti, "Cindi Buzuba bwa Pentekoste nibwa kazulila, mpaawa kwakaboola mupaizi ku mugwagwa, cakuli tukumuna, kwaamba, 'Kololomeka lulimi lwako a kulya mulalilo uusalala.'" Peepe, Tii lya kaamba kuti, "Nywebo nyoonse no bantu amu zuzaanine okuno a kundipa janza lyalulyo lya luswaanano, nywebo noba Baptisti, Methodisti, a Baptisti, Njo bikka mazina anu. Koleta lugwalo kuzwa kubusena bumwi."

<sup>243</sup> Wa kati, "Boonse bakali mu busena bomwe, mu kuzuminana komwe. Elyo mpaawo biyo kwakasika coongo kuzwa ku Julu mbuli guwo lyanguzu ka lyuungisya, nkabela lya kazuza bwaanda boonse omo mobaka kkede. Boonse ba kazulwa Muuya

Uusalala, nkabela ba katalika kwaamba a myaambo imbi, mbuli Muuya mbo waka baambya. Elyo awo...” MBAABO mu kagwagwa ba kanjila, kaba dadalika mbuli bantu bakoledwe, Maria a boonse bamwi babo, kunguzu zya Muuya Uusalala.

Baa, bantu ba kati, baka baseka, a kwaamba, “Bantu aba bakolwa mbote ilweela.” Ba kali buti? Ba kofwaazigwa ku kansiyansiya.

<sup>244</sup> Oyo mukambausi muniini wa kobilo kuli kone wakaima awo, wakauzikidwe kuteeti Petro, elyo wa kati, “Nywebo no bantu baku Judaya a nywebo nomu kkala...nywebo no baalumi baku Jerusalema, nomu kkala mu Judaya, aku zibwe kuli ndinywe, a kuswiilila ku majwi angu. Aba taba koledwe. Pele andi mwaambile eco Malembe nca kaamba mbo ciyooba. Oyu Mumuni. Eli ndi Ijwi lili mukuyubululwa.” Ameni.

Cintu nciconya cila citika asunu, nkabela bala cita mbuli mbo bakacita kaindi, ba kazwa a kuzungaanya mitwe yabo. Kati, “Amu baleke balikke; boofu basololela boofu, bayo wida mu dindi.”

<sup>245</sup> Oh, citola Kristo, Buumi Butamani, kuleta Ijwi lya Buumi ku kusimpikizigwa, kuba mu mibili wabantu. Oh, ma, yawe! Kutola Ijwi... tola Muuya Uusalala kukutauka Ijwi lya Leza.

<sup>246</sup> Cindi Jesu na kati, “Kamuya mu inyika yoonse, akuyo kambauka Makanimabotu ku bantu boonse.” Lino amulange, Marko 16, kulailila Kwakwe kwamamanino. “Inyika yoonse, inyika yoonse,” taana sika okuya pe, mwabona. “Inyika yoonse, akuyo kambauka Makanimabotu ku bantu boonse. Oyo usyoma,” mu inyika yoonse, “elyo wabapatizigwa uyo futuka; oyo uta syomi uyo zulwa. Elyo zitondezyo ezi ziyo batobela abo basyoma.”

“Bayo sukana maanza a muka-...”? Peepe. “Ba yooba mamembala mabotu ku mbungano”? Peepe.

“Mu Zina Lyangu bayo tanda madaimona; bayo amba a myaambo mipya; bayo bweza bazoka; na, kunywa zintu zikola, ta zikaba nyonganyi pe; ikuti na ba bikka maanza abo aa balwazi, bayo pona.” Oh, ma!

<sup>247</sup> Kule buti? “Bantu boonse.” Kunji buti? “Inyika yoonse,” mane Aka boole alubo. “Zitondezyo ezi ziyo...” “Oyo usyoma Ndime, milimo Nje cita uyo icita awalo. Ayalo mipati maningi kwiinda eyi uyo icita, nkambo Nda unka kuli Ba Taata.”

<sup>248</sup> Oh, obo mbo tu konzya kutantamuka Eco nkunji kwiinda Nkwe konzya kwaamba! Tuli mu mudima munji lino kwiinda moba kabede. Lino ndijisi buyo tumpango tumbi tusyoonto awa, mpawo Ndi yanda kusika kumagolelo cakufwambaana mbuli konzi-... Tuli mu mudima munji kwiinda mbo bakabede.

Ndi lizi Ndi mubamba kukatala awa, kutandila oora a cisela. [Mbunga yaamba, “Peepe!”—Mul.] Pele, mwabona, teepu eyi ilazumanana omuya. Mwabona? Mwabona?

<sup>249</sup> Bali mu mudima munji kwiinda mo tubede. Nda kaamba kaambo, kuti. Nkaambonzi? I mambungano, mukubekema oku, kuleena maningi, kuboneka kuba Bwini. Lino, sa Jesu ta kaamba? Atu bone Matayo 24, mwabona. Matayo 24, Jesu wakaamba kuti, “Ku mazuba akumamanino, myuuya yobile iyo tandila kukozyanya kapati mane kuyo cenga mbabonya Basale ikuti nokwali kukonzeka.” Ku yooba nkamu isalidwe iyoozwa kubamba Mbungano, mu mazuba akumamanino. Elyo tubunga otu, a ceeco nco baita kuti Bwini bwabo, ciyo tandila kapati kuba mbuli Cintu cini, cakuti ciyo cenga mbabonya Basale, abalo ba Pentekoste.

<sup>250</sup> Lino, mulizi tamu kabwezi muna Pentekoste a kuyo mucenga ku njiisyo ya Methodisti na Baptisti. To ka mwaambili ceeco. Walo ulizi kabotu. To kacengi muna Baptisti umwi kubelesya njiisyo yaba Lutherani, akwalo. Mwabona?

Elyo tamu katambuli Mulumbe, kusweeka ku Mulumbe eno mu Ijwi eeli, kwiinda ku njiisyo ya Pentekoste, yabubeji “Taata, Mwana, Muuya Uusalala,” a zintu ezi zyoonse mbuli zeezyo, a kupilukila mu tunsiyansiya nto bajisi twa kayakwa mu kabunga ako. Peepe, nconzyo. To kaba cengi, nkaambo Basale taba kacengwi.

<sup>251</sup> Ino ncinzi? Ino ncinzi? Kucenga. Kubekema oku, bacita nzi? Ba sololela mbungano ku cijailo ca nkamu, kwiinda ku kubekema kwabo. Eco ciyooba cijailo camalekelo, cindi walo a Rome baku swaangana. Cindi ba kupanga eco cikozyanyo ca cinyama, eco ncijailo camalekelo. Elyo kubekema oku nko mujisi lino, amulange nco kucita, kusololela bantu. Ni mpongo.

<sup>252</sup> Ii mpongo lyoonse nji sololela mbelele ku cijailo. Mwa kabona obo mu tumando twakujaila. Mpongo eyo iyo zuza nkoonya okuya a kusololela mbelele, mpawo iyo sotokela anze a kulekela mbelele kuzumanana kunjila. Obo mbo icita. Ila cita lyoonse.

Yakali mpongo yaka sololela Jesu, Mwanaambelele, ku cijailo. I mpongo zyaba Roma! Mbo mbubo.

Zyalo ni—zyalo ni mpongo zyatubungwe sunu zisololela mbelele zitakwe bubi kuyaku cijailo. Kulibikka lwazyo, mazina ayo mu mabbuku okuya, nkabela ba nyonyooka. Eco ncaando ca cinyama. Mu Zina lya Mwami, Nda amba. Ndali cijatilide eco kwa ciindi cilamfu. Obo mbwini. Obo mbombubo. Ino cinyama ninzi? Ino cinyama ninzi? Nkabunga kazyuuno kabana Roma, kabunga kataanzu. Ino ncaando nzi ca nkako? I cintu nciconya, mbubonya, cintu nciconya mbubonya mbuli eco mbo cakabede. I cijailo, ku kubekema!

<sup>253</sup> Pele kumeso a mudima uliko, tu cuubwene Mumuni wa Leza kaumweka moonse. Obo mbo tulumbide kuli ceeco!

<sup>254</sup> Amuswiilile kabotu. Twa bona Mumuni, Ijwi Lyakwe eelyo Ndyia kasyomezya ku buzuba buno, lyatondezegwa a kusimpikizigwa. Ndyia Bwini, Mumuni wa oora. Oh, ma! Ndili kkomene. Kwiina cintu cilubide. Kwiina cintu.

<sup>255</sup> Okuno kutali ciindi cilamfu cainda mukutausi wakali kwaamba kuti wa kali kumusanza mu Florida, elyo wa kajisi ii—ii mootokala, Nda syoma yakali Chevrolet, elyo cintu caka munyonganina. Ta kakonzya kucibamba. Elyo wakaunka mugaraji, elyo makkanika mudaala muniini wa kanjila kunsi lyayo aatala lyayo, kukwakwalisyta koonse; ta kakonzya kucibamba. Elyo wa—wa kali kunga wasola *ceeci*, elyo tee cakakonzya kubeleka. Elyo wakali kunga wasola cintucimwi cimbi; tee cakakonzya kubeleka. Wa kabikka genireta, kabikka ali *ceeci*, kunjizya mapulagi, bikka mu mbali zyeede; ta kakonzya kubamba cintu kubeleka. Ta kakonzya kucibamba kubeleka.

Kumalekelo, muntu wakasamide kabotu wakasika kumbele. Wa kati, “Sa Ndi kupe bukulwaizi bumwi?”

<sup>256</sup> I makkanika muniini waka jisi kuyeyya kukubwene kwaamba kuti, “Iiyi, munene.”

Wa kati, “Kobweza *ceeci*, a kusanganya *ceeci* a *ceeci*, a,” wa kati, “kobikka ezyo antoomwe lomwe a kucisola.” Elyo wa kabweza *ceeci* kusanganya *ceeco*, a kucibikka antoomwe, nkabela mpaawo wa keenda.

<sup>257</sup> I makkanika muniini wakacebuka, elyo wa kati, “Yawe, ino nduweni?” Wa kali injiniya, injiniya mupati wa General Motors. Wa kapangulula cintu. Wa kali nguwe wakaipanga.

<sup>258</sup> Elyo, sunu, cindi no twa ambaula zya Methodisti, Baptisti, a Presbyteria. I Makkanika Mupati mpali; Mupangi wa Ijwi Lyakwe, Muntu Oyo wakalenga majulu a nyika, a kupanga Mbungano Yakwe! Walo Uli zyi kunji kujatikizya eco nce citola ku Kukwempwa, na sena mbungano ya Methodisti na Baptisti ilizi kunji kujatikizya nco citola? Walo Mupangi. Walo ulizi nce citola. Walo usamide kabotu mu Nguzu zya bubuke Bwakwe. Aleluya! Uli mukweenda akati kesu, sunu, mu Nguzu zya bubuke Bwakwe.

Walo ulizi eco nco citola kubikka Mbungano mu malailile a Kukwempwa. Wa ka Ipanga, a kubikka zibeela antoomwe omuno Bbaibbele. Amen! Amulekele buyo Mimuni iinke kwiinda muli Njiyo, lino amulangilile Ibe leke. Amulekele lusyomo, mu Ijwi Lyakwe lyaka syomezegwa ilya sunu, kukunka kwiinda, moyo bona obo Mbo ibeleka. Nkaambonzi? Wa kapanga cintu. Wa kapanga Mbungano Yakwe kwiinda ku Ijwi. Eco ncencico Nca bikka antoomwe. Kutali kwiinda ku kabunga ka Methodisti, na Baptisti, na Presbyteria, Pentekoste; pele kwiinda

ku Ijwi Lyakwe. "Muntu taka poneni ku cinkwa cilikke, pele kwiinda ku Ijwi lizwa ku mulomo wa Leza." Iiyi, munene.

<sup>259</sup> Amuzwe mu kubekema, akati ka mudima, cindi eci ca mudima nco tuponamo lino. (Jisi buyo kutandila maminiti osanwe ambi asyeede.) Akati ka mudima, nguni uyo gwisyia Nabwiinga muniini? Nguni uzi kujatikizya Nguwe? I Mupangi Mupati. Oh, inzya. Kuzwa ku lupyopyongano olu loonse lwa kubekema!

Mpaawa, Methodisti ibekema nzila yomwe, Baptisti imbi, a Presbyteria bumbi, a ba Pentekoste bumbi, kubekema oku koonse kuliko. Bala zuza, kubikka mazina abo *okuno*, mu kubekema *okuno*; kuboola kujana, cintucimwi okuya. Elyo kuboola *okuno*; a cintucimwi okuya. Koboola *okuno* . . .

<sup>260</sup> Mbuli Mbwe kaamba ku mupaizi uulya, "Ikuti na nyoonse muli mbungano ntaanzi, alimwi mwa katobela njiisyo ya baalumi aba baka kkala antoomwe ku Nicaea, nkaambonzi tamukwe nguzu ezyo nzo baka jisi kaindi okuya ku matalikilo kai? Mwabona? Nkaambonzi tamu citi zintu nzo bakacita, ezyo Jesu zya kaamba?"

Kati, "Oh, tuli bantu banji lino. Tu, tu pona mu bukkalo bumbi."

<sup>261</sup> Nda kati, "Pele Ijwi tali cinci. Wa kati, 'Zitondezyo ezi ziyo batobela ku makkalo oonse. Majulu a nyika ziyo loba, pele Ijwi Lyangu pe.' Nce ncico."

Wa kati, "Ee, waambaula kujatikizya Bbaibbele."

<sup>262</sup> Nda kati, "Iiyi, Ijwi, lili ngu Kristo." Mbo mbubo. Elyo aboobo nceeco we. Mwabona?

<sup>263</sup> Elyo mu kubekema oku, Methodisti kiitondezya zyayo, Baptisti kiitondezya zyayo, Presbyteria zyayo, imwi aimwi kaikomena maningi a maningi, ziindi zyoonse.

I Nabwiinga muniini utakweankwaya, ino Ula ali? Ula zuzila okuno kuli Babumwi iba Pentekoste, kaindi kaniini; Ula bikka zina Lyakwe awo, alimwi Ula amba, ee . . . Kuboola kuziba, amu lange nco bacita. Bala boola *okuno*, a, "We elede kuzulilwa kuli ndiswe. Ikuti na to zulilwi ku mbungano yesu, yebo toko akwalo muli Nabwiinga. Toli cintu akwalo." Kuunka okuno ku Assemblisi, a kulanga nco ba jisi; nceeco we alubo. Kuselemukila kuli ba Baptisti, kulanga eco nco ba jisi. Kulanga Presb- . . .

<sup>264</sup> Ncinzi ciyo citika ku Cintu ciniini citakweankociya? Mwabona? Pele Uli mukuboola. Muta pengi. Walo uyooba ko.

<sup>265</sup> Ii mulombwana wakali kwaamba, okuno kutandila myaka misyoonto yainda. Wa kali kumusanza mu New Mexico. Nda kajisi muswaangano okuya munsi ku Carsbad Caverns. Mwa kazimvwa kumusanza okuya, zipati . . . Elyo baka bweza mwaalumi a mukaintu wakwe, a nkamu ya bana, katanta cikwepe eci, keenda lweendo loonse ansi kutako ndilyonya ly

mugodi. Elyo noba kasika ansi awo, baka zima mimuni yoonse. Eyo cindi niba kazima mimuni yoonse, wakali mudima waakati kabusiku.

Nda kabacitya kucita ceeco okuno mu magaadeni aya okuno, a kuciindi comwe okuya mu Colorado kuya, mukaintu a Mebo, kaindi okuya, kali mukati omuya. Elyo baka zima mimuni. Ma, nawa bikka janza lyako mbuli *boobu*, to konzyi kubona cintu.

Elyo kwakali musimbi muniini wakaimvwi awo, nkabela wa katalika kukwiila, “Oh!” Kukwiila. Waa, waa kali yoowede calufu, kwakali kusiya maningi. I cintu ciniini citakweankociya cakali kukwempakwempa koonse, a kusola kukwiila a koongolweda wisi, a banyina, koonse. Ta kakonzya kucizunda, kwakali kusiya maningi. Ta kalina bwene mudima uli boobo.

<sup>266</sup> Elyo nje nzila mbo kutandila kuba lino. Mbo mbubo. Kula siya maningi cakuti tozi kwa kuya. Wa inka ku Methodisti, wa inka ku Baptisti, wa inka ku Presbyteria, ncico ncoonya coonse, mwabona, kulya mana ayo, akaindi abolede ajisi bamvunyungwa muli ngawo. Mwabona, cintu ncoonya, kansiyansiya kamwi, “Konjila a kusangana *eyi*, a imbi, *eyo*,” kansiyansiya kakaindi a zintuzyonse. To boni Kristo muli nkako. Mwabona? Oh, ubona bantu basikulibambilila bululami, Inga ndaamba obo. Bunji mbantu babotu amuya lino, mu tubungwe. Nda amba ciyanza, kutali bantu omuya. Pele, nywebo mwabona, nce ncico nco balya. Kubaambila kujatikizya ncico!

Elyo *Nceeci* Cakulya cibotu cipyap!

<sup>267</sup> Elyo musimbi oyu muniini kaimvwi awa, wa kali kukwiila, mpoli golela jwi lyakwe, kutandila kunjila mu kubukililwa; kutandila mbuli Nabwiinga muniini mbwabede. Pele mulizi cintu na? Munyina wakwe wakoompolola, kati, “Mucizi muniini, uta yoowi.” Nkaambo, wa kaliimvwi moonya munsi lya injiniya. Kati, “Ngooyo muntu awa walo ukonzya kuyasya mimuni.”

Uta yoowi, Mucizi muniini, ngooyo Muntu awa Walo ukonzya kuyasya Mumuni. Ula konzya kubamba Ijwi eli kuba lyuumi. Ta tuzi nzila Mbwa boola. Ta tuzi nzila, cindi Na boola. Ta ndizi cintu kujatikizya eco. Pele Mpali awa, nkabela Ula konzya kuyasya Mimuni. Mbobuti mbo tuyu zwa kuli nkuko? Ta ndizi. Pele Mpali awa, nkabela Ngo Umwi ukonzya kuyasya Mimuni. Iiyi, munene. Ngo Umwi. Ngo Mumuni. Uli yubununa buyo Mwini, obo Mbwa yasya Mumuni. Mbombubo ncobeni.

Citola Kristo, kumwesya Mimuni Yakwe, mpawo mudima onse ulamwaika. Ula pambula. Uli mukusomona Nabwiinga Wakwe muniini. “Njo gwisyra bantu kuzwa kuli Bamasi, ku kaambo ka Zina Lyangu, ba nojisi Zina Lyangu.” Ino ndi Zina nzi Lyakwe? Yaa. Kutali Methodisti, Baptisti, Presbyteria, Lutherani. Lya Jesu Kristo. Mbo mbubo.

<sup>268</sup> Walo Mumuni, Bwini; Mumuni, alimwi taakwe mudima muli Nguwe. Elyo Ula mwaya mudima cindi Na njila, nkaambo Walo

ndi Ijwi. I Ijwi Mumuni. Mbo mbubo. Nkaambo, Wa kaamba kuti, "A kube mumuni," eelyo lyakali Ijwi lyakaba mumuni. Cindi Na kanana *Eci*, walo Mumuni wa bukkalo obo, cindi acimwi.

Lino Mpali ano, mu—mu kutali mu kubekema; pele bantu bapona mu kubekema. Pele Walo ndi Ijwi lyaka simpikizigwa. Walo Mumuni i—i cakumaninina mu ciindi ca mudima. Iiyi, munene. Koonse kubekema oku kwa bubeji a zintu ziyo yabaala. Iiyi, munene. Mpali ano. Muta yoowi. Amuyasye Mimuni, Ijwi Lyakwe ly a syomezegwa. Lila pona. Li bamba . . .

"Oyo usyoma muli Ndime, milimo Nje cita, uyo cita awalo." Mpawo, ndi Ijwi. "Mbuli Taata mbwaka Ndi tuma, aboobo Nda mutuma." I Taata waka Mu tuma, kanjila muli Nguwe. Mpawo Jesu oyo ukutuma, ulanjila muli nduwe. Elyo milimo eyo Nja kacita kaindi, Ula cita cintu ncoonya, nkaambo (nkaambonzi?) Ijwi lyaba mu mibili wabuntu, mu mibili wabuntunsi, lila liyubulula Lini mbuli Mumuni wa buzuba. Mpaawa mpo tube de we. Nceeco we. Ci tondezya buyo nzila ku Mumuni, mu Mumuni. Bantu basongo, abo bata kaofwasigwa ku tunsiyansiya a kabungwe, bayo enda mu Mumuni oyo. Oh, ma!

<sup>269</sup> Ngooyo Muntu awa walo ukonzya kuyasya Mimuni, ncibotu. Ino Uci taanzi? Kwiinda ku kusimpikizya Ijwi Lyakwe ly a buzuba buno. Jesu, Mwana wa Leza, Wa kasyomezya Ijwi ku buzuba buno, nkwalii ncobeni antoomwe a ndiswe.

Muta yoowi. Muta bikkili maanu kuli ceeco nco bacita; mwa cita, muyo endela mu mudima.

Amu songwaale. "Bala cita obo abalo," Daniele wa kati, "mu mazuba aya akumamanino, bayocita zigambya nkambo ka Leza wabo." Mwabona? Mwabona? Bayo enda mu Mumuni, mbuli Mbwali mu Mumuni.

<sup>270</sup> Muta pengi. Inga kwasiya, boneka kuti bayo tu sungilizya, umwi aumwi. Koonse oku, nywebo mwabona kwaambilizya kwabo kupati kuya bumwaika, "Oonse aya mambungano maniini a zintu zyeedele kunjila lino. Mwe elede kunjila," nape bayo mujalila. Bayo cicita.

<sup>271</sup> Lino tu yanda kuuma eco anguzu ncobeni, sunumasiku, cindi Nda sika ku ciindi eci, mwabona.

<sup>272</sup> Lino, balo, "Tuyo jala." Mwe elede kuba bamwi babo, na pe. Muyo—muyo sala kuba muli eyo, na ta mukonzyi kucita cintu, konzyi akwalo kuula na kusambala. Nee ncico. Tamu kabi acamba ca kukombela balwazi. Ikuti na mwajatwa kamu kutaukila mulwazi uli oonse na muntu uli oonse ujisi cintu cakumuuya cili coonse omuya, ulelela ku mulao wa mfulumende ya masi, kujaigwa mbuli cisubulo camulao. Mbo mbubo ncobeni. Mwabona? Nywebo mulizi eco. Mbo mbubo. Cili mu mapepa abo. Iiyi, munene. Aboobo, tamu konzyi kucicita, mweelede kuzulilwa ku kabunga kabukombi bwanguzuuzu.

Mukwesu, andi kwaambile cintucimwi. Ncibotu wanjizya Krsito ncobeni mu moyo wako ndyoonya lino, nkaambo kuli ciindi ciboola oko nkoya ku Mu bula. Uno zwide mpawo. Koyeeya, cindi caando eco ca kubikkwa, cinooli awo kwalyoonse. Mwabona? Aboobo, uta ciciti. Uta syomi zintu ezyo. Ko njizya Kristo ndyoonya lino, Ijwi. Iiyi, munene.

<sup>273</sup> Simpikizya Ijwi, a ku tondezya kuti Ngo Mumuni wa oora. Eyo nje nzila mbo tu Mu ziba kuteeti Mumuni, nkaambo Walo Mumuni kauiyubulula Wini mu mubili wabantu.

Mbobuti mbo tuziba? Wa kali Ijwi lya Leza lyakaba mu mubili wabantu. Mwabona, Ijwi lya Leza lyakali kulitondezya Lini, kuli simpikizya Lwalyo, cindi Mesiya akuboolaa, eco Ngayo cita.

<sup>274</sup> I mwanakazi wa kati, ku mukalo, "Cindi Mesiya aboola, Uyo cita zintu ezi. Yebo weelede kuba Musinsimi, uuli ndi Ijwi, litu lungulwida zintu ezi ziciza."

<sup>275</sup> Wa kati, "Nde Ndime." Mwabona? Oko kwaka kkwana. I Mumuni wakamwekela aa Ijwi lyaka syomezegwa. Ngooyo Mumuni.

<sup>276</sup> Moonya mu munzi waa kaunka, kati, "Amuboole, mubone Muntu Oyo wa ndaambila zintu Nze kacita. Sa oyu ngo nguwe Mesiya?" Cakali ncico. Mwabona? Takukwe makani eco bamwi ncoba kaamba, waa kalizi kuti wakali Mesiya.

<sup>277</sup> Amuyeeye, mu bukkalo abumwi, mu ciindi ca mudima, Leza lyoonse wakabamba Ijwi Lyakwe kupambula Mumuni kuzwa ku musinze.

Wa ka Li citya mu mazuba a Luther, cindi mbungano ya Katolika niya kajisi zintuzyonse; Wa katuma Luther mbuli Mumuni umweka, nkabela Luther wakapambula Bwini kuzwaku mudima.

Elyo cindi ba Lutherani niba pilingana, Wa kabamba John Wesley, nkabela wa kapambula Mumuni kuzwa ku mudima.

Elyo mu mazuba aa pentekoste, ciindi ba Wesleyani nibakaba koonse...a Methodisti niya kazula kunamatila koonse, a Baptisti, aba Presbyteria, Wa katuma mulumbe wa pentekoste wakwandaanya Mumuni kuzwa ku mudima.

I Pentekoste yaka pilukila moonya mu mudima alubo, mbuli obo, mu kabunga kabo, kabweza tunsiyansiya a zintu zyabo.

Lino oora lya sikila Ijwi eeli kuti lisimpikizigwe. Ula tuma Mumuni, Ijwi lyayubululwa, mbuli Mbwa kacita ku matalikilo; ulatuma Ijwi, nkabela Lila litondezya Lini. Ngooyo Mumuni, nkabela lyoonse Ula andaanya. I nciconya lino, mbuli Mimuni miniini Itamani ku matalikilo.

<sup>278</sup> No bana balanga, mbuli Mbwe amba, Nda indilizya maminiti osanwe ku ciindi lino. Pele andaambe cintu eci comwe.

Ngooyo Muntu uliko! Muta yoowi, takukwe makani nco baamba. Nda cibona ku mbaakan nko Ndi tazi oko kwakuya kuccilila, pele lyoonse Mpali. I Busyu buta kakilwi, Mpali awo lyoonse. Ula konzya kuyasya Mumuni. Iiyi, munene. Walo ulindila buyo, kubona eco nco moyo cita. Ula konzya kutyanka swicci kufumbwa ciindi Nca yanda. Iiyi, munene.

<sup>279</sup> Ngooyo Muntu awa walo ukonzya kuyasya Mimuni. “Abo bakkede mu zisi zya cimvule ca lufu,” bamwi babo kulwanwa kkulenge, bamwi babo kunsi lya lufu lwa kabungwe, bamwi babo kunsi lya lufu lwa tunsiyansiya, bamwi babo kunsi lya lufu lwa kayanza, a misyobo yoonse ya lufu, “nkabela babona Mumuni mupati.” I Muntu uumwesya Mimuni mpawo, Umwi nguonya Wa kati, ku matalikilo, “A kube mumuni.” Oyo Leza nguonya, “mbobuca, sunu, amuya myaaka,” Walo nkiali sunu, mpoonya awa lino. Muta yoowi. Ula konzya kuyasya Mimuni.

Cindi caku penzegwa casika, muta yoowi. Ngooyo Mumuni, kati Uyo kwempa bantu Bakwe. Ta kaindi mu mapenzi mapati. Ta kaciciti pe. Wa kati Ta kaciti. Uyo kwempwa. “Mbobuti mbo bayo cicita, Mukwesu Branham? Kuboneka kusiya bubaabi!” Takukwe makani obo mbo kusiya, cakuti to konzyi kubona janza lyako kunembo lyako, koyeeya buyo, ngooyo Muntu awa walo ukonzya kuyasya Mumuni. Uyo Kwempa Mbungano eyo.

Nywebo mwati, “Ee, Ndili nkoonya . . .”

<sup>280</sup> Inzya, Shadireki, Misheki, a Abedinego, bakali nkoonya ku bbila lyamulilo, pele kwakali Muntu oko Wa kali kukonzya kupoomona muwo. Iiyi, munene. Eelyo Guwo lyuungisya lyanguzu lyaka selukila aa Buzuba bwa Pentekoste, Wa ka Li poomona alubo a kuvupaula luwo loonse kuzwa kuli mbabo, mulilo woonse. Kwakali Muntu omuya; Walo wiitwa kuti “Muntu wane.”

<sup>281</sup> Ngooyo Umwi awa sunu. Ngo Umwi luzutu! Aleluya! Walo ujisi swicci ya Mumuni mu janza Lyakwe. “Abo baka kkede mu zisi zya cimvule ca lufu, Mumuni mupati wapasuka.” Muta Ukaki. Amu Utambule, mu Zina lya Mwami. Kuciindi notu kotamika mitwe yesu kwakaindi kaniini.

Tuyo enda mu Mumuni, Mumuni mubotu,  
Amuboole oko madosi amume aa luse  
nkwalabala;  
Kumweka kuzunguluka ndiswe toonse isikati  
a masiku,  
Jesu, Mumuni wa inyika.

Tuyo enda mu Mumuni, walo Mumuni mubotu  
boobu,  
Uzwa oko madosi amume aa luse nkwalabala;  
Kumweka kuzunguluka ndiswe toonse isikati  
a masiku,  
Jesu, Mumuni wa inyika.

Amuboole, nywebo no basalali iba Mumuni,  
 amwaambilizye,  
 Jesu, Mumuni wa inyika;  
 Mpawo milangu yaku Julu iyo lila,  
 Jesu, Mumuni . . .

Ino ncinzi? I Ijwi lyaka simpikizigwa ngu Jesu sunu. Walo  
 ndi Ijwi.

Tuyo enda mu Mumuni oyu, walo Mumuni  
 mubotu boobu,  
 Uzwa oko madosi amume aa luse nkwabalam;  
 Oh, kumweka kuzunguluka ndiswe toonse  
 isikati a masiku,  
 Jesu, Mumuni wa . . .

<sup>282</sup> A mitwe yanu kikoteme. Nda libuzya na mbangaye awa  
 bayanda kweenda mu Mumuni oyu, ku busolozi bwa Muuya  
 Uusalala, Ijwi lya simpikizigwa ilya sunu? Mwabona? I Ijwi eelyo  
 Leza ndya kasyomezya sunu, ku Li bona kalyubululwa!

Sena embo obo Mbwa kabede ku matalikilo? Wa kali Ijwi. I  
 Mwana wakazyalwa; Wa kali Ijwi. Wa kali Mesiya; Wa kali Ijwi  
 lyaka simpikizigwa. Elyo mpawo Ijwi, Leza wakaamba ma- . . .  
 mamanino kuzwa ku matalikilo.

<sup>283</sup> Lino ndeelyo Ijwi lya buzuba buno, alimwi mpaawa Uli  
 waano kusimpikizya Ijwi eelyo.

Akati ka lupyopyongano, mudima a kubalama, koonse  
 kubonya mbuli Ndilyo, pele takuli Ndilyo. Ta ku Li tondezzi  
 pe; kansiyansiya.

<sup>284</sup> Jesu wa kati, "Ikuti na Ndi tanda madaimona ku munwe wa  
 Leza, ino nywebo mwa tanzya nzi?" Tee bakatanda. Mwabona?  
 "Pele, peepe, ikuti na Ndi tanda daimona ku munwe wa Leza,  
 nkokuti Bwami bwa Leza bwamu swenena."

Oh, atu ciyeyeye, mbuli mbo tu tambika maanza esu.  
 Caasyoonto lino, a kuyeyya, mukubatama kwini.

Tuyo enda mu Mumuni oyu, Mumuni oyu  
 mubotu boobu,  
 Elyo uzwa oko madosi amume aa . . .

Kobamba kulyaambilila kwako. Kosyoma Leza lino.

Kumweka kuzunguluka ndiswe toonse isikati  
 a masiku,  
 Jesu, Mumuni wa inyika.

Tuyo enda mu Mumuni oyu, walo Mumuni  
 mubotu boobu,  
 Uzwa oko madosi amume aa luse nkwabalam;  
 Kumweka kuzunguluka ndiswe toonse isikati  
 a masiku,  
 Jesu, Mumuni wa inyika.

<sup>285</sup> Kuciindi noba zumanana kulizya, Ndi yanda kubuzya. Bukkalo abumwi mbo bwakabede. Mu mazuba akwa Nowa, abo baka kaka Mumuni, ino bakacita nzi? Bakeenda kunjila mu lubeta lwa Leza. Ncinzi cakacitika kuli Farao mu mazuba a Mumuni wa citeo ciyaka mulilo, oyo wakali muli Musa? Wakeenda mu lwizi lwa lufu. Ncinzi cakacitika kuli Datani oyo wakatalika elyo mpawo waakaka Mumuni? Wakeenda kunjila mu lwaanzi lwa nyika; lwaka mumena. Ncinzi cakacitika mu makkalo oonse, kuli baabo bakakakilwa kweendela mu Mumuni, Mumuni wa buzuba?

Ngu Jesu ziindi zyoонse. Wa kali Jesu mu mazuba a baalumi. Ngu Jesu sunu, nkaambo Walo ndi Ijwi, alimwi Ijwi lipanga Mumuni. Walo Mumuni wa buzuba.

Amu ciyeeye lino, mukubatama kwini, kuciindi no tujisi kusinizya, buzya, sa mweendela mu Mumuni? Kuciindi notwi ng'ung'una moonse alubo. [Mukwesu Branham a mbunga batalika kung'ung'una, *Jesu, Mumuni Wa Inyika—Mul.*]

... Mumuni mubotu,  
Amubooke oko madosi amume aa luse  
nkwalama;  
Kumweka kuzunguluka ndiswe toonse isikati  
a masiku,  
O Jesu, Mumuni wa inyika.

Atwi ime lino, ku matende esu.

<sup>286</sup> Nda komba Taata Wakujulu alekele Mulumbe oyu kumvungwa cakusakana mu myoyo ya bantu abo baliko, a baabo bayo Umvwa ku teepu. Elyo akube kuti Mumuni uboole aa Ijwi, Mbuto, a kumenya Mbuto aimwi ya kakanzwa eyo yaka syangwa awa mu tubunga a kubalamu oku kwaandeene. Akube kuti babone mbuli Nekodema, nekubakuti beevela “kuboola masiku,” kuboola ku Mumuni. Ko cipa, Taata.

<sup>287</sup> Akube kuti kuyutuke kaambo aka kapati, ka Mwaala oyu waka kolomonwa kuzwa ku cilundi, kakwiina maanza. Uyo pwayaaula mami aya aa Bamasi kusikila ansi, mami aya oonse, mami akumuuya a mami aakunyama. Elyo Mwaala uyo vumba nyika yoonse; buyooba bubambe bugambya. Abo Mwaala ngowa pwayaunda ansi kuba busu; abo bakawida aa Mwaala bayooba ntalisyo njumu.

<sup>288</sup> O Kristo, ndi lekele, mbuli muzike Wako, kufwida a Mwaala oyo, Mwaala oyu wa Ijwi Lyako. Mwami Leza, andi ime, mbuli Davida, a balo basilumamba bakale abo bakaiminina Davida, andi iminine Ijwi eli sunu kuciindi ne Ndi Li bona kalikakwa ku tubungwe. Lili bikkidwe awa ku kampetu kaniini ku busenabumwi. O Leza, Nda... Kopa kuteeti tu jane nsana a camba, a Muuya Uusalala, kwiima, nkambo maoora aya busiya maningi akusiya maningi.

Pele atu yeeye lyoonse kuti Nkoli kukuyasya Mumuni. Ku oora lili Lyonse Yebo ndoyanda, Yebo inga wayasya Mumuni, Taata. Aboobo twa lomba . . .

<sup>289</sup> Mbuli Mbo kaamba, “Uli Mumuni wa inyika.” Kopa, Mwami, kuti Mimuni yesu, ili ku mulimo Wako, ika mweke canguzu kuli bamwi, kutegwa ba kabone Mumuni wa Makanimabotu mbuli mbo tuupona, Mwami, buzuba a buzuba, kutondezya kuli mbabo Buumi bwa Jesu Kristo mbuli Mbwa kali aa nyika; wakazwide bubombe a bubotu, akwalo Ijwi kaliponwa moonya muli Nguwe. Ko cipa, Mwami.

Nkambo, tu langide kuli Nduwe, Umwi mupati ujisi swicci mu janza. Yebo ujisi inyika mu janza Lyako. Yebo ujata zintu zyoonse mu janza Lyako, a kujatilila inyika kwiinda ku Ijwi Lyako.

O Taata, atu tambule Ijwi; Ula cita na, kaka, Mwami? Obo abube bumboni a kuyandisyua kwa moyo aumwi omuno.

<sup>290</sup> Taata, mbuli mbo twiimba ziimbo ezi zyakulumbaizya . . . Mbuli Davida mbwa kaimba ziimbo zyakulumbaizya, zyakaba cisinsime. Zya kali cisinsime, nkabela Wa ka zilanganya, cisinsime. Mbuli mbo tu ciimba, Mwami, acibe mu myoyo yesu, ayalo, mbuli mbo twiimba, “Tuyo enda mu Mumuni oyu.” A kube, Mwami.

Oyu Mumuni mubotu. Ndi Ijwi. Ngu Kristo kapona akati kesu. Kutali Mbwa kabede; obo Mbwa bede, alimwi, tu lizi kuti obo Mbwa kabede kuti kwakali kutondezya buyo obo Mbwa bede. Elyo twa komba, Taata, kuti bantu baka mvwisye a kweendela mu Mumuni oyu mubotu. Twa lomba mu Zina lya Jesu.

<sup>291</sup> Kuciindi notu ciimvwi kwakaindi kaniini, Ndi yanda kuti toonse twiimbe.

<sup>292</sup> Lino mukati omu kuli ba Presbyteria, Methodisti, Katolika. Eyi ni nkamu yabantu baindene, caboola kuli zyatubungwe.

<sup>293</sup> Lino amuyeeye, aci zibwe, kuti Nse kanani cintu kulwana bantu mu kubalama oku. Pele Nda citondezya, ku Bbaibbele, kwalo nkubalama. Ikuti ni kwatali obo, Kristo nekunga nacita mbuli Mbwa kasyomezya kucita, antoomwe a mbabo. Mwabona? Pele bala kaka Eco. Mwabona? Elyo cindi mwa sika okuya, ncinzi nco mujana? Ii “kusangana mbungano, kuloolola kansiyansiya kakayiigwa.” Elyo ino ciboola kuba nzi? Kuboola ku mamanino a lweendo, muyo jana kuti kwakali kubekema, kwabubeji.

Kristo ndi Ijwi. Ngo Mumuni. Amupone lino, kuciindi nomu konzya kupona. Amu ponene cintucimwi.

<sup>294</sup> Ino muponena nzi? Aboobo ula konzya kufwa. Umwi aumwi wanu, ino ubelekela nzi? Kulya. Ino mulida nzi? Kupona. Ino muponena nzi? Kufwa.

Aboobo nkaambonzi tamu poneni kupona? Nkaambonzi tamu poneni kupona? Mpawo, nzila ilikke njo mukonzya kupona nku tambula Ijwi. Nkaambo, "Muntu taka poneni ku cinkwa cilikke," ezyo nzo tubamba awa a nkasaalo zya nkumo zyesu, "pele ku Ijwi lyonse lizwa ku mulomo wa Leza." Lino Ijwi ly a mulomo wa Leza lili mukusimpikizigwa mpoonya awa kumbele lyesu, kwiinda ku Muuya Uusalala. Amupone kuli Ndilyo, tamuko cita?

<sup>295</sup> Lino Ndi yanda, kuciindi no twiimba eci alubo, atwiime buyo umwi aumwi mu busena bwesu, tandabika a ku jata maanza aa muntuumwi, a kwaamba, "Mukwesu, atwe endele mu Mumuni oyu," kuciindi no twiimba *Kweenda Mu Mumuni*. Mula cita? Amu kombelane mbuli mbo mubikka maanza antoomwe, kuciindi notu iimba antoomwe; a kujala meso esu, kuciimo mbuli mbo kukonzeka.

Tuyo enda mu Mumuni, Mumuni mubotu  
boobu,  
Uzwa oko madosi amume aa luse nkwabalama;  
Kumweka kuzunguluka ndiswe toonse isikati  
a masiku, (Ino Nguni?)  
Jesu, Mumuni wa inyika.

Atu tambike maanza esu.

Tuyo enda mu Mumuni, walo Mumuni mubotu,  
Amubooke oko madosi amume aa luse  
nkwabalama;  
Kumweka kuzunguluka ndiswe toonse isikati  
a masiku,  
O Jesu, Mumuni wa inyika.  
Amubooke, nywebo nyoonse no basalali iba  
Mumuni, amwaambilizye, (Ino ncinzi?)  
Jesu, Mumuni wa inyika;  
Mpawo milangu yaku Julu iyo lila,  
Jesu, Mumuni wa inyika.

Toonse, atu iimbe loko lino.

Tuyo enda mu Mumuni, alimwi walo Mumuni  
mubotu,  
Amubooke oko madosi amume aa luse  
nkwabalama;  
Kumweka kuzunguluka ndiswe toonse isikati  
a masiku,  
Jesu, Mumuni wa inyika.

<sup>296</sup> A mitwe yesu kiikoteme lino. Amuyeeye cindi Israyeli niya kali mu lweendo lwayo, kailya mana mapya mazuba oonse, ba keendela mu Mumuni wa Musumpululu wa Mulilo. Oyo Musumpululu wa Mulilo wakali Jesu Kristo. I Bbaibbele ly a kati Mbo wakabede. Elyo sunu Uli antoomwe a ndiswe; tuli Ujisi. Tu lizi kuti Ula antoomwe a ndiswe, nguonya Musumpululu wa

Mulilo, kaucita zintu nzyoonya ezyo Nzya kacita cindi Na kali ano aa nyika, kukuzulizya Ijwi Lyakwe.

<sup>297</sup> Mbuli mbo tuzwa awa, atu yeeye, amubambe lwiimbo olo mu myoyo yesu mbuli mbo tuya ku maanda esu, mbuli mavwili nang'ung'una lwiimbo. Kamu tana kulya cisusulo canu, amu kotamike mitwe yanu a kulumba Leza ku kutuma mumuni wakuleta cakulya aa nyika, ca mibili yanu ya kunyama. Mpawo amulumbi Leza ku kutuma Mumuni wakumuuya, Ijwi Lyakwe, kutegwa Ape Cakulya ku buntu. "Nkambo muntu taka poneni ku cinkwa cilikke pe, pele ku Ijwi lyoonse eelyo lizwa ku mulomo wa Leza."

<sup>298</sup> Amuzumanane buyo kwiimba ciimbo eci cakulumbaizya kuli lwanu, mu maanda anu, akati ka bantu banu, a kutu swaana alimwi okuno kutandila sikisi theeti, sunumasiku, ku makkaadi aamipailo a zimwi zimbi. Tuyo mubona akale. Kusikila eelyo, amu kotamike mitwe yanu.

<sup>299</sup> Ndiyo lomba Mukwesu Neville kuti aboole kumbele awa lino, mweembezi, a ku tumwaisya mu ijwi lya mupailo. 

*NGOOYO MUNTU AWA WALO UKONZYA KUYASYA MUMUNI* TNG63-1229M  
(There Is A Man Here That Can Turn On The Light)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa imu Nsondo kuseeni, Nalupale 29, 1963, ku Branham Tabernacle mu Jeffersonville, Indiana, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)